

Adjectus.

Ejusdem auctoris. Historia Viro-
-landiae antiquae, seu Partis
Americae Septentrionalis.

GRONLANDIA ANTIQVA,

feu

VETERIS GRONLANDIÆ DESCRIPTIO,

ubi


Coeli marisque naturā, terræ,
locorum & villarum situs, ani-
malium terrestrium aquatiliūque varia
genera, Gentis origo & incrementa, sta-
tus Politicus & Ecclesiasticus, gesta me-
morabilia & vicissitudines,

ex

Antiqvis memoriis, præcipuè Islandicis,
quā fieri potuit industriā collecta
exponuntur,

Authore

THORMODO TORFÆO,
Rerum Norvegicarum Historiographo
Regio.



HAVNIÆ,

apud Hieron: Christ: Paulli

Reg: Universit: Bibliopolam,

Anno 1715.

CENSURA.

Illustris & de Boreis Antiquitatibus optimè meritis Author, instar Novi Jasonis, Argonautas suos impellit ad Velus hoc Aureum recuperandum, quod non minus doctè, quàm eleganter describit.

*Hafn. d. 1 Maji.
1706.*

P. VINDINGIUS.

*ILLUSTRISSIMIS, EXCELLENTISSIMIS AC
GENEROSISSIMIS HEROIBUS AC
DOMINIS,*

**DN. JOACHIMO
DE AHLEFELT,**

DOMINO DE OLPENITZ ET BÜKHAGEN,
ORDINIS DANEBROGICI EQVITI

AURATO,

SACRÆ REG: MAJEST: DANIÆ ET NORV:
CONSILIARIO INTIMO, & PROVINCIALI,

ut &

ÆRARIJ REGII PRÆFECTO.

**DN. JOHANNI
GEORGIO DE HOLST,**

DOMINO DE MÖHLENHAGEN,
ORDINIS DANEBROGICI EQVITI

AURATO,

SAC: REGIÆ MAJEST: DAN: ET NORV:
CONSILIARIO STATUS,

SERENISS: DANIÆ & NORVEGIÆ PRIN-
CIPIS HÆREDITARIJ SUPREMO MORUM
STUDIORUMQVE PRÆFECTO,

ut &

ÆRARIJ REGII PRÆFECTO,

DN.

DN. ERNESTO
ULRICO DOSE,
 SACRÆ REGIÆ MAJESTATIS
 DANIÆ ET NORVEGIÆ
 CAMERÆ SECRETARIO SUPREMO,
 ut &
 ÆRARI REGII PRÆFECTO.

DN. JOHANNI
ROSENCREUTZ,
 SACRÆ REGIÆ MAJESTATIS
 DANIÆ ET NORVEGIÆ
 CONSILIARIO STATUS ET JUSTITIÆ,
 ut &
 ÆRARI REGII PRÆFECTO,

FELICISSIMA!

ILLU-

ILLUSTRISSIMI
DOMINI.

De Gronlandia multi
multa quidem &
varia tradiderunt,
plures etiam nomen ip-
sum latius exportantes,
quæ circa Spitsbergam ab
uno, Fretumq; Davisiû ab
altero latere explorari po-
tuere, istò vocabulò com-
plexi sunt. Antiquam
Gronlandiam primus, cre-
do, ex Danicis Claudius
Lyschander Historiogra-
phus

phus Regius A. 1608. metricè contexuit, typisq; excudi curavit : sed materia destitutus res Norvegicas descripsit ; de Gronlandia admodū pauca, nec præter Episcoporum ad certos annos reductorum catalogum, terræq; occupationem, quod majoris momenti esset, tradidit. Exinde vir Cl: Arngrimus Jonas de ea librum latine conscripsit ; qui licet publici juris hucusq; factus non sit, interpretem tamen jam ante
pau-

paucos annos nactus, islandicâ lingvâ typis impressus promiscuè legitur. Idem quoq; Auctor libro, quem Specimen Islandiæ inscripsit, multa ad hoc argumentum pertinentia inseruit. Post illum Gal-
lus quidem Anonymus, diu in Dania versatus, non solum antiquam illam Gronlandiam, sed itinera etiam ad Novam Zem-
blam, Spitzbergam, Fre-
tumq; Davisium suscepta accuratè descripsit. Po-
stremus omnium ego illa,

qvæ ad antiquam Gronlandiam tantum faciunt, rudi complexus stylö, tam ex memoratis Scriptoribus, quam monumentis patriæ (id est Islandicis Danicisq;) congeffi, & in præfens scriptum redeגי: cum mihi illud ex officio incumbat, utpote qui in Historia Norvegica concinnanda jam complures annos defudo, aliquasq; illius provincias, quantum in me est, celebraverim; tum etiam quòd faciliorem viam ad eam investigan-

gandam me monstraturum existimem, quàm quæ hucusq; iis patuit, qui magnis impensis isti negotio expediundo adhibiti sunt. Etenim cum biennio abhinc Augustissimus noster Illustribus suis comitatus, dum præcipuas regni hujus partes providissimè lustraret, in transitu ad me noctem divertere clementissimè dignatus est: cumq; tunc de hoc argumento quæstio incideret, novâ ego, & hætenus

nemini tentatâ, viâ procedendum respondi. Istam nunc monstratum eo. Cæterum cùm impensæ ad tantam rem perficiendam necessariò exigantur, Vobis autem, Viri Illust: Excellent: Gener: Ærarii Regii cura providissimè commissa sit, illustris hujus argumenti examen ad Vos jure pertinet. Tunc enim in illas facillimè consentietis, si evidenter monstretur, hac methodò negotium ex voto successurum, quod toties ha-

Et enus

ctenus magno impendio,
 & solius Regis CHRISTIANI QUARTI de-
 cem instructissimarum
 navium diversis tempori-
 bus periculo, præter du-
 as in Fretum Davisium
 ductore Johanne Mun-
 chio missas, & eam, quam
 Societas Gronlandica in-
 struxisse perhibetur, in-
 cassum tentatum fuit, nec
 deinceps uno & altero,
 imò nec tertio experi-
 mento, felicius processit.
 Interea in tanti momenti
 re, quæ cœlestis Numinis
 glo-

gloriam, ac subditæ, sed
 defertæ, gentis tempora-
 lem æternamq; salutem
 attinet, nunquam cessan-
 dum, nec ullis unquam
 impensis quocunq; tan-
 dem eventu parcendum
 esse arbitror. Fortè &
 tempus atq; experientia
 multa pandent, quæ na-
 vatam operam largo fœ-
 nore rependent, ex quibus
 eruditissimus Arngrimus
 Thorchillius, superioris
 Arngrimi nepos, multa
 enumeravit, sanctiorisq;
 Consilii Regii Censu-
 ræ

ræ subjecisse perhibetur.
 Et si vel maximè emolu-
 menta deessent, tamen
 adeo pii impendii famam
 non modò immortalitatis
 albo grata inscribet po-
 steritas, verum etiam po-
 tentissimè tuebitur æter-
 nitas, quâ providente
 AUGUSTISSIMI REGIS no-
 stri laurea florentem o-
 mni ævo viriditatem con-
 servabit, donec alia subli-
 mior, æternum duratura,
 Ipsi in beatissimo Sancto-
 rum coetu imposita splen-
 debit. Nec divinæ remu-
 nera-

nerationis exfortes eritis,
 Viri Illust: Excell: Gener:
 si piis consiliis curren-
 tem incitaveritis potius,
 quàm longi temporis ex-
 emplorum tædiò sufflami-
 naveritis. Novimus fan-
 ctissimum Regem, Senem
 pium providumq; , Deo
 unicè acceptum ipsi Hie-
 rosolymis templum desti-
 nâsse: Numen autem istam
 operam Filio reservâsse,
 utriq; propitium: prona
 enim Patris voluntas Deo
 grata fuit, qui & Filio,
 præter inexhaustum sapi-
 entiaë

entiae thesaurum, incomparabilem divitiarum cumulum largitus est. Recuperandae perditae genti Gronlandicae, Deoque imprimis conciliandae, deletum destinatumque aetatis jam flore virentem Piissimum REGEM nostrum temporum rei; gerendae oportunitas persuadere videtur: de successu non erit desperandum. Aggrediatur modò: propitio Numine pium opus succedet. Hòc votò, hác spe erectior his meis lucubratio.

tionibus , mihi quoq; ,
quantumvis immerito, Ve-
strum, Mæcenates Magni,
patrocinium, gratiæq; &
favoris inter clientes par-
ticulam aliquam supplex
imploro

ILLUSTRISSIMORUM
VESTRORUM
NOMINUM

cultor humillimus

TH. TORFÆUS.

PRÆ-



PRÆFATIO

AD LECTOREM.

Quanquam haud pauci quædam de Antiqua Gronlandia scripserint, nullis tamen ea notior fuit quam Islandis, qui & primi eam invenerunt, coloniis insederunt, repleveruntque, crebris denique navigationibus inviserunt & commercii frequentarunt. Non igitur mirabere, lector, quod sepositis aliorum, id est exoticorum, Scriptis, horum testimoniis, relictisque posteritati documentis, in concinnando hoc opusculo usus fuerim: non me latet interiisse quædam ex iis quæ illi olim literis consignarunt,

b

inter

inter quæ etiam Eirici Ruffi vita Codici Flateyensi in testimonium advocata (cujus Cap. III. mentio facta est) quæ tamen quod sciam nusquam exstat, sed tanti non sunt, ut ea quæ supersunt, præsertim quæ inter se cohærent, velut conficta vilesque quisquiliæ rejiciamus, nullumque iis pondus inesse statuamus, cum ea quæ vel Scriptorum incuria, vel librariorum negligentia inter se pugnare videntur, ex accurata lectione, forsitan etiam plurium documentorum quæ ad manus meas nondum venerunt, accessione, facile inter se conciliari possint, quæ etiam existisse confirmat Biornus de Skardsa, in annalibus Gronlandicis p.m. 45. dum testatur Arium Polyhistorum, plurima de Islandia, nec non Gronlandiæ marisque Septentrionalis desertis, scripsisse, mihi licet

cet non visa: Sed nec ea quæ super-
sunt omnes pariter assequuntur
hinc tabularum Geographicarum
varietas promanavit, quarum exem-
pla eo fine produximus. Antiquæ
inquam Gronlandiæ res, incolarum
originem, mores, resque gestas ab
Islandis tantum notatas hic descri-
psimus: de Barbaris, quos Skrælin-
gos vocant, tantum pauca, nec sin-
gula intra Gronlandiæ pomeria.
Spitsbergam, quæ Gronlandiæ no-
men, sed recentius, usurpat, non atti-
gimus, quod aliorum scriptis satis
celebretur. Sed nec causam cur
nostra hæc Gronlandia deserta fue-
rit, aut quoties deinde incassum
quæsitæ exposuimus, quorum ple-
raqve liber Norimbergæ (Auctore
Gallo anonymo) in linguam Ger-
manicam translatus ibidemque ex-
cusus tradit.

Testimonia Islandorum unde Gronlandiæ descriptio concinnata est Clariss: Arngrimus Jonas in Specimine Islandiæ partis 2dæ memb. 2do à pag. 150. ad pag. 155. accurate recensuit, quibus quædam non satis proba immiscuit, quæ nos in hoc ipso opere rejicimus.

Primus illi Thorgefillus est, nobis Thorgils, cognomento Orrabeinii alumnus, cujus vitam Gronlandiæ nostræ cap. XVIII exposuimus.

Secundus Thormodus Bessii cognomento Kolbrunarskalld, continuis quoque capp: à XIX: ad XXV: à nobis celebratus.

Tertius Refus ab ingenii sagacitate & solertia Kroka-Refus vocatus nobis quoque Kroka-Refus. Sed Cap. XXV ad ungulam examinatus, utque commentitius rejectus.

Quar-

Quartus Helgo ab arte rhythmica Skald-Helgo vocatus, nobis Skald-Helgius, cujus mentio à nobis Cap. V. pag. 30.

Quintus Thorfinnus Karlsefnus, de quo in nostræ Vinlandiæ Capp: VI: VII: XI: XII: XIII & XIV: actum est.

Sextus Biornus Einarius Islandus Hierosolymipeta: de quo inspicere poterunt Gronlandiæ nostræ Cap: Ildum & XXXIIum. Horum auctoritate testimoniisque Arngrimus usus est, ubi notatu dignum occurrit, quod Bardi Snæfellsasi historiam, quam in sua Crymogæa & Gronlandiæ descriptione ut authenticam allegavit, hic prorsus neglexerit, unde colligitur post utrumque specimen de quo agimus ab eo conscriptum fuisse, fucumque tan-

dem Biographi Bardì ab eo fuisse
deprehenſum. His addi poſſunt
Hermundus Kodranius & frater
ejus Thorgils, de quibus Capp:
XXVI & XXIX à nobis actum eſt.

Nos in locum fabuloſæ narrati-
onis de Kraka-Refo accuratiſſimi
Ivaris Berii deſcriptionem ſubſtitui-
mus, viri multæ auctoritatis, quip-
pe ipſius Episcopi redituum præfecti
qui prædiorum obventiones, mul-
tæ quoque & quicquid ad Eccleſiæ
cathedralis, Antiltitisque ſuſtenta-
tionem deputatum erat exigebat &
deinde diſpenſabat, quod officium
Episcopis dignitate proximum, Ab-
batibus par, Baronibus ſuperius (ut
apparet ex Cod: Gulathingenſ: titu-
lo Landsleigubalk Cap. 19. & Cod:
Leg. Island. titulo eodem cap. 18)
cenſebatur: non igitur de ejus fide
du-

dubitari potest, cum & sibi nota & æqualibus perspecta scripserit, à quibus falsi crimine actutum convinci poterat, si decipiendi animum deprehendissent. consentit insuper cum Islandorum scriptis, nec causa subest quæ talem suspicionem suggerat, accedit ad fidem his conciliandam quæ celebris antiquarius Biornus de Skardsa ex antiquis membranis & Hauki Legiferi libro collegit.

His præmissis causæ omissæ in Gronlandiam navigationis breviter inspiciendæ. Pontanus Hist. Dan. lib. VII. pag. 476. à quibusdam epidemicam luem, atram mortem dictam, statui tradit quæ anno 1349. septentrionem afflixit. Claudius Lyscander in sua Gronlandia metrica, incussum nautis, qui ventorum violentia eo appulerunt, metum, ob

intentatam à Regina Margareta li-
tem, quâ, de vetitis cum gente illa
commerciis rigide postulabantur, id
quod Hvitsfeldius ad annum 1389.
fufius exponit. Pontanus paucio-
ribus his verbis. Eadem circiter
„ tempeftate naucleri nonnulli alii-
„ que negotiatores Gronlandiam
„ claſſe petiverant, contra mor-
„ em ac præter edicta Regia id tem-
„ poris longa conſuetudine ſerva-
„ ta, iis etenim diebus Islandia,
„ Weſtenora (fortè Weſtmann-
„ eye) Helgelandia, Færoia, Finn-
„ marchia Regis reginæq; propria
„ erant, nec aliorum niſi regis ſo-
„ lius claſſibus frequentari ſolebant,
„ eaque de cauſa inter dicta negoti-
„ atoribus jam nominatis, qui cum
„ declaraffent ac verè oftendiſſent,
„ ſe nullo ſtudio, ſed ſola neceſſitate
„ ac vi ventorum, molibusque gla-

cic-

cierum aquis innatantium com-
 pulsos id fecisse, indemnes & li-
 beri pronunciati sunt, liqvetque
 per ea tempora Gronlandicam na-
 vigationem minus fuisse pericu-
 losam, cum nondum coacerva-
 ta esset ex Trollebottis (Trollbot-
 nis) glacierum ea copia, quæ,
 nunc impedit ea omnia ac diffici-
 lia reddit, adeo ut vix nisi à parte
 insulæ quæ libonotum borealem
 spectat, terram hodie, quamvis
 & id subinde difficulter, detur
 contingere. Hæc Pontanus. Ad-
 jicit Lyscander districtos aliis nego-
 tiis procures Norvegos Reginam-
 que raro in Norvegia mansisse, sæ-
 vasque iis annis tempestates naviga-
 tionem impeditam reddidisse, mis-
 sas tamen naves nunquam rediisse,
 sed nec exinde peritos illius viæ
 nautas, quippe memorato exem-

plo territōs, istius profectiōis cupidōs fuisse nec id Reginam curasse, missum tandem anno 1406, ab Archiepiscopo Vinoldo Episcopum Andream qvi Henrico si mortuus esset succederet, verum an eo pervenerit nemini constare. Mortuam deinde Reginam: successisse Eiricum Pomeranum qvi implicatus rebus Svedicis curam Gronlandiæ totam abjecerit, successorem Christophorum Bavarum, breve regni tempus nactum, civitatibus Hanseaticis compescendis intentum Gronlandiæ inqvirendæ non vacasse. Christianum quoqve primum Svedicis rebus occupatum, Dithmarsiam regno utiliorem quam Gronlandiam reputasse, illius tamen tempore, Andreas ille qvi anno 1461. Gardarum Episcopum & Schalholtinæ Diœcesis vicarium se
pro-

professus est vixisse an in Gronlandiam unquam pervenerit incertum est, missum certe constat. Excipit Regem Christianum filius Johannes, sed continuis cum Svedis controversiis bellisque impeditus, Gronlandiæ repetendæ otium nunquam nactus perhibetur. Sub ejus filio Christiano secundo Archiepiscopus Nidarosiensis Eiricus Valchendorphius, quæ ad inquirendam illam terram requirebantur apparabat, de quo Capp. IX & XXI a nobis dictum est. Tradit tamen Joh. Jacobus Hofmannus in suo Lexico universali Nomine Christiani Secundi p. m. 436. cum Gronlandiam à prædecessoribus a missam anno 1513. frustra repetivisse, quæ auctoritate subnixus nescio. Poterit tamen consistere, si id antequam coronatus est factum statuamus, decessit enim

pa-

pater ejus Rex Johannes eodem anno vicesimo Februarii, Christianus autem solenni coronationis ritu anno sequenti 1514. feria Sacrosanctæ Trinitatis consecratus est, quæ tunc in undecimum Junii incidit. Ejus successore Friderico Primo regnante apparatus inquisitionem scribit Claudius Lyscander, sed sine successu nec ad effectum perductam, atque huc usque inquisitio Gronlandica fere vel prorsus omissa est. CHRISTIANUS autem Tertius, Lyscandro teste, navem ad illum finem nautasque instruxisse atque eo misisse traditur, qui eam quoque inquisiverint, nec invenerint, atque ita irritum conatu redierint, copiam deinde Gronlandiæ petendæ Norvegis omnibus ab eo promiscue factam revocatumque vetus interdictum, sed unde id habuerit, mihi non

nondum liqvet. Certo autem constat filium ejus FRIDERICUM Secundum & omnes ab eo Reges usque hodiernum Augustissimum nostrum magnis impensis eam investigandam curasse, & illum quidem anno 1578. per Magnum Heinsonium virum Færoïensem nauticis artibus innutritum, solertiæ fama inclytum, qui glacie tempestatibusque repulsus, terram quidem vidit, non attigit, ipsius navis medio pelago velut anchoræ alligata, quantumvis ventis acriter impulsâ aliquantisper immota stabat, scopulos magneticos in fundo divinabat, à pisce qui remora apellatur moratum eum alii conjiciunt, tandem re infecta in Daniam rediit. Eodem anno celebris Anglus Martinus cognomento Forbissier ad eandem terram inqvirendâ profectus, terram quidem vidit, gla-

cic

eie autem & imminente hyeme ul-
 teriore inquisitione prohibitus in
 Angliam rediit, proximo autem
 vere tribus navibus à Serenissima
 Angliæ Regina Elisabeta instructus,
 ultimo Maji portu solvit, postqve
 infestam tempestatem & monstro-
 sis glacierum molibus impeditam
 longam navigationem, terram tan-
 dem consecutus in feros homines
 incidit, qui visis Anglis ad se abdu-
 cendos intentis consternati relictis
 casis in montium præcipitia certa-
 tim fugientes in subjectum mare se
 præcipitabant, pars latebris se ab-
 scondentes congressum eorum vi-
 tabant: casæ iis coriis balenarum
 tectæ quatuor columnis viminibus
 inter se revinctis innitebantur, du-
 abus foribus in occidentem & au-
 strum directis conspicuæ, sed con-
 tra aqvilonem & evrum qui eas
 ma-

maxime infestant, curatissime munitæ, in una harum deformis & fæda anus mulierqve prægnans in potestatem redactæ, lustrati montes, trecenta dolia arenæ aureo argenteoqve colore tinctæ avecta, notati gentis mores & ingenia astuta, animaliumqve genera, cognitum aliam in vicinia gentem cultiorem sub Principe quem Cakiunge appellabant late imperante, quem cives humeris suis insidentem veherent, ipsi vestem ornatissimam gerentes aureis diadematibus frontes revincti (his non abscondita sunt quæ Vinlandiæ Cap. XIV. pag. 63. narrantur) quæ omnia itinerario ejus prodita hic recensere superfluum videtur, cum ad antiquæ Gronlandiæ incolas nihil pertineat, nec enim notatum reperio quoto gradui æquatoris gens ista subiecta sit itaqva ad
Sere-

Serenissimos Daniæ Reges, unde digressi sumus, redibimus.

Post FRIDERICUM Secundum filius ejus CHRISTIANUS Quartus quaternis vicibus naves in Oceanum Gronlandicum magnis impensis ablegavit : prima quidem navigatio Anno 1605 duce Gotschio Lindenovio nobili civi tribus navibus adornata, qui velis in ortum æstivum directis ad oras Gronlandiæ appellens jactis anchoris, multis indigenis scaphis advectis exceptus est, quibus humaniter susceptis vinum propinavit, quod cum palato ipsorum non saperet, oleum ex piscibus poscebant, acceptumque ut delicatissimam potionem avidè hauriebant, inde merces suas ad navem convehabant, vulpium exuvias, phocarum, vitulorumque marinarum & urforum pelles, singularis
cujus-

cujusdam balenæ cornua vel potius dentes, monocerotum speciem referentes: hæc vilissimis quibusvis mercibus, puta acubus, fibulis & uncinulis permutabantur, auro argentoque spretis, ferrum necessitate exigente expetebant, centuploque redimebant, proque his cymbas, remos, arcus, sagittas aliisque deficientibus etiam vestes exuentes, interulas erogabant: si de permutatione non conveniret, suum quisque repetebat. Ternis in illo portu diebus exactis cum anchoram solveret, duos viros, qui in navi ejus remanebant, secum ducturus, cum tantam vim opponerent, ut ex manibus capientium in subjectum mare se præcipitaturi prope elaberentur, postquam verberibus usque ad sanguinem nequicquam vapulassent, in vincula conjecti sunt, illi vero

c

qui

qui è terra captivitatem suorum spectabant, ingenti telorum lapidumque fundis excussorum nimbo eos incesserunt, donec explosis è navì sclopetis territi effusa fuga in superiora dispergerentur. Secunda anno 1606. quinque navibus, eodem præfecto, Regiis impensis. Tertia duabus navibus, præfecto Castiano sive Christiano Richardo (nescio quo anno) sumtibus etiam Regiis. Quarta navigatio impendio Regis duabus navibus, præfecto Johanne Munchio anno 1616. adornata ab eoque diligenter descripta, non ad investigandam Granlandiam antiquam, sed fretum aliquod per quod in orientales terras Catajam Chinamve cursus institui posset. Quinta anno 1636. sumtus conferente Societate Gronlandica Hafniæ instituta cujus caput erat Illustrissimus aulæ

aulæ Regiæ magister, ut vult citatus
Gronlandiæ scriptor, mihi non li-
quet quinam is fuerit, inter Franci-
scum Ranzovium qui anno 1632.
mortuus est, & Cornificium Ulfel-
dium, qui anno 37. ejusdem secu-
li, Prorex tantum, postea aulæ ma-
gister constitutus est; sed cum in ea-
dem narratione eum Cancellarium
appellet, comperio fuisse illustrissi-
mum Christianum Frisium. Hac a-
renam tantum aureo colore è freti
Davis littore invecctam jussu ejus-
dem Cancellarii, in mare Balthicum
effusam idem Scriptor tradit, idque
imperiti aurifabri culpa, qui au-
rum inde elicere nesciverit, quod
tamen alteri postea feliciter succes-
sisse affirmat. Fides sit penes eum. Et
hæc quidem sub CHRISTIANO
Quarto.

Anno 1654. sub Augustissimo Rege FRIDERICO Tertio felicissimæ memoriæ, primo Domino meo Clementissimo nobilissimus vir Henricus Mullerus navem ad Gronlandiam ablegavit, præfecto David de Nelle, qvi tres inde fœminas Hafniam retulit; quarum nomina, Kiuneling, Kabelau & Sigokou, illum Episcopus Thorlacius qvi ephemerides ejus inspexit, Herjolsnesiam proxime accessisse statuit; verum perierunt illæ (scil: ephemerides) prædonibusque Scotis inter plura quæ secum in patriam devexerat in prædam cesserunt. Ultimus qvi Hafnia ad investigandam Gronlandiam, fretiqve Davis indolem explorandam, à gloriosissimæ memoriæ Rege altero Domino meo clementissimo CHRISTIANO Quinto annis 1670. & sequenti missus

fus est, præfectus navalis Ottho
 Axelius, quid priori anni reditu re-
 tulerit exploratum non habeo, po-
 steriorem nunquam rediit; quid de
 illius eventu, in Islandia audiverim,
 ubi tum illius è Gronlandia re-
 ditum oppertus sum, ipsum do-
 mum secuturus (quamvis cum re-
 lationibus, quas ex Hollandia exce-
 pi, conveniat) quippe idoneis testi-
 bus destitutus, lubens prætereo. His
 tantis expensis nec ad antiquæ Gron-
 landiæ veterisque coloniæ, neque
 ad notitiam pelagi Davis tantum
 profectum est, ut constet an via in
 mare Pacificum uspiam pateat, an
 perpetuæ continentis objectu præ-
 clusa, indagantium industriam elu-
 dat, contra veterum opinionem
 quam auctor Geiplæ his verbis pro-
 dit. Milli Vinlands og Grænlands,,

„ er Ginungagap, þat geingur ur
 „ hafi því er heitir Oceanus : þat
 „ hverfr um allan heim. Quod
 Verelius Notis ad Historiam Hervö-
 rian: Cap. I. pag. 27. voce Elivogar
 ita vertit. Inter Vinlandiam &
 Gronlandiam est Ginungagap, quod
 ex Oceano discedit, qui universum
 terrarum orbem circuit. Ex præ-
 misfis satis, ut spero, & fidem nostræ
 Gronlandiæ conciliavimus, & caus-
 sam omissæ navigationis & repe-
 tentium industriam ostendimus: su-
 perest ut horum errata monstrem
 causamque aperiam cur toties voti
 irriti propositum sibi scopum nun-
 quam attigerint. Et error quidem
 omnibus erratus, unus tantum est.
 consistitque in eo, quod ad Orienta-
 lem coloniam (Austurbigd) ut plu-
 rimum contendentes, cum obvia
 gla-

glacie nimium colluctati, occidentalem terræ partem vel non satis mature adierunt, vel postquam adierunt, littorales oras quæ oportuit diligentia minime lustrarunt, longoque à Dania intervallo, fero nimis ad mare Gronlandicum accesserunt: alii freto Davis scrutando tantum intenti si quæ via ad mare Pacificum duceret investigandam sibi proposuerunt, de Antiqua Gronlandia securi: equidem mare Gronlandicum à Dania remotius est quam ut ejus natura ab eis qui tarda navigatione eò ex longinquo deveniunt, exigua æstatis parte nesciunt ipsa terra, vel decumanæ istius glaciei indoles, an continuo littora, vel statis anni temporibus, obsideat, iterumque recedat, possit explorari. Compendiosiore itaque via procedendum erit, quæ præ

omnibus nationibus Augustissimis nostris Regibus, iisque solis, patet; cum Islandiam ditione teneant. Inde enim primis vernantium annorum partibus, ne magnis quidem navibus, navigatio semel iterumque tentanda, donec ad glaciem perventum est, quæ si adeo interjectum mare repleverit, ut ne ad fretum Forbissæri (quod tamen vix fieri poterit) tutam navigationem reliquerit, semper tamen in Islandiam indemnis recursus patebit, idque quousque mitescente coelo in tutam aliquam stationem navis deducatur: est autem continens lateris borealis freto Forbissæri adiacens, pars illa occidentalis Gronlandiæ quæ antiquitus Vesturbygd fuerat, inter quam & coloniam Orientalem (Austurbygd) aliis compendiosiore forte via quindecim mil-

milliaria Germanica , aliis spatium , quantum hexeri sex remigibus actæ , sex diebus metiri queas , isti remiges ex Islandia deducendi , acatiusq; idoneis instruendi , militumque loricatorum præfidiis muniendi , ne indigenarum sagittis , vix à destinatis aberrantibus , obnoxii pateant , quæ licet osibus præfixis hebetiores videantur , magno tamen robore impulsæ quin acriter incidant , pelli ceasque vestes penetrent , nullus dubito : quinquaginta ad minimum milites ad id requiri videntur , quorum viginti ad scaphas relinquendi , cæteri continentem lustrabunt , nec tamen longe à littoribus , nam habitationes veterum parum inde disfitas fuisse , commoditates ex aperto mari quærendæ , si aliæ rationes deessent , satis tamen persvaserint. Interea vectoria illa navis , quæ illos

ex Islandia devexit, in proxima statione collocanda reditum eorum expectabit: unius æstatis opus est, quo absoluto Islandia repetenda, ibique hyemandum, patebit inde an veteribus cultoribus nudata Austurbygd, prorsus deserta sit, an in eorum locum Skrælingos receperit, quo cognito consilia pro re nata varianda sunt: interea profuerit si altera navis in freto Davis commercia cum incolis exercuerit, ut si minus lucri compareat: expensas tamen aliquatenus suppleat, mercesque in Islandiam, illorum hibernis perpetuò deligendam, revehat, quæ inde cum mercatoriis navibus Hafniam commodissime transportari possunt, referrique quotannis ea quæ Gronlandis vendenda sunt. Neminem tamen credere vel in piissimos

simos Reges nostros istum præcipue
 scopum intentioni suæ impensisque
 præfixisse : gloriam Dei iis præ o-
 mnibus aliis sollicitissime quæsitam,
 indefessum Christianæ religionis
 promovendæ pietatisque ingene-
 randæ studium apprime declarat :
 hinc aliis Ecclesiæ, aliis Scholæ, a-
 liis Academiæ, aliis horum singula,
 vel excitata vel aucta vel restaurata,
 omniaque quæ huc spectant abun-
 de procurata : Iratum genti Numen,
 istam tantam, tam diuturnam, tam
 acerbam calamitatem inflixisse sta-
 tuerim, quæ humaniorum gentium,
 & quod omnia superat, rerum salu-
 tiferarum consortio, tot annorum
 centuriis excluditur : piis itaque pre-
 cibus Deus ante omnia propitian-
 dus, ut tandem illius misertus pæ-
 nisque exsatiatus, Sanctissimis Regis
 nostri consiliis conatibusque in il-
 la

la recuperanda , Ecclesiæque pomæriis (quod unice intendit) inferenda, purioribusque sacris initianda, clementer adspiret, viamque & media ad tantam rem perficiendam ipsemet monstrare, adque nominis sui gloriam, ipsiusque honorem, singulorumq; æternam salutem dirigere dignetur.

Hoc cum Clariss: Trogillus Arnkelus jam diu optaverit, gaudeo illum eandem quoque viam, quam hic monstravi, & vidisse & probasse. Opere de Ethnicorum Cimbrorum religione lib. VI. de conversione Cimbrorum cap. V. paragr. 13. pag. 329. quod autem primam eorum conversionem ad Archi-Episcopi Ansgarii tempora referat, omniumque Islandorum documentis, ipsique adeo Ario Polyhistori deroget, quippe qui non integro seculo ab excul-

exculpta primum Gronlandia natus est, cujus etiam avus, cum uno ex Eirici Ruffi focis collocutus est, qṽi cum Gronlandiam tunc incolere cæperat, secutus est, probare neqveo. Concedo privilegia S. Ans-gario in fundatione Archiepiscopa-tus Hamburgensis ab Imperatore Ludovico Pio & Pontifice Romano Gregorio Quarto annis æræ Christi-anæ 834 & 835. collata ex Archi-vis Exedræ seu capituli Bremensis deprompta, tot Ecclesiis doctisque viris probata totiesque citata, qṽi-bus Islandia & Gronlandia Ecclesia-sticæ ejus jurisdictioni subjiciuntur, irrefragabilem sibi auctoritatem vendicare, cui sine temeritatis nota contradici neqveat, ni jam invi-cta originum Islandiæ, historiarum-que in hoc argumento sibi ubique
con-

consentientium testimonia ista culpa dubitantem præsertim gentis suæ civem non solum absolverent, sed etiam ad diligentiorē inquisitionem, auctoritatisque suæ absolute necessariam defensionem tutelamque suscipiendam impellerent: talem enim argumentationem præscribunt; aut Arius Polyhistor Scriptor fide dignissimus, temporumque eorum proximus, mentitur, avum suum ab Eirici Ruffi socio, qui comitem ei se adjunxit, cum in Gronlandiam colonias primo traderet, de ejus excultæ origine certiorē factum, idque in ipsa Gronlandia cum ibi negotiaretur: aut avus ejus, vir eximius inque patria sua celeberrimus, nepotem suum consulto decepit: aut denique instrumenta Imperatoris & Pontificis

cis, de quibus sermo, quoad Islandiam & Gronlandiam à falsariis corrupta typis deinde descripta ad nos pervenerunt. Priora duo cum Arngrimus & Thorlacius absurdissima statuisent, nulla temeritate sed evidenti necessitate coacti, de autenticis instrumentorum istorum controversiam moverunt, quam etiam adductis similibus aliquot exemplis, non sine ratione suspectabant. Ego ita concludo, quod si eorundem instrumentorum alia exempla ex aliis archivis depromi possent (& ni fallor depromta sunt) ubi nulla harum terrarum mentio exstat, planum simul evadit autographum Bremense corruptum esse, donec existant viri fide & auctoritate omni exceptione majores, qui illud appensis Imperatoris Pontificisque genuinis sigillis se oculis perlustrasse sincere

re testentur. Hæc sunt de quibus te
 Lector humanissime monere volui.
 Duo tamen, quæ postea succurre-
 runt, adjiciam, unum quod Episco-
 pi quidam ab illustrissimo Hvitfel-
 dio notati, hic ideo omissi sunt,
 quod in antiquitatibus Islandicis
 nusquam reperiantur, quorundam
 etiam ordinationis & emortuales
 anni illi notati ab iis dissentiant: al-
 terum ingenua erroris confessio in
 nomine Ivaris Berii quem corru-
 ptam lectionem secutus perperam
 Bevium scripsi. Tuum erit hoc qua-
 lecunque de Gronlandia antiqua
 scriptum in meliorem partem acci-
 pere, & si quæ emendanda sunt
 monere, omissa supplere, dubia
 commode interpretari. Vale
 & his fruire.



Elen-

Elenchus Capitulū hujus Libri.

CAP. I.

De ratione nominis. pag. I.

CAP. II.

*De occasione inventæ Grönlandiæ, ubi
de insula Gunnbiarnarskere. p. 4.*

CAP. III.

*De inventione Grönlandiæ & ejus in-
ventore. p. 9.*

CAP. IV.

*De iis, qui Eiricum ex Islandiâ secuti
Grönlandiam ceperunt incolere. p. 17.*

CAP. V.

*De Grönlandiæ situ, ejusq; desertis.
pag. 21.*

CAP. VI.

*De Grönlandiâ habitabili vetusti libri
libri descriptio. p. 36.*

CAP. VII.

Continens Ivaris Bevii, alius Berii, descriptionem. p. 41.

CAP. VIII.

De dissentientium descriptionum qualicumq; conciliatione. p. 55.

CAP. IX.

De ratione navigationis ex Norvegia vel Islandia in Grönlandiam dirigenda veterum traditiones à Petro Claudii Undalino congestæ, quæ descriptione pag. 172. continentur, collatæ cum chartaceo meo exemplari. pag 63.

CAP. X.

Continens Episcopi Theodori Thorlacii topographiam. p. 74.

CAP. XI.

De iis, quæ in Gronlandia proveniunt. pag. 82.

CAP. XII.

De generibus phocarum & cetorum ex Speculo Regali Islandico. p. 87.

CAP.

CAP. XIII.

De monstribus marinis, & absurdâ speculi Regalis narratione. p. 97.

CAP. XIV.

De constitutione cœli. p. 101.

CAP. XV.

De Grönlandorum victu. p. 104.

CAP. XVI.

De iis, quæ vel Grönlandi gesserunt, vel alii in eorum terrâ perpetrârunt; peculiariter autem primò fabula de Helga Bardi filiâ. p. 107.

XVII.

De Leifo Eirici Rusi filio, introductâq; per eum in Grönlandiam fide Christianâ. p. 127.

CAP. XVIII.

De gestis Thorgilfis Orrabeinii privigni in Grönlandia. p. 130.

CAP. XIX.

De gestis Thormodi Kolbrunarskalldi in Grönlandia, & primò de actis cæ-
d 2
deque

*deque socii ejus Thorgeiris Havardi
filii. p. 151.*

CAP. XX.

*De Thormodo ad ultionem exequen-
dam ex Islandiâ in Norvegiâ pro-
fecto, cædeque ibi perpetratâ, in sa-
tellitum Regis ascito, ejus itinere in
Grönlandiam, cæde in Brattahlide,
& accessu in Stockanesiam. p. 158.*

CAP. XXI.

*De cæde Thorgrimi Trollii, à Thormo-
do perpetratâ, ejus effugio, latebris,
& capitis damnatione. p. 168.*

CAP. XXII.

*De conflictu Thormodi cum nepotibus
Thorgrimi eorumque cæde. p. 175.*

CAP. XXII.

De Thordisis persecutione. p. 180.

CAP. XXIV.

*De Lioti de Laungnesia cæde cum tri-
bus*

*bus comitibus à Thormodo E Stei-
nare occisis, p. 186.*

CAP. XXV.

*Continens succinctam Arngrimi expo-
sitionem de Kroka-Refo, totiusque
narrationis refutationem; ut E de
Thrando quodam Norvego in Grön-
landiam à Magno Bono ad evitan-
dam Haraldì Strenui persecutionem
misso. p. 193.*

CAP. XXVI.

*De Institutione Episcopatus in Grönlan-
dia. p. 217.*

CAP. XXVII.

*De naufragis inventis, eorumque na-
ve, sedi Episcopali delegatâ, bono-
rumque divisione. p. 222.*

CAP. XXVIII.

De cede Auffuris. p. 228.

CAP. XXIX.

De eade Einaris & Compositione pacis. p. 231.

CAP. XXX.


Continens catalogum Episcoporum Grönlandiæ, cum quibusdam aliis notatu dignis, ex Annalibus, quos ad manus habui. pag. 241.

CAP. XXXI.

Præcepta Archiepiscopi Eirici Valchendorphii, nautis in Grönlandiam destinatis data. p. 258.

CAP. XXXII.

De Biörno Hierosolymipeta, & indicis de Grönlandis posterioribus temporibus exceptis. p. 260.



Desi-

Define mollium querelarum,
Gronlandia!

Rates,

Ratæ usq; adhuc,

Erratum tuum pelagus semper hyberna-
turum, glacie immiti, & decuma-
nīs fluctibūs horrendum,

Diutiùs

Obliqvis *non* trepidabunt undīs,
Nec deviō itinere in Cretico quasi
Labyrinθο de portibus tuis

Errabunt,

Accuratō hodienu*m* Amusiō orbitis tuis

Denuō

Inerrare sine errore,

Docente,

Nobilissimō & longē Celeberrimō
Dn. THOR MODO

TORFÆO,

Historiographō Regiō.

Ovans,

Gronlandia,

Rusticus qvilibet tuus sumat trechedipna,

Et ceromaticō ferat niceteria collō:

Te enim
Sociis jamdiu viduatam,
Sosii jam nunc visitant,
 Nunciaturi,
 Obortam,
 Violatâ *Ara Artoptæq;* reverentiâ,
 Hinc *esuriem*, illinc *barbaricem*
 Tandem aliquando depellendam:
 Dum
Lustra, Te, LX, avt plus eô,
 vix avt rarò *lustratam*
Illustrat nostrô ævô Aÿtor *illustris*,
 Ut non amplius ferè in bivio, ut ajunt,
 Hercules, qvin
Perlusteris,
Illucente quàm primùm *fidere* felici;
 Modò eâ, quâ par est, pietate inceraveris
 Genua *Dei*,
 Et mercede seu proventu emeris avricu-
 las Avdientiamq; *Regis*.
Deo Duce & Aÿspice,
Rege Dispensatore,
Torfeo svasore,
 Non desperandus hic avsus,
 Nec

Nec ulterius æqvor fulcaturis Gronlandi-
 cum timenda,
 Rabies Noti,
 Præceps Aquilo,
 Procellarum mugitus,
 Tristes Hyades,
 Mare turgidum,
 Infames, ut Acroceravnia, scopuli,
 Monstra natantia,
 Promonteriorum ad instar glaciata undæ,
 atq;
 Ultimus ærumnæ cumulus.
 Nubem eapropter supercilio demas
Regionum Borealium
 Caput hyperboreum,
 Cui, caliginosâ nocte satis presso,
 Nubila detergere satagit
Antiquitatum Borearum
 Grande decus columenq;
 Torfæus.
Nuper
 Vinlandiæ

Sev Americæ inventæ gloriam
non Hispanis, sed Norvegis,
Qui eam seculô post C. N. X. adierunt,
Vindicavit;

Nunc

Antiquam iterum Gronlandiam
Suis sociandam Danis repræsentat:

Utrôq;

Idem A. MDCCVI.

De Monarcha Dan. & Nor. Avgu-
stissimo

FRIDERICO

QVARTO,

Qvod A. MCCLX.

De HAQVINO Norveg. REGE

Effatum,

Tanquam tibicine valde validô statuminat;

Ejus imperium ad ipsum
usqve polum se extendit.

Sic Sereniss: Regis nostri monimentum
Avro valentius,
Ære perennius,

Rega-

Regaliq; situ pyramidum altius,
 Cum sua Avtoris Lavde,
 gloriosè exegit

Torfæus.

Illud nunquam diruet innumerabilis
 Annorum series, & fuga temporum:
Hunc iccirco, honore dignum *immortali*,
Mori quoq; vetabit
 Musa

Jacobi Rasch.

Epigram-

Epigramma

ad

*Nobilissimum, Clarissimum atq̃
Doctissimum Virum,*

**Dn. THORMODUM
TORFÆUM,**

Sacræ Regiæ Majestatis Dan. & Norv. &c.
Assessorem in Collegio Consistoriali,
nec non Historiographum dignissimum

Amicum & Fautorem
æternùm colendum.

Fertur ob ingentes THORFÆUS ad astra la-
bores,
Laudatè impendit quos nuper, Dogmate
plenus,
Queis aditum Oceani nobis monstravit ad undas
GRONLANDÆ ANTIQVÆ, quâ non latet
altius unqvâm;
Sic THORFÆE tuum nobis super Astra feren-
dum
Nomen erit meritò, ceu qui vada pervia mon-
stras.

Gra-

Gratulor usq; tuis cœptis felicibus, I præ,
Teq; Viatorem jugitèr sectando seqvemur.

Ita Gratulabundus scripsit Hafniæ

Die Tertio Mensis Julii

Anno MDCCVL

S. P. SAXO

Pastor Civitatis Tranquebariæ in
India Orientali.

V I R O

Nobilissimo atq; Amplissimo

DN. THORMODO

TORFÆO,

Historiographo Regio, Antiqvitatum
Borealium felicissimo instauratori,

Mæcenati suo ad cineres submissè venerando,

Historiam ac Descriptionem Grön-
landiæ Antiqvæ, cum consilio eandem
recuperandi, edenti,

ita plaudit

Ipsius Nobilitatis

cultor & cliens humillimus

THORLEFUS HALTORIUS B.

Qvem non meabit Dædalus æra
Pennis levatus, dum gelidam petit,

Di-

Dictes Cydoniæq; Cretæ
Impatiens, fugitivus Arcton?

THORMODE Noster, quò penetrantior
Non permeabit cælite collita
Dextrâ & valentiore cerâ
Penna Tibi! datur ecquid ultra!

Lustrata pridem cæcula Nerigon
Tibi, nec isto præterita est pede
Færoja, nec longum remotæ
Orcades, aut loca spreta Mannæ.

Nunc orbis ultra litora inhospiti
Iter paratur; nunc premitur polus,
Blasferkus ubi collo minace
Stelligerum levat æqvus axem.

Frustra minantur nunc & æqvatica
Vicina densis marmora nubibus
Periculum, frustra; monstra
Oceano caput alta tollent.

Assvesce castis gens fera moribus;
Extolle lætum de tenebris caput;
Ignobilis Skrælingus olim
Nunc celebris sua noscat acta.

Solers legentium define dextera
Plures recessus velle, sed hîc mane.
THORMODIANI namq; scripti
Terminus est hic & orbis idem.

Eidem,

Authori Libri hujus Elegantissimi,

Nobilissimo & Amplissimo

DN. THORMODO

TORFÆO,

Qvalecunq; hoc honoris

πεκμήριον

P.

MAGNUS ARETHA THORKILLIUS

Island.

Qvas non per latebras, quæ non per inhospita
tesqva

Ardua virtutis gloria pandit iter?

Ultra Sauromatas, & quæ polus urget uterq;

Et quascunq; premit tosta pruina vias,

Invia nulla via est virtuti ex asse studenti,

Nec timet excelsi scandere tecta poli.

Et THORMODE Tuis sunt hæc bene clara libel-
lis

Audes ignotas dum referare vias.

Vive diu felix, ævi decus, atq; superstes

Vive diu. patriæ sis honor usq; tuæ.

Inte-

Interea gratâ tibi mente reponimus istud
 Elogium. quod nunc postulat iste liber.
 Multa tibi debet GRONLANDIA; multa da-
 buntur,
 Si quantum fieri vis, fieri inde potest.





CAP. I.

De ratione nominis.

Gronlandiæ nomen pluribus terris commune Antiquitates suggerunt, & primo omnium provincia quædam Uplandarum Norvegiæ, quam Petrus Claudius Undalinus ad occidentum lacus Mios latus collocat, illud sibi proprium vindicavit. Illic Haraldus Sancti Olafi pater, Gudriodi Regis Vestfoldiæ filius, post cædem patris metu profugus, à teneris educatus Grænskiï seu Gronlandi cognomen consecutus est. Unde facile concluditur ab ultima memoria isto nomine insignitam fuisse. Alteram sed diverso situ, fabulosa Aurvaroddi vita nobis suppeditat, cujus deserta ad Spitzbergam usque, extenduntur, latusque septentrionale Hellulandia, sub gradu lati-

tudinis 73. longit 5. claudit: ipsa septentrionalis extremi oceani fluctibus exposita, uti id ex Jonis Gudmundi mappa, cum Theodori Thorlacii collata, facile colligitur. Illuc per mare Gronlandicum in austrum, cursu deinde in occidentem flexo, Oddus navigasse traditur. Septentrioni igitur obversum Hellulandiæ dorsum australius erat loco, unde ille navigabat. Sed hæc ad fabulas releganda, interqve ea, quæ mediæ ab inventa nostra Gronlandia ætatis tenebriones commenti sunt, vel commentis dehonestarunt, numeranda existimo. Neque enim Spitzbergæ, vicinæque ei territorio, nomen ex hoc fundamento posteritatem indidisse verosimile est, sed quod nostræ Gronlandiæ contiguum crediderint, quam hic describendam suscepimus.

Nomen à viridi, quod prisca hodiernæque lingua grønt/aliis grænt, emanavit; sed pro varietate dialectorum variè pronuntiatur, Danis o in ö impurum efferentibus, utet Norvegis hodiernis. Islandi contra primitivi rationem exprimunt per simplex æ, cum vocem grænt ex vocalibus

bus a e vel ai conflata, cæteraque ind,
derivata, apertis ita labiis pronunciente
ut utriusque literæ plena habeatur ratio,
more forsitan Græco in vocibus *αἴ, αἴδως*,
quod & Angli etiamnum faciunt. Sed hinc
& pluribus aliis ostenditur, hanc diphthon-
gum rectius per e pronunciari. Est ita-
que Gronlandia seu Grænlandia, quasi vi-
ride solum, nam land neutrius generis est,
scribereturque Græntland, sed per Ellipsin,
omissa litera T, fit Grön, seu Grænland.
Est autem vox adjectiva trium terminatio-
num, in genere masculino grænn, fæmini-
no grænn, neutro grænt, hic & hæc viridis
& hoc viride, à verbo græ vireo, grær vi-
res & viret. Præteritum facit greri & su-
pinum grænt. Infinitivum at groa; hinc
substantivum grodi, viror, & nomen fæmi-
nis proprium, Groa. Grodr germen item
lucrum, & groinn sanatus, pluraque alia,
quæ conquirere non attinet. Hinc nomen
Gronlandiæ profluxit, quod lætis pascuis
silvisque virefceret, dotibus terræ in majus
auctis, ad alliciendos advenas nominis
quoque gratia velificante. Hanc etymo-
logiam Adamus Brem: in Septentrionali-

um insularum descriptione quoque audi-
vit, licet rationem non observaverit; illos
enim à salo cæruleos appellatos existimat.
„ Homines ibi, inquit, à salo cærulei, un-
„ de regio illa nomen accepit, qui similem
„ Islandis vitam agunt, excepto, quod cru-
„ deliores sunt, raptuque piratico remi-
„ gantibus infesti. Ad hos etiam sermo
„ est nuper Christianitatem pervolasse.
„ Ita ne, ex fama tantum hæc comperta
„ habuisti? cùm tamen Libri IV. cap.
XLII. scripseris legatos ab ipsis ad Archi-
episcopum Adalbertum missos, petentes,
ut illuc prædicatores dirigeret, idque sta-
tim factum & certe tuo tempore.

CAP. II.

De occasione inventæ Gron- landiæ, ubi de insula Gunnbiarnarskere.

Gunnbiornus quidam Ulfi Krakæ filius,
post inventam à Gardare Islandiam,
(quam is de nomine suo Gardarsholmam
appellavit) remotius circumvectus, insu-
lam

lam quendam conspicatus, in comparatione ad Islandiam exiguam, scopulum Gunnbiorni, seu Gunnbiarnarsker appellavit, quod vastissima insula, Gardarsholmæ, seu exiguæ insulæ nomen reportaverit. Hanc tamen in variis historiis, land seu terram, interdum quoque magnas insulas vocari, Biornus de Skardtza perhibet, quæ tamen mihi nunquam visæ sunt: Adjicit deinde Hallbiorum quendam & Styrbiorum, ipsam longo post tempore exculturos, eò navigasse, vespereque quodam apulisse. Convenisse autem inter eos, ne eam nisi conjunctim accederent. Deinde postquam Scapham in mare demississent, omnes cubitum ivisse; de nocte verò præfectorum alterum furtim adremigantem incidisse in cadaver recens conditi hominis, cujus sub humeris ethnicorum more thesaurum ære gravem invenerit, inque navem secum devexerit, sequæ, lecto repetito, somno applicaverit: cæptæ deinde lucis obscuro, cum omnes surrexissent, indicio scaphæ cognitum, contra pacta societatisque, quæ in partes lucris æquales convenerat, regulas, quendam in-

fulas ascendisse; idque alterutri præfecto-
rum imputatum. Hinc ortas inter eos
contentiones ad mutua verbera processis-
se, donec excussus thesaurus in foros de-
cideret. Tunc vero singulis ad arma con-
currentibus, nautas omnes in factiones tra-
ctos suo quemque duci militasse, donec
utroque occiso, pauci, qui superstites fue-
rant, & ipsi vulneribus ægri, Islandiam re-
peterent, ubi hæc exposuerunt. Idem
Biornus Landnamam seu librum de origi-
nibus Islandiæ hæc tradentem inducit (qui
tamen locus in impressis exemplaribus
non extat), quod Austmanni (ita enim
Norvegos Islandi appellarunt) in portum
quendam hujus insulæ delati, nullas ibi
domos reperierint, ipsos autem in crepi-
dine casas sibi extruxisse. Addit præter
hæc alias narrationes hominum, quæ ha-
rum insularum existentiam confirmant,
& primo Biorni Hierosolymipetæ præfe-
cti Islandiæ, qui, teste eodem, anno
MCCCXCI. ad eas appulisse dicitur, non
tamen terram conscendisse; Ut & Clemen-
tis cujusdam de Latris Adalviehæ, quem
ante quinquaginta annos vixisse perhibet,
circi-

circiter, ut colligo, annum MDLXXX. Hunc, contracta præfecti offensa, vexationem subterfugiturum, ad lembum quendam piscatorum Anglorum, qui ad istas oras frequentes piscantur, profugisse, iisque operam suam mercede locasse, pactum prius, ut ante eorum discessum se in terram exponerent, quo tutius delitescere posset, invalescente opinione se ipsos in Angliam secutum esse. In montanis deinde latebris absconditum à ministro suo Thordo, cui inde proditoris cognomen adhæsit, proditum. Hunc, ait, retulisse, Anglos ad orientalem insulæ Gunnbiorni finem appulisse, nec tamen magnitudinem ejus lustrasse, tandem scopulum quendam duabus scaphis accessisse, alteram avibus, quæ Geirfuglar appellantur, replevisse; altera terram accessuros omnem finum piscibus refertum deprehendisse, & statim iis cimbam onerasse, se quoque interfuisse, qui herbidum illic & amænum solum piscosumque mare retulit, quod specie tantum scopuli & desertæ holmæ appareat. Johannem quoque Eliæ filium, tabernæ Isafiordensis merciumque exercitorem testatum, refert,

se vento in illam oceani partem caliginoso
 cœlo depulsum, cum serenasset, terram
 conspexisse, simul etiam in oris maritimis
 acervos induratorum piscium, saxeaeque
 conditoria, qvalia in Islandia illis conser-
 vandis adhiberi solent, qvo verò tempore
 non exprimit: Danicum mercatorem,
 ejusque tempore, conjecto. Hæc deni-
 que experientia confirmaturus tradit,
 qvod ex foramine lev fissura petræ à ve-
 teribus in maritimo monte, sinus Isafior-
 densis ostio adjacente, excitatæ, sudo cœ-
 lo, hæc ipsa Gunnbiorni terra oculis defi-
 gatur; idque ejusdem Clementis testimo-
 nio, partis quidem extremæ, non supra
 modum dolii, ipsius autem terræ specie
 majori; visamque sæpius affectis æstatibus
 navem in illas partes vela vertentem, nec
 deinceps apparentem, suspicionem inje-
 cisse, Anglos cum incolis commercia exer-
 cere, iisque necessaria asportare; nam
 Mense Augusto à glacie marina minus pe-
 riculi. Singula testimonio ministri cujus-
 dam ecclesiastici Olafi Haldaris filii, qvi
 Biorno synchronus vixerat, concludit. Is
 enim testatus est, novissimo in patriam re-
 diru,

ditu, nebuloso cœlo, se illas insulas præ-
vectum : desidente demum caligine, illas
pone conspexisse, Danis contendentibus,
occidentalium Islandiæ sinuum montes,
nebulis obseptos, apparere, donec & illa di-
scussa sibi & illi assensissent, cum tamen
neutris antea de situ Gunnbiorni scopuli
quicquam innotuerit.

CAP. III.

De inventione Gronlandiæ & ejus inventore.

Cognito, quòd Gunnbiornus, invento
Gunnbiorni scopulo, aliam conspicat-
us fuerit terram ad Aquilonem remotio-
rem, montibus albicantibus editam, simul
etiam montem Snæfellensem Islandiæ, Ei-
ricum Rufum in arcto constitutum, illius
investigandi cupido incessit, de cujus ge-
nere gestisque, antequam huc perventum
est, priscae memoriæ sequentia referunt.
Genus duxit à viro opibus & liberalitatis
fama celebri, Thorere; qui cum tres in
Agdis insulas prædio suo aditas adeo fer-

tiles possideret, ut in singulis octoginta boves pascerentur, unamque earum Regi Haraldo Pulchricomo cum singulis bobus ad copiarum com meatum donaret, in perpetuum effusæ munificentiae testimonium. Yxna Thorir, ab eo cognominatus est, à bobus, quasi Thorer bovinus. Mihi, quo tempore id factum sit non constat; ante enim pugnam Hafrfjordensem devictumque Kiotvium, potentem Agdarum Regem, exercitum eo traduxisse non legitur. Eo autem devicto, omnis liberalitatis materia sublata videtur, cum jure belli, & ipse Thorer cum omnibus bonis in ejus potestatem concefferit. Pars hæc Agdarum parum à Vestfoldia dissita videtur, donumque tum collatum cum devicto Gandolfo Vestfoldiam asseruit. Yxna-Thorire satus Ulfus, Ulfo Osvaldus, aliis Asvaldus, Asvaldo Thorvaldus Erics Ruffi pater, & Eiricus quidem ætate juvenili in aula Hæconis Hladarnm Comitis vixerat, teste Floamannorum historia, idque circiter annum Christi CMLXIV. ubi inter eum & Thorgilsem Orrabeinii privignum familiaris consuetudo & amicitia coaluit, de quo

quo alio loco plura. Postea pater ejus una cum illo cœdium rei, Jadria, afflita oppido Stafangriæ provincia, profugi, in Islandiam passim tunc coloniis inessam migrarunt; primum domicilium prædium Drangr pagi Hornstrandensis quadræ occidentalis Islandiæ delectum, ubi pater naturæ concessit. Inde Eiricus associata sibi in conjugem Thorkilde, aliis Throdkilde, Jorundi ex Thorbiorge Knarrarbringa filia, Thorbiorni Haukdælscii vidua ad australiora conversus, inculta Haukdælensia excolere cæpit, sedem prope villam Vatzhorn, quam de suo nomine Eirikstadas appellavit, fixit: Sed nec illam diuturnam. Contigit enim, ut Eyiolfus cognomento Saur servos Eirici ad Skeidbreckas supra Vatzhorn occideret, quod evolutam monte fabuli ruinam in villam propinqui ejus Valthiofi de Valthiofstadis (magica forte arte) averterent: quare irritatus Eiricus cædem eorum cæde Eyolfi vindicavit, cædemque cæde Rafni provocatoris prope Leiffcalas cumulavit. Oddus igitur de Jorfa & Geirsteinus eum lite persecuti, obtinuerunt, ut territorio Haukdalensi profici-

scriberetur. Insulis ergo Brokey & Yxney occupatis, villam Tradas in Sudeya sitam incoluit. Prima mansionis istius hyeme, Thorgesto postes seu columnas suas religiosas, (Setstocka vocant) utendas dedit. Inde in Yxneyam sedem transtulit, villamque nomine suo ornatam etiam Eirikstadas nuncupavit. Jamque commodatas prius postes à Thorgesto reposcens cum consequi nequiret, Breidabolstadis, (quæ villa ejus erat) abstulit, quòd sive injuriam sive contemptum interpretatus Thorgestus eum persecutus, prope prædium Drangas duorum filiorum nece cum eo dimicavit, pluriumque comitantium jactura. Hinc certamina inter eos continua, de quibus fuisse in Eirici vita tractatum Codex Flateyensis tradit (quæ tamen interiisse videtur); præsidii deinde domus utraqve septa, tractatq; in partes Proceres, Styr Thorgrimi filius, cui frequentes cædes Viga Styris, nomen id temporis honorificum, indiderunt. Eyolfus de Svineya & Brandi filii de Alftafiordo cum Thorbiorno Vivilis filio Eiricum propugnabant. Thorgestum, Thordi Gelleris filii

& Thorgeir de Hitardalo, Aslacus de Langadalo, cum filio Illugio: liteqve in iudicio Thorsnesensi victores, Eiricum tristici censura, triennali, ut videtur, exilio damnatum, eatenus terruerunt, ut loco cederet. Navigium in sinu Eiriksvogo adornantem, dum Thorgeistus circa insulas perqviret, Eyolfus in Dimonarvogo occultavit, portuqve solventem, tum ipse tum etiam Styr trans insulas deduxerunt: quibus discedens retulit, se inqviturum terram Gunnbiorno Ulfi Krakæ filio visam, cum tempestate in occidentalem oceanum actus, insulam Gunnbiorninam invenisset, deinde, si consilium luccessus promoveret, Islandiam iterum amicosqve repetiturum pollicitus, si quis eorum aliquando forte indigeret, operam suam haut minus promptam paratamqve, quam illi præstitissent. Promontorii occidentalis Islandiæ Snæfellznesiæ portu egressus (Arngrimo occidentem recta versus) ad montem Gronlandiæ, quem Midjokul (medias alpes) Arngrimus, aliis Miklajokul, (dictum tradit) appellavit, pervenit. Is hodie (codicis & Originum verba transcri-

scribo) Blaserkus vocatur. Inde in austrum
processit, exploraturus, an pars illa novi-
ter inventæ terræ esset habitabilis, (origi-
nes ita in occidentem tendens Hvarfiam
prævectus) primam hyemem in insula, cui
suum nomen aptavit, Eirikseya, quæ in
medio culti orientalis districtus jacet, ex-
traxit. Proximo vere sinum Eiriksfiord-
um ingressus, sedem ibi fixit, eademque
æstate occidentaliora deserta lustravit,
multisque locis nomina indidit. Aliam
hyemem in Holmis (parvis insulis), Orig-
nibus Eiriksholmis, propter Hrafnsgni-
pam: tertia æstate in Islandiam rediit.
Hæc Codex Flateyensis, origines aliter, &
quidem exemplar, quod Biornus de Skardza
secutus est, pro Hrafnsgnipa Hvarfsgnu-
pum. Liber autem Hauki Legiferi Huars-
gnipam habet: adduntque, quod tertia æ-
state in aqvilonem Snæfell usque navigans,
sinum Hrafnfsfiordum intraverit, testatum
tum demum se limitem sinus Eiriciani
superasse. Retro deinde conversum ter-
tiam hyemem in insula Eirikseya mansisse
ante ostium sinus Eiriksfiordi. Æstate
sequenti in Islandiam rediisse (id quoque
tem-

tempus cum exilio legibus definito magis congruit, quod triennio integro terminabatur, intra quod reditus intutus erat). Sinum Islandiæ Breidafiordum ingressus, in prædio Holmslatre hyemavit. Vere proximo in congressu cum Thorgesto superabatur. Tandem lis omnis transactione composita est. Eadem æstate ad excolendam recens terram inventam rediit, quam Grænlândiam, id est, viridem terram, seu virentem appellavit, ominatus, nominis amœnitatem plures ei cives allecituram: ipse in sinu Eiriksfiordo villam exædificans, Brattahlidem à situ ad arduam crepidinem, nuncupavit. Tradunt Antiquarii, & horum præcipuus Arius Polyhistor, quod eadem æstate, qua Eiricus Gronlandiam incolere cæpit, triginta quinque naves ex provinciis Islandiæ Breidafiordo & Borgarfiordo solverint, quarum tantum quatuordecim in Gronlandiam pervenerint, reliquis vel tempestate retractis vel absumptis, anno nimirum decimo quinto (aliis decimo octavo), antequam Christiana religio publico consensu in Islandia recepta est; qua æstate Episcopus Fri-

Fridricus & Thorvaldus Kodranus Islandia discesserunt, qui incidit in annum Christi CMLXXXV. secundum Codicis Flateyensis calculum, alios CMLXXXII. Inventa itaque erit Gronlandia ab Eirico anno CMLXXXI vel LXXXII.

Adscribam integram Arii relationem, quæ talis est. „ Terra, quæ appellatur „ Grænlandia, inventa & excolta est ex Islandia. Eiricus Rufus appellabatur vir „ Breidfiordensis, qui hinc illuc profectus „ terram occupavit, quæ deinde Eiriksfiordus nuncupatur. Is nomen imposuit regioni, Gronlandiamque appellavit, dictitans, facere ad alliciendos illic homines. Si nomen quoque placeret, „ ibi hominum monumenta tam in orientali, quam occidentali tractu invenerunt, etiam scalmorum fragmenta, fabricasque faxeas. Inde colligi potest, „ idgenus gentem illic permeasse, quæ „ Vinlandiam incoluit, quam Grænlandi „ Skrælingia appellant. Ex quo autem „ terram incoluit, anni quatuordecim vel „ quindecim profluxerunt ad annum, „ quo Christiana religio huc in Islandiam venit,

venit: Ut ipse calculum subduxit, qui eundem Eiricum Rufum secutus, Thorkelis Gelleris filio hæc in Grænlandia exposuit. Fuit autem Thorkell Gelleris filius, Arii avus, cujus testimonium solum sufficit ad opinionem Claudii Lyschandri everte-
tendam, qui anno DCCLXXXVII. Gronlandiam ab Eirico Rufo, non ex Islandia sed Norvegia profecto, nautisque Norvegis inventam, in Rhythmica sua Gronlandia ausus est scribere, & nec hoc solum, sed etiam, quod tum Islandi tum Gronlandi primis occupationis temporibus Norvegis tributa solverint, quod omnibus antiquitatibus repugnat.

CAP. IV.

De iis, qui Eiricum ex Islandia secuti Gronlandiam cæperunt incolere.

Herjulfus Biarnii filius de prædio Drepstockio (quod an idem sit, quod in tractu Eyrarbachensi præfecturæ Arnesensis situm est, an ab eo diversum, nescio) Eiricum secutus, finem

de suo nomine Herjolfsfiordum appellatum occupavit, sedemque in promontorio Herjolfsnesia posuit vir honoratissimus. In illa nave fuit cum illo vir quidam Hæbudensis Christianus, qui odam composuit, quam Hafgerdinga drapu, forte navigantium odam inscripsit, cujus una strophæ eaqve pia extat. Hujus Herjolfs avus, Herjolfus alter Ingolfus, cum in Islandiam primò concesserat, comitatus est, donoque ejus obtinuit amplissimum territorium inter Vogas & promontorium australe Reykianesiam. Herjolfnesia maximè omnium Gronlandiæ cultorum in aqvilonem porrigi videtur, eo quòd ad sacram Ædem, quæ ibi constituta est, mortuorum in incultis repertorum cadavera transportari soleant. Nam Lodinus quidam sibi illam operam assignavit, inde Lika Lodin, seu Lodinus funereus audivit, interque alia cadaver Finni Feigini Regis Haraldì Strenui propinqui, de quo Biornus de Skardza Testis historiolum in testimonium adducit, quod nec exemplari Regio, nec Codice Flateyensi continetur, ubi etiam plura desiderantur, quæ ille ad manus ha-

habuit. Plures etiam, qui in desertis illis boreis naufragium passi sunt, ad templum istud sitos constat, nimirum Ingimundum presbyterum, & fratrem ejus Einarem Thorgrimi (Annalibus Thorgeiris) filios, quorum naves glacies dissolvit; quæ Ingimundum vexit, Stangartoli dicta, inter maximas id temporis reputata: Borealia illa deserta appellentibus perniciosissima, ideoque omni cura vitanda, utpote multis exemplis famosa. Cadaver Ingimundi integrum anno MCC. incorruptumque inventum omnes Annales tradunt. Eiricus, ut antedictum, Eirici sinum (Eiriksfiord) occupavit, Brattahli demque prædium nobile condidit, & inhabitabit, Leifusque filius ejus post eum, Ketill Ketilsfiordum; Rafnus Rafnsfiordum; Sølvius Solvadalum, Snorrius Thorbrandi filius Alstafiordum, Thorbiornus Glora Siglufiordum, Einar Einarsfiordum, Hafgrimus Hafgrimsfiordum & Vatnahverfium, Aurligus Aurligsfiordum. Consobrinus Eirici Rofi Thorkell, cognomento Farfercus, eum quoque secutus sinum Hvalseyarfiordum occupavit,

fitum inter Eiriksfiordum & Einarshordum, incoluitque prædium Hvalseyarfiordum. Ab illo familia Hvalsfiordensis promanavit. Is robore adeo stupendo præditus erat, ut, cum Eiricum convivio experet, quoties navis non suppeteret, ipse in insulam Hvalseyam enataret, semimiliari domo distantem; vervecemque mandandum tergo referret. Humatus tandem in campo domestico, quasi redivivus veteres Penates jugi inspectione revisit. Et hi Eiricum Gronlandium exculturum secuti sunt; quorum exemplo plures postea coloniæ eò translatae civitatem illam auxerunt. Circa annum CMXCIX ex Breidafiordo Thorleifus Kimbius, ejusque frater Snorrius, Thorbrandi filii de Alftafiordo eò concesserunt. A Kimbio Kimbii finis inter Alpes Gronlandiæ nomen contraxit. Snorrius in Vinlandiam profectus est, ubi filius ejus Thorbrandus, juvenis fortissimus, à Skrælingis cæsus est, teste historia, quæ Eyrbyggja inscribitur: de quo postea, ubi de Vinlandia agendum est.

CAP.

land; Giorden. o: Hic mons ab aqvilone obvertetur, anteqvam finus Gronlandiæ ingrediendus erit.

EEE Latus orientale Gronlandiæ inhabitatum, habens finus plurimos & promontoria, itemqve glaciem magna copia litus illud cingentem, quæ non nisi ab Africo & Lybonoto in mare hyperboreum extruditur, alias continue adhærens; cuius pertæsi nautæ, semel atqve iterum iter Gronlandicum frustra tentarunt. Fuit autem Norvegis olim navigatio in Gronlandiam ex oppido Bergenfi primum versus occidentem, mox cursu versus eorum nonnihil flexo, usque dum promontorium Gronlandiæ Herjolsfnes affecuti fuissent.

F Sinus Gronlandiæ maximus Eiriksfiord, ab inventore Islando sic dictus, ut patet ex ipsa narratione.

G Alter Gronlandiæ finus sine nomine, nisi qui dicebatur Vestrbygd occidentalis habitatio.

HHH Latus Gronlandiæ occidentale inhabitatum & incognitum veteribus.

I Fretum inter Gronlandiæ oram extremam, austrum versus & aliam continentem, quam recentiores Americam vocant, per quod fretum olim Gronlandi excurrentes Vinlandiam invenerunt, quam Estotilandiam Pagini forte quis recte existimaverit, ipsum hoc fretum, veteribus Ginnunga gap, quasi amplas fauces dixerim. Existimamus autem ex Estotilandia, si hæc Winlandia est, versus æqvilonem in Gronlandiam recta perveniri.

K Quod Gemma Frisius habet de quadrato nautico inter Gronlandiam & Islandiam extructo, fabulam sapit.

L Vorago quam veteres constituerunt causam fluxus & reflexus maris, quamvis à recentioribus aliter edocti simus.

M Frislandia Mercatoris & Pagini, vulgo Ulpaland, nova terra versus austrum & lybonotum ab Islandia sita, putaturqve esse dimidio minor Islandia.

NNL Per hoc ingens continentis latus Mercator & Paginus varia loca describunt, & oppida collocant, quæ illorum pace vana & ficta esse dixerim, cum vastissimus ille tractus plane sit inhabitabilis, utpote polo boreo subiectus.

O Mare hyperboreum.

De his Mag: Theodorus Thorlacius ita scribit:

Etsi hanc Gronlandiæ delineationem nequaquam vituperandam censeo, utpote quæ auctorem habeat insignis ingenii & eruditionis virum Dn. Gudbrandum Thorlacium Borealis Islandiæ annis 56, Episcopum vigilantissimum, de Ecclesiis & Scholis patriæ præclare meritum, nihilominus tamen cum ego in mea Gronlandiæ delineatione aliquantulum dissentire forsitan videar, quos mihi antiquitatum nostrarum diligens lectio iniecit scrupulos, salvâ tanti viri auctoritate paucissimis persequar. Primum itaque tres illos montes Gronlandiæ, quorum mentio fit in literis B, C, D, non in latere Gronlandiæ orientali, sed septentrionali potius quærendos esse existimarem, præter forsitan montem Hvitsærk, quem antiquissimum MS. Gripla meridionali plagæ sitæ loca ab hominibus cultæ viciniorum quam duos illos reliquos esse testatur, Vid: Cap. III. Quem etiam montem Clar: Arngri-mus Jonas in sua Gronlandia, Gronlandiæ borealis sive desertæ terminum australem esse censet. 2do Promontorium Herjolsfnes non in extrema versus meridiem Gronlandiæ ora, sed paulo remotius versus septentrionem situm esse autumo, id quod inter alia Norvegorum ex Norvegia in Gronlandiam navigatio satis evincere videtur, instituebatur enim, ut ipse fatetur Dnus. Gudbrandus, in litera B, ex oppido Bergenfi, primum versus occidentem, mox cursu versus eorum nonnihil flexo, usque dum promontorium Herjolsfnes affecuti fuissent; unde patet hoc promontorium majorem quam oppidum Bergenfense (quod 60. latitudinis gr: subjacet) obtinere latitudinem. Atque ita obiter meam opinionem aperuisse sat esto, quæ si à vero aberrat, veriora monstranti aures & assensum haut invitus dabo.

Sigurdi Stephani terrarum hyper-
borearum Delinatio
Anno 1570,



Characterum in hac mappa occurrentium
explicatio ipsius auctoris.

- A. Hi sunt ad quos Angli pervenerunt, ab ariditate nomen habent tanquam vel solis vel frigoris adustione torridi & exsiccati.
- B. His proxime est Vinlandia, quam propter terræ fecunditatem & utilium rerum uberem proventum Bonam dixere. Hanc à meridie oceanum finire volnere

voluere nostri. Sed ego ex recentiorum historiis colligo, aut fretum aut finem hanc ab America distingvere.

- C Regionem gigantum vocant, quod ibi gigantes cornuti sint, quos Skrickfinna dixere.
- D Orientaliores sunt, quos Klofinna ab ungribus appellarunt.
- E Jotunheimar idem est ac regio gigantum monstrosiorum; hic Regiam Geruthi & Gudmundi fuisse existimare licet.
- F Sinum hic ingentem intelligimus in Russiam excurrentem.
- G Regio petrosa, hujus in historia sæpe fit mentio.
- H Hac quæ sit insula nescio, nisi ea forte quam Venetus ille invenit, Frislandiam quæ Germani vocant.

Mag: Theodori verba de his ita sonant.

Auctor hujus tabellæ Geographicæ perhibetur esse Sigurdus Stephanus Islandus, vir eruditus, Scholæ Schaltholinæ quondam Rector dignissimus, qui etiam alia nonnulla ingenii & eruditionis specimina edidit, videlicet descriptionem Islandiæ, quam apud Sereniss. Regiæ Majestatis Antiquarium Thormodum Torfæum vidisse me memini; nec non opusculum de spectris, quæd præterita ætate ab amico quodam in patria mecum communicatum penes me asservatur. Delineationem hanc suam, ex antiquitatibus Islandicis desumpsisse videtur. De Hellulandia Marclandia & Skrælingialandia videri poterit Arngrimus Jonas, qui ad calcem opusculi de Gronlandia, Gronlandorum aliquot navigationes ad has terras annotavit, in terrarum hyperborearum ultra Gronlandiam delineatione, ubi Risaland & Jotunheima collocat, antiquitates quoque Islandicas secutum esse auctorem fat scio, sed an authenticæ illæ sint, dubio. Cum priore Gronlandiæ mappa Domini Gudbrandi parum consentire hanc satis constat. Islandia hic justo majorem habet latitudinem. Promontorium etiam Herjolsnes ingentis continentis, potius quam isthmii vel promontorii speciem præ se fert. Ut cætera omittam, quocirca curiositatis potius quam necessitatis ergo hanc mappam annotavi.



- A Helleland nomen habet ab extenuatis petris & lapidibus planis, quibus illa Regio abundat.
- B Rifaland, ubi magni illi gigantes habitant.
- C Bröne jokle sunt quidam nivosi montes, quos magna illa gigas foemina Brana incolit.

incoluit, ad quam Halfdanus Daniæ Regis filius, Bronufostri seu Branæ alumnus deinde dictus, per integram hyemem moratus est.

D Brunahraun sunt rupes quædam adustorum speciem repræsentantes.

E Ragnershög Ragnaris collis, ubi gigas quidam nomine Ragnâr cum multis ex suis athleticis, dum adhuc viveret, se sepeliri curavit, de quo legi potest Bardi Snæfells as sey nivosi montis Dei historia.

FFF Huc Daniæ Regis navis appulit, perque integram æstatem ibi morabatur. Ejusdem navis nauclero comitem (verba sunt authoris) in Islandiam me addidi anno 1637.

G Einfætingialand Unipedum terra, quam unipedes inhabitare autumant.

H Einhyrningaland, Regio unicornum, ubi unicornes esse putant.

I Kolbeins-œ insula Kolbeinseya versus æquilonem ab Islandia sita, primumque inventa ab Islando quodam nomine Kolbeino, inde Gronlandiam 24 milliaribus distare veteres tradiderunt.

K Æisöer insulæ marinæ à Langanefia cæciam (nordost) versus sitæ distantia 24 milliarium, à latere Gronlandiæ, quod Islandiam spectat, Svalbardque nominatur, separari perhibentur.

Seqvitur Mag: Theodori super his sententia.

Hanc tabellam vir curiosus Islandus nomine Jonas Gudmundi filius, ab abstrusarum rerum indagine Doctus denominatus, delineavit, varias historias secutus, inter quas an quædam sint authenticæ, merito dubitatur, nec proportionis ratio hic accuratè observatur, quapropter hanc mappam curiositatis potius quam exempli ratione adjeci.

Delinatio Gronlandia
Theodori Thorlacii
Anno 1668.



Explicatio notarum in hac tabula occurrentium.

AAA Hæc pars Grönlandiæ antiq̃vitus vocata est Gronlands Øbygder, hoc est illa pars Gronandiæ, quæ propter nivem & glaciem inhabitari non potest, ora autem maritima Svalbard (hoc est ora frigida) dicebatur, idque propter immanem illam glaciem, quæ toto anno illi adjacet.

B. Sasse

B Hafs-Botnar, hoc est intimi fines oceani immani glacierum mole pleni, quæ & illinc vento agitata Islandiam sæpe infestat.

CCC In his locis maximè exercebant olim Gronlandi piscatum, tantum verò per æstates, ineuntibus autumnis domum redierunt.

DE De hisce duabus insulis nihil speciale ex antiquitatibus nostris compertum habeo, præter id quod de Leifi Eiricii Vinlandiam indagantis itinere habetur; eum nempe, cum patriam repeteret, vidisse duas insulas ex Zephyro Gronlandiam spectantes (Sydvest fra Gronland) has insulas & delineavi, & ex accuratissimis, quas habere potui, mappis hydrographicis, situm addidi.


FGIH Totam hanc, quæ occidentalis est, oram barbari Gronlandi Skrælingi olim dicti inhabitant, piscibus & quidem crudis victitantes; solemque ut numen venerantes.

I Anno 1636. in sinum hunc appulsa est S. R. M. Daniæ & Norvegiæ navis dicta Leo Ruffus (den røde Løve), quæ redux in Daniam præter balenarum dentes focarumque & ferarum coria, argenti etiam mineras secum attulit.

G Christians Fiord.

H Coningham's Fiord. In hos duos navis Regia Christiani Quarti ductoribus Gottschio Lindenovio & Johanne Coningsham Anno 1606. devenit.

K Sunt, qui dubitant an isthæc terra jam existat. Dn: Gudbrandus Thorlacius in sua delinatione Gronlandiæ, Ulpaland vocat; sed unde id habuerit, mihi non liquet.



Notæ Authoris in hanc Tabulam.

Hanc Tabulam omnibus numeris absolutam ne credas, L. B. Terram enim à majoribus nostris nunquam Geometricè delineatam, & nostro ævo omninò ferè incognitam quis accuratè delineabit? Antiquitates igitur nostras secuturus, ideam Grönlandiæ Antiqvaë talem exprimo, qualem præfens tabula exhibet: quæ non tam ad amussim artis Geometricæ, quam ad normam histo-
rica.

ricæ relationis formata atq; adornata: adeo ut sinuum, montium, Templorum, cœnobiorum, prædiorum, & similiarum, heic expectandus sit situs historico ordini respondens potius, quam puncto verticali ordine & rectè subiacens. Plaga Grönlantiæ australior, ut & pars lateris orientalis, utraq; à Christianis olim habitata, eà prodeunt in publicum facie, quam adumbrarunt antiquæ membranæ Islandicæ. Sed Grönlantiæ latus occidentale, ut & insulæ in tabulâ nostrâ sub freto Forbissieri, suam delineationem debent partim relationibus Anglorum, partim mappæ Geographicæ Theodori Torlaci viri in hisce versatissimi, partim mappæ Hydrographicæ, Amstelodami excusæ, Anno 1666. Quarum ultima ad exemplar Joh. Munchii (quod nuper mihi communicavit Nobiliss. & Celeberr. Dñ. Christianus Worm, grande familiæ Wormianæ & sæculi nostri ornamentum) delineata apparet. Neutram verò harum esse accuratam, mihi persualum est: ut taceam, nondum constare, an Munchius noster unquam antiquam Grönlantiâ attigerit. Falsum equidem & nostris antiquitatibus contrarium situm habent in istis mappis Herjolsnefia & Eirikiördr, seu Eiriks-hafn, uti ibidem vocatur: merito igitur supponimus, ab errore non immunem esse reliquam terræ representationem. Nec in dictis tabulis subjacet fretum Forbissieri immediatè parti Grönlantiæ quæ Vestfrygd dicitur, quem locum tamen huic freto dedit, qui nomen ei primò imposuit. Inspiciatur Novus Atlas Anglicus, & Grönlantiæ descriptio Authoris anonymi Galli. Consulatur Purchsius aliq; & patebit miram inter eos esse dissonantiam; quod vel hoc unò constabit exemplo: Cap. Confort à nonnemine locatur sub grad. lat. 62. ab alio sub gr. lat. 65. & sic porro. Consulitissimum igitur duco reservare hæc omnia futuræ experientiæ; & neque meam, neq; aliorum tabulas credere cum terrâ ipsâ ad amissim concordare.

Cæterum noverit B. L. quo animò, quò fine aliorum etiam Tabulas adjecerim, nempe, non ut singulos probarem; sed partim ut sententiarum ac judiciorum hac de re differentiam curioso Lectori, quantum in me fuit, monstrarem, partim ut hac potissimum occasione ostenderem ea quæ Hist. Norveg. Part. I. lib. III. Cap. XXVI. de terrarum Hyperborearum, Jötnheimorum nempe ac vicinarum situ à me dicta sunt aliorum etiam suffragiis niti. Quod superest, in re tam obscurâ atque difficilî non putabo me lussisse operam, si æqua Lectorum expertus fuero judicia, & hoc quantiluncunq; meum studium, aut utilitati, aut ad minimum jucunditati curiosi Lectoris inserviat.

CAP. V.

*De Gronlandiæ situ, ejus-
que desertis.*

Gerhardus Mercator eam inter circulum Arcticum & Polum sitam, ejus parallelos extremos austrum versus 65. boream vero versus 77. refert. Johannes Miritius ejus Zenith ipsum esse polum existimat. Episcopus Theodorus Thorlacius neminem eum hucusque exquisitè cognitum habuisse magna verisimilitudine conjicit. Tanto terrarum ortum versus extendi tradit, ut nonnullis dubitandi ansam præbuerit, an cum Spitzberga & Nova Zembla continens sit, (quod quædam veterum Islandorum traditiones persuadere conantur) an vero ex recentiorum sententia fretum ab iisdem distingvatur. Limites ad austrum fretum Forbischeri Grad: Latit: 62. subjectum, ad occidentem fretum Davis statuit. Totum illum tractum in australem habitabilem, & borealem inhabitabilem dividit. Ha-

bitabis latus meridionale à freto Forbischeri ad montem Hvitserchum Arngri-
mus extendit. Inde quæ inculta sunt, ad
notum, perpetua glaciæ obtectum, vastum
Gronlandiæ desertæ litus, Svalbard i
Hafsbotnum appellatum, procedunt, quæ
cœli vertex septuaginta graduum subli-
mitatem obtinet, Gronlandz U-bygdir
appellatum, distantque, ab Islandiæ late-
re boreali, bidui navigatione secundum
veterum hydrographorum supputatio-
nem. Veteres certè Gronlandos statuis-
se, patriam suam sub ipsum polum expor-
rigi, planum est ex formula pactionis
cum Rege Hacone Seniore; cum se impe-
rio ejus subjecerunt Anno MCCLXI;
consenserunt enim in annum censum,
multamque ob cædes, tum Gronlando-
rum, tum Norvegorum, sive in excultis,
sive desertis perpetratae fuerint, usque
terminum, qui cœlesti axi subjacet, id quod
Sturla Legifer carmine etiamnum super-
stite complexus, minime Poëtico more in
majus extulit, sed præscriptam juramenti
formulam pro verbo reddidit. Eandem
de

de iis opinionem scriptum antiquissimum
Gripla quoque testatur; in recensu terra-
rum à Bavaria ad ultimos Gronlandorum
sinus his verbis. Bavariæ Saxonia adja-
cet, Saxoniam Holsatia; Holsatiæ Dania;
ei ad ortum Svecia, aquilonem Norve-
gia; Inde in borram seu peliotem (Nord-
oost) protenditur Biarmia. Hæc Gardar-
richiæ seu Moscoviæ subiecta est. A Biar-
mia deserta in septentrionem usque ter-
ram, quæ Gronlandia appellatur, proten-
duntur: Id quod ipsi Gronlandi (scil: quod
cultoribus vacua sint) probare nolunt,
cum certiora ex indiciis aliis cognovisse
sibi videantur, tum ex lignis, quæ ex istis
partibus, litoribus eorum, inter alia re-
jectamenta appellantur, quod humana
industria elaborata sint; tum ex capreis
seu rangiferis & ovibus, aut incisas auri-
bus notas, aut adstrictas cornubus ligu-
las gerentibus, evidentibus testimoniis,
quod septentrionalia ista inculta olim fue-
rint exulta. In ejus rei fidem, ovium ca-
pita à Gronlandis allata, in æde vel aliaque
domo publica olim suspensa, unum Nidar-
osæ; Bergis alterum extant. Addit his

scopus Theodorus Thorlacius, alterius vetustæ historiæ de Samfone quodam Anglo de septentrionalibus hisce hanc descriptionem, quam Arngrimus, omisso auctoris nomine, etiam cap. i. affert. Rissalandia ab Austrvegum, via orientali (Russia sic describitur) in septentrionem protenditur, inde Borram (Nordost) versus jacet terra, quæ Jotunheimi appellatur. (Theodorus Thorlacius Novam Zemblam per eos intelligit) ibi gigantes habitant. Inde per Gronlandiæ deserta pervenitur ad terram, cui Svalbardi nomen est; ubi variæ gentes habitant. De his gentibus nullam aliam mentionem occurrere testatur Theodorus Thorlacius; certe nullum Islandis cum illis commercium unquam fuisse. Gripla in cæpta descriptione hæc ulterius persequens testatur. Gronlandia, inquit, in libonotum vergit, ibi insulæ niveis montibus prætexuntur. Unus horum insuperabilis, alter duarum hebdomadarum spatio, tertius unius spatio superatur. Cultis proximus Hvitserchus nuncupatur. Inde terra in septentrionem extenditur. In austrum ergo iter diri-

dirigendum, ut ad culta pervenias. Citat & Biornus de Skardza vetustum librum Maldagaboc, qui tractat de prædiorum terminis, proprietatibus, & ut vocant, pertinentiis, ubi de indole Gronlandiæ, ejusque situ cum exposuisset, cultaque terræ descripsisset, hæc subjungit. Inde montes glacie tecti, deserta sinuum extrema, solitudines in ortum extensæ Gandvikam usque. Erubescendæ vanitatis fabulam hic omitterem, ni accuratissimus Antiquitatum explorator ipse Verelius non dedignatus fuisset eam elegantissimis notis suis in historiam Hervorianam admiscere; cujus versionem ad cap: 1. pag: 28; libet hic adscribere, cui hæc ipse præmittit. Non infrequentes, ait, quondam è Scandia in Grænlândiam suscipiebantur navigationes, unus Hallur Geit pedibus hoc iter confecisse dicitur, Grænlândz Annall: facinora Halleri nonnulla scriptis memorantur, qui dictus fuit Hallur capra. Ipsi soli contigit terrestri itinere & pedibus per montes nivium & alia invia & inaccessa, marisque sinus & freta, ex occidentali

„ Grænlandia ad Ganvicum finum, &
 „ sic in Norvegiam pervenire; duxerat
 „ autem secum capram, cujus lacte vi-
 „ tam toleraret. Capræ vero pabulum
 „ præbuere valles & convalles montibus
 „ interjecti, vestiti gramine & virgū-
 „ tis. Insuperabilem montem unum, al-
 „ terum decem & quatuor dierum, hebdo-
 „ madis tertium profectionem requirere ex
 „ Grepla recensui; quid reliquum spatium
 „ reposcet? tamen ille capræ suæ præsidio
 „ omnibus invia sibi fecit pervia; quod vix
 „ ullus capite damnatus redimendæ vitæ
 „ impenderet. Id ille ultro periclitandi pro-
 „ posito in se suscepit, sine spe præmii, aut
 „ ullius in posterum lucri aut commodi;
 „ tantum ut abstrusissimarum terrarum in-
 „ dique desertarum nexus cognosceret. E-
 „ go certe ut ipse non credo, ita nec cre-
 „ denti suam fidem invideo, quæ si præva-
 „ lebit, evertentur tres aliæ traditiones, fa-
 „ bulosis licet aliis admistæ, de navigatione
 „ Hedinî è Tartaria in Daniam, qui insulæ
 „ Tartariæ Russiæque interjecta de nomine
 „ suo nomen aptavit, Hedingseyamque
 „ appellavit, quæ postea ad Comitatus ho-
 „ no-

norem provecta, multa inter Tartariæ
 Russiæque Reges bella causata traditur,
 Hrolfi autem Pedestris tempore seculis
 quibusdam inferiore. Menelaus Tarta-
 riæ Rex Sothium quendam ei præfecisse,
 adque oppugnandum Eiricum Sveonem,
 qui Russiæ regnum, devicto Russiæ Rege,
 prælioque cæso invaserat, misisse dicitur;
 pauloque ante Aranus Tartariæ Regis Ro-
 diani filius, eadem via in Jutiam retro-
 que, una cum noviter assumpto socio, As-
 mundo Berferchicida, processisse. Situs
 à Nova Zembla parum distat, iterque
 nauticum per fretum Nassovicum factum
 videtur, postea multis, sed adhuc incas-
 sum, tentatum, frustra tentandum, si
 singula hæc Gronlandiæ desertis cohæ-
 rent. De septentrionalibus istis desertis
 sequentia Biornus de Skardza ex Hauki
 Legiferi libro descripsit. Hæc nova, in-
 quit, Haldor pastor Gronlandiæ ad pres-
 byterum Arnoldum, natione Gronlan-
 dum, sed tunc in pastorem palatii Regis
 Magni Haconis filii consecratum scripsit,
 literasque rectori navis, quæ Episcopum
 Olafum in Gronlandiam travexit, trans-
 feren-

ferendas commisit. Id factum videtur anno MCCLXI; nam eodem anno Magnus corona Regia vivo patre redimitus erat. Scripsit autem quod eodem anno, quô Arnoldus præbyter Gronlandiâ profectus erat, Gronlandos longius solito in septentrionem profectos, nulla Skrælingorum signa reperisse, præterquam in desertis Kroksfiordensibus, inde suspicio non procul inde eorum domicilia distare. Ordo deinde Ecclesiasticus misit, qui ea, quæ inde in aqvilonem protenduntur, lustrarent: qui sinu Kroksfiordensi egressi, eousque navigarunt, donec montes humiles apparerent. Mox oborta caliginosa tempestate, obliquatis velis provecti, cum serenasset, multas insulas, magnamque cetorum, phocarum & urforum, vim conspicati, usque in intimum maris recessum delati sunt. Tunc vero omnis australis terra, prope in planitiem formata, se conspiciendam præbuit. Mons unus glaciæ vestitus, ab austro conspicuus, Skrælingorum quædam vestigia prodidit, sed metus ab uris ascensu terræ eos abstinerebat. Inde tridui itinere ad insulas quasdam

dam sub niveo monte Snæfelli in austrum provecti, indicia quædam Skrælingorum cognoverunt. Illinc diurno itinere in eremum Kroksfiordensem delati, ipso S. Jacobi festo, sol noctu quoque conspicuus erat, non tamen altior medio die, quam ut stratorum in media hexeri faciem, lateris, cui obvertebantur, umbra velaret, media vero nocte, ad eam mensuram ascendit, quæ domi in caurum provectus attollitur (quæ tamen minime consistunt) inde Gardas revecti sunt. Ad capturam memoratorum animalium lembis, majoribusque navigiis finum Kroksfiordensem Greipasque Gronlandi proficisci solebant, conquirendaque appulsa litoribus ligna, conficiendaque ex phocarum gauro picem, quod utribus suspensum, in saxeis casis tantisper asservatur, donec condensetur, exinde denigratur. Hæc alio loco, in hoc eodem tractatu his verbis explicat. Gronlandis, ad aquilonaria deserta, seu septentrionale promontorium, finem videlicet terræ, Greipas & Kroksfiordensem eremum appellatum, ingenti maris tractu, semper (quotannis)
pro-

proficiscendum est, ad materiam & victu-
alia comparanda, id quod carmen ex
Skaldhelgasaga his verbis testatur:

*Garpar komu i Greipar nordr
Grænlandz var þar bryggjusspordr.*

hoc est:

Ad septentrionalia Greipas usque per-
ventum est, ibi pontis Grænlandici cau-
da, Pontem pro continentis extentione
intelligere videtur. Aliud etiam expo-
nens, ut Skaldhelgius cum sociis vi tem-
pestatis è portu Islandiæ in Gronlandiam
abreptus fuerit.

*Ægisþpordr up i nordr
Islandz fra ec þar miðli.*

hoc est.

Finis maris ab aqvilone, (apparuit),
Islandiam reliqui.

Item:

*Jokla jord oc Eiriksfiord
Oðin giorvoll kendi,
Ferdin rik i Falgeirs vik
Fra ec þar scipum lendi.*

Ноч

Hoc est:

Glacialem terram & Eiriksfiordum omnes agnovimus, celebris comitatus, in Falgeirs vika portum nactus est. Hæc interdum Gronlandorum hyberna (nordfæta .seu aqvilonaris statio) appellantur. Speculum quoque Regale, liber varias materias tractans, qui auctoritate Regis alicujus Norvegiæ conscriptus existimatur, Gronlandiam non insulam, sed continentem existimat, eo quod copia ferarum insulis insæta, quæque transportari nequeat, ibi magna existat, leporum, luporum & abunde rangiferorum, magnitudinem autem ejus nemini cognitam; maximam autem ejus partem perpetua glacie tectam, nec portam quidem ab hac liberam! apparere, tantum conjectari, aut inter convalles, aut maritima, quædam claustra animalibus pervia dari, per quæ in cultiora irrumpant. De his Petrus Claudii Undalinus pag: 183. ita scribit. Exigua pars hujus terræ sive hiberno sive æstivo tempore patet; nisi parva pars per oras maritimas extensa, reliqua terræ omnia glacie & nivibus obducta sunt,

sunt, nec cuiquam de eorum profunditate constat, nam montes vallesque glacie repleti sunt, nulli hominum pervii, ideo magnitudo terræ ignoratur, cum ad superiora non perveniatur, ut explorari possit; dari tamen alicubi fores per valles aut litora penetrabiles, vel feræ persvaserint, quæ à superioribus ad maritima descendunt, ipsis solis notas; verum quæ longissime supra proximos montes perventum est, nihil nudi, quod cultui idoneum esset, conspectum est, præter quod colitur, & id quidem perexiguum, quin & se viatico in octo dies instruxerunt, superiora scrutaturi, sed editis rupibus, nivibus glacieque obsessis, convallibusque pariter repletis, ulterirore accessu prohibiti sunt. His descriptionem Clarissimi Arngrimi subjungam. Gronlandiæ, inquit, continens, quæ sui parte ad boream maximè vergit; cælo, solo saloque, secundum veteres plerumque intractabilis inhabitabilisque existit, unde veteri appellatione apud nos nomen obtinuit, Grænlandz obygdir, deserta Gronlandiæ, quamvis id asserentibus Nor-

Norvegis ipsi Gronlandi contradice-
 bant, his potissimum argumentis, quod
 inter alia maris rejectamenta, quæ ab
 isto tractu appellerent, ligna quædam
 ab hominibus elaborata deprehendis-
 sent, quod etiam capreas & oves pere-
 grinas in suis pascuis vagabundas erras-
 se comperissent, vel auribus signatas,
 vel cornu, in cujus rei fidem ovium ca-
 put à Gronlandis in Norvegiam alla-
 tum, in æde vel alia quadam domo pu-
 blica olim suspensum legimus, unum
 Nidarosiae, Bergis alterum. Existimant
 itaque Gronlandi vastissimum illum ter-
 ræ tractum borealem aliquam sui parte
 id temporis fuisse habitatum, ut certe ex
 insulis eidem tractui adjacentibus, unam
 pluresve, quarum præcipuam sive insu-
 lam sive peninsulam iidem Furustradnas
 appellabant, quod nomen à pinu silvestri,
 ibidem proveniente (illis fura, Germa-
 nis förenholtz) sed ut illa se habeant,
 certe ingens est ille tractus borealis,
 ad quem superandum asserunt veteres
 22 dierum spatium non satis esse, eum-
 que à tribus montibus invisis dividunt,

q̄vorum prius maximē borealis, in-
 „ cognitæ fuerit extensionis, alter qua-
 „ tuordecim dierum iter absumeret, ter-
 „ tius Gronlandiæ habitabili nempe pro-
 „ ximus, septem dierum iter navale po-
 „ scat, ibiq̄ve appellari dicunt montem
 „ Hvitserk à nive dictum, quasi alba tu-
 „ nica, q̄vem Gemma Frisius inter Islan-
 „ diam & Gronlandiam, inq̄ve ipsius ver-
 „ tice constructum à piratis duobus qua-
 „ dratum nauticum, q̄vòd ipsum apud
 „ nostrates non reperio, q̄vin potius
 „ montem Hvitserch in ipsa Gronlandia
 „ situm esse, illumq̄ve (ut vetus est apud
 „ nos fama & opinio) simul cum pro-
 „ montorio occidentalis Islandiæ, nautis
 „ dimidium iter Gronlandicum emensis,
 „ sudo cœlo conspici, atq̄ve ita mons Hvit-
 „ serch Gronlandiæ borealis, sive deser-
 „ tæ pars & terminus, q̄vantum intelligo,
 „ australis erit.

• Multis deinde interjectis, q̄væ ad bo-
 realia hæc non faciunt, sequentia ad-
 dit.

„ Qvòd, ait, autem asserunt recentio-
 „ res Gronlandiam ad Finlandiam Ev-
 ropæ

ropæ 50 mil: litoris marini numerare, „
 id de Gronlandia habitabili non debet „
 intelligi, sed de extremo fortassis Gron- „
 landiæ deserto & maxime borealis tra- „
 tus, aliàs valde absurdum. Intercapi- „
 dinem vero inter Gronlandiæ & Finn- „
 landiæ deserta, alii fretum, alii finum „
 fecerunt. Porro quam recentiores „
 Finnländiam vocant, e regione Gron- „
 landiæ desertæ statuentes nostrates „
 Svalbårda dixerunt, sic enim illa typo- „
 graphia in nostris Antiquitatibus ex- „
 primitur. Risaland liggr til nordr „
 af austrveginum oc þadan til land- „
 nordr liggr þat land er Jotunheimar „
 heita oc bua þar troll oc ovættir, oc þa- „
 dan til motz vid Grænlandz obygdir „
 þat land er Svalbard heitir oc bua þar „
 ymsar þiodir. Nos hæc antea expo- „
 suimus ex historia de Samfone Anglo,
 ab Episcopo Theodoro Thor-
 lacio citata, hoc ipso
 capite.

CAP. VI.

*De Gronlandia habitabili,
vetusti libri descriptio.*

Gronlandia, quæ coloniis occupata est, ratione situs in Austrbygd & Vestrbygd, seu orientalem & occidentalem coloniam dispecitur, quarum chorographicam delineationem ex vetusta membrana, sed lituris interstincta, Biornus de Skardza exscripsit, nobisque reliquit, eamque Episcopus Theodorus Thorlacius maximam partem secutus est, licet quædam omiserit, aut emendare voluerit, ea certè, quæ non assecutus, nec ego assequor: quò vero lector ingeniosus discrimen melius observet, utramque descriptionem huc inferam. Episcopi Thor-

„ laci talis est. Gronlandia parum in
 „ austrum deflectit, promontorium Her-
 „ jolsnes omnium maxime. Proxime
 „ occidentem versus Hvarfsgnipa. Eò
 „ Eiricus Rufus longissime pervenit,
 „ tuncque asseruit se limitem sinus Ei-
 riks-

riksfiordi transgressum, ubi tunc incipit „
 Toftafiordus & Melrachanesia, deinde „
 Herjolfsfiordus, ubi templum unum, „
 proxime Helliseyarfiordus, tum Ketils- „
 fiordus, ubi duo templa, tunc Hrak- „
 biarnorey & Lundey, tunc Alftafior- „
 dus & Siglufiordus, ibi templum prox- „
 ime Hratnsfiordus, ex quo procedunt „
 Slettufiordus & Hornafiordus, tunc „
 Einarsfiordus ubi unum templum. Ex „
 Einarsfiordo protenditur Austkarsfior- „
 dus & Hafgrimsfiordus, proxime Isä- „
 fiordus, unde exit Utibliksfiordus. „
 Tunc Strandfiordus, tunc Midfiordi „
 Kollafiordus & Dyrafiordus, tunc Thor- „
 valdzfiordus Steinsfiordus & Bergthors- „
 fiordus. Inde ad Vestrbygda possunt sex „
 remiges hexeri septiduo pervenire, ubi „
 etiam sinus. A Vestrbygda ad Lysafior- „
 dum sex dierum spatium acatio trajicitur. „
 Inde Karlsbudas usque sex dierum iter. „
 Inde ad Biarneyas tridui iter; ad aqvi- „
 lonem jacet Esiunesia & Ædanesia, to- „
 tus circuitus quindecim dierum iter „
 conficit. „

Seqvitur Biorni de Skardza choro-
graphia ex membrana, quam ipse secu-
tus est. „ Grænland hófir i litt súdr,
„ sýnst er Herjólfsnes, enn Hvarfsgnipa
„ næst fyrir vestan, þangat com Eirkr
„ hinn Raudi lengst, oc letst þa kominn
„ fyrir botn Eiriksfiordar, þat er stiarna
„ er afhverf heitir a austanverdu landi,
„ þa Spalsund, þa Drangey, þa Saulvadallr
„ hann er bygdr austaz, þa Tofafiordr,
„ þa melrachanes, þa Herjólfsfiardar kir-
„ kia, þa Helliseyarfiordr, þa Ketilsfiordr,
„ ii kirkior þa Hrakbiarnarey, Lundey,
„ Syllenda af Eiriksfirði, þa Alftafiordr,
„ Siglufiordr kirkia, Hrafnsviordr, þa gengr
„ Slettifiordr af Hafrsfirði, Hornafiordr,
„ Ofundinfiordr, þar er Biskops stoll (þa
„ verdr hann at vera i botni Eiriksfiardar)
„ Einarsviardar kirkia, af honum gengr
„ Austharsfiordr, Hafgrimsfiordr, Hvals-
„ eyarfiordr; - f - f - f - ur Dyrnesi, þa Ysa-
„ fiordr, þar af gengr Utibliksviordr, þa
„ Strandafiordr, þa eru Midfirðir næst byg-
„ dir, so heitar Hellufiordr, annar Dyrafior-
„ dr, þa Þorvardzfiordr, Steinfiordr, Berg-
„ þorfiordr, þa er Viðaga rodr sex mon-
mum

num til vestrbygðar sex æringi, þa telr ,
 þar up firði, þa er ur hinni vestrbygð ,
 til Lysufiðardar, sex daga roðr, þadan ,
 sex daga roðr til Karlbuda, þa þriggia ,
 daga roðr til Biarneyiar, XII daga roðr ,
 umhverfis, Ey, Eysunes, æðanes fyrri ,
 nordan, svo er talit at 190 bygða se i ,
 eyftri bygð XC i vestri. ”

Hoc est:

Gronlandia parum in austrum defle-
 ctit, promontorium Herjolfsnesia omni-
 um maximè, proxima occidentem ver-
 sus Hvarfsnipa. Eò Eiricus longissimè
 pervenit, tuncqve asseruit se limitem fi-
 nus Eiriksfiordi transgressum. Ibi stella
 Afhverf dicta, in orientali terræ parte.
 Tunc Spalsunda, tunc Drangeya, tunc
 Saulvadalus cultorum orientalissimus,
 tunc Tofafiordus, tunc Melrickanesi,
 tunc Herjolfsfiordense templum, tunc
 Helliseyarfiordus, tunc Ketilsfiordus, duo
 templa, tunc Hrakbiarnareya, Lundeya,
 Syllenda ex Eiriksfiordo, tunc Alftaflor-
 dus & Siglufiordus, templum, Hrafnfior-
 dus, tunc procedit Slettufiordus ex Hrafn-
 fiordo, Hornafiordus, Ofundinfiordus. Ibi

sedes Episcopalis, tunc Einarsfiordi templum, ex illo prodit Austkarsfiordus, Hafgrimsfiordus, Hvalseyarfiordus F.F. F. ex Dyrnesia, tunc Isafiordus, ex illo procedit Utibliksfiordus, tunc Strandafiordus, tunc Strandafiordus, tunc Midfiordi proximè culti sic vocantur, Kollafiordus, alter Dyrafiordus, tunc Thorvaldzfiordus, Steinsfiordus Bergthorsfiordus. Inde sex remigibus hexerim agitantibus sex dierum iter est Vestrbygdam usque. Tunc sinus, qui ibi sunt, numerantur. Tunc ex Vestrbygda sex remigibus ad Lysufiordum septidui remigatio. Inde sextidui remigium ad Karlsbudas, tunc tridui remigium ad Diarneyas, in circuitu duodecim dierum remigatio. Tunc Eysunesia ad aquilonem Ædanesia; numerus ita conficitur, ut 190 villæ (pagi) in Austrbygda. 90 in Vestrbygda censeantur. Sequentia ut dubia Episcopus Theodorus omisit, quæ descriptio Islandica Islandice sic recenset. Þat er ftiarna er Afhverf heitir à Austanverdu landi, þa Spalsund, þa Drangey, þa Solvadalsr, hann er bygdr austaz, þa Tofafiordr, qvem is Tostafiord scripsit.

Deinde

Deinde post Lundey habetur Syllenda ab Eiriksfirdi. Deinde post Slettufiordr inferendum af Hafrsfirdi, id est, ex Hafrsfiordo, pro Hafrsfiordo Hrafnfiord legit, ex quo Slettufiordum, & Hornafiordum emitti tradit. Post Hornafiordum Ofundinfiordr, par er Biskops stoll. Post Hafgrimsfiordum Hvalseyarfiordus F.F.F. ur Dyrnesi, deinde pro duodecim dierum remigatione in circuitu, qvindecim reposuit, & pro coloniis in Vestrbygda 90. 110.

CAP. VII.

Continens Ivaris Bevii, aliis Berii descriptionem.

Et illa quidem pro Exemplarium diversitate plus minusve variat. Translationes ternæ ad manus sunt; una in Germanicam linguam conversa, Norimburgi anno 1679 excusa, auctore S. de V. Altera, interpretis nomine suppresso, in Danicam translata sine loco & anno suppetit. Tertia Petri Undalini, & exemplar Islandicum chartaceum unum, mem-

branaceum mihi certe nullum. Ex his invicem collatis facile patet avthenticorum, quæ interpretes secuti sunt, unum altero locupletius fuisse. Nos Islandicum, quamvis ne hoc quidem pergameneum, tamen ut puto cæteris ut plurimum in propriis nominibus correctius exponemus, ita tamen ut, ubi cæteræ versiones redundant, ea minime reticeamus. Fuit autem Bevius ille oeconomus Episcopi Gardensis per complures annos, qui hæc singula viderat; insuper unus inter eos, qui à supremo territorii Gronlandici iudice delecti delegatique erant ad expellendos occidentali provincia Vestrbygda Skrælingos, qui illam invaserunt, quò cum pervenissent, hominibus quidem vacuum provinciam invenerunt, boum vero & ovium gregis per læta pascua oberrantium, haut exiguum numerum, inde tantum mactabant, quantum naves capere poterant, domumque retulerunt, quo vero tempore id factum sit, silentio prætermisum est. Orientalis, inquit, Gronlandiæ colonia subjacet promontorio Herjolsnesfiæ, nuncupaturque Skagafiordus (versio Germ:

Germ: urbem (stat) maxime orientalem Skagafiordum appellari; Danica ad ortum Herjolfsnesiæ adjacere tradit, prædium quidem magnum) ibi mons unus incultus jacet, & vocatur Barnafell (versio Dan: à Skagafiordo in orientem longe jacet finus quidam incultus, qui vocatur Borrefiord) in ostio finus pulvinus longus in transversum, ubi ingressus patet, protenditur, ita ut nullæ majores naves ingredi possint, nisi cum ingens ventus æstusque magnam aquarum molem infundunt, tunc quoque vis ingens cetorum finum opplet. Nunquam ibi piscium captura deficit, quæ ibi publicè exercetur, tamen cum venia Episcopi, eo quod sedi cathedrali subsit. In eodem finu (versio Danica Berrefiordo) vorago magna, quæ Hvalshola, seu Hvalsgap, balenarum caverna appellatur, quo æstuante mari omnes balenæ se infundunt. Magis ad ortum jacet finus ollum lengri, seu omnium longissimus, qui ex angusto ostio late panditur, adeo longus, ut nemo adhuc finem ejus noverit, ibi nullus æstus, sed parvarum insularum, quos holmas vocant,

vocant, aviumque & ovorum abunde, latera utrobique plana, adeoque alto gramine vestita ut alibi nec plus vel tantum proveniat. Hunc paragraphum editio Germanica non habet. Longius versus orientem propius Alpes portus est nomine Funkabudir, sic dictus, quod tempore Sancti Olafi Regis navis ibi jacuit, ut publica adhuc in Gronlandia fama fert, in qua inter alios minister quidam ejus fluctibus absorptus est, qui vero supererant, super sepulcra eorum lapideam crucem statuerunt, quæ ibi adhuc stat. Mihi notatio ex his non satis patet, forte cognomen ejus Funki fuerit. Inde ad orientem, adjacet insula magna nomine Ranseya, ubi publica in sylvis venatio, ibi albi Ursi, quorum nisi cum venia Episcopi captura illicita, quod insula templo cathedrali & Episcopo subjecta sit, (Versio Dan: pro Ranseya, quæ nostro etiam Rasey dicitur, Kaarsøe habet, versio Germ: Roanes) nec inde ad orientem ultra præter nives & glaciem sive terra sive mari spectatur. Ad occidentem Herjolsnesiæ Kindilfiordus occurrit totus excultus: à latere dextero finum

finum ingredientibus, recessus quidam seu stagnum jacet, quod magna flumina excipit, prope quod ædes sacra nomine Krokskirkia (versio Dan: Aaros kirkia sacrae cruci consecrata) cui insulae holmæ alluvionis ex naufragiis jura bonaque ab Herjolfnesia Petrsvikam, finum Petri, usque competunt. Circa Petrsvikam frequens habitatio, quæ Vandalabygd, (versio Dan: Versdal idque perperam, nam Germanica cum Islandico competit) appellatur, ibi monasterium Canonorum regularium Sancto Olafo & Sancto Augustino dedicatum, cui omnia ad finem usque sinus, omniaque ex adverso latere subjacent. Proximus Kindilsfiordo Rumpseyarfiordus est (versio Danica Rumpenesfiord, Germ: Rumpesinfiord) longe in interioribus ejus Monialium cænobium situm est, quod usque limitem sinus à templo Vogenfi Sancto Olafo sacro omnia possidet (versio Dan: Cænobium illud Ordinis Sancti Benedicti appellat) exteriora sinus omnia templo Vogenfi adhærent. Intra finum multæ holmæ, quas cænobium cum Episcopali ecclesia ex æquo participat.

ticipat. In ipsis complures thermæ, quæ hiberno tempore adeo ardent, ut propius accedi nequeant, æstivo autem temperatæ sunt, ita ut multi usu illarum sanentur, diversa licet ægritudine affecti. Ei (Rumpyarfiordo) proxime adjacet Einarsfiordus, inter eos villa magna nomine Foss jacet, Regi competens, ibi venustum templum S. Nicolao dicatum. Haut procul inde lacus piscosus, adeo ut post auctum imbribus vel æstibus stagnum, cum aquæ refluxerant, acervi piscium in arena jaceant (versio Danica jus patronatus templi ad Regem pertinere tradit). Liniisfiordum intrantibus ad sinistram objacet parvum promontorium nomine Kliningus; intra illud sinus Grenjuvika, seu Granevich dictus (versio Germ: Rayathen, Danicæ autem hæc ita habet. Einarsfiordum navigio ingressuro ad sinistram sinus jacet Thorvaldzvich dictus, longiusque intra sinum ad idem latus promontorium nomine Kliningus). Longius inde sed interior villa magnifica nomine Dalus templo Episcopali subjecta; à dextra autem cum sinus ad ædem cathedralem, quæ in fine
ejus

ejus sita est, navigatur, magnâ filva, ubi
 greges armenta qvæ parva magna qvæ ec-
 clesiæ istius pascuntur, qvæ & totum Li-
 nisfiordum possidet & simul cum magnâ
 insula, qvæ Einarseyæ sinui prætexitur,
 Rinseya dicta, eo quod tempore autumnâ-
 li, multi ibi rangiferi seu capræ concur-
 rant, venatio ibi frequens; non tamen si-
 ne Episcopi consensu, ibi saxum scissile,
 omnium, qvæ in Gronlandia prostant, præ-
 stantissimum, atqve adeo ut acetabula &
 cantharos, inde conficiant, tam durable
 firmumqve, ut vim ignis respuat, fiunt-
 qve inde vasa decem vel duodecim tonna-
 rum capacia. Longius ad occidentem si-
 ta est Langeya, ubi octo magnæ rustico-
 rum villæ; ecclesia Episcopalis totam in-
 sulam sibi vindicat cum omnibus adjacen-
 tibus: decimas autem ædes Hvalseyensis
 sibi asserit. Templo Einarsfiordensi, quod
 omnem Rammaftadafiordū possidet (ver-
 sio Germanica de Ramstadarfiordo filet)
 non procul adjacet magnum prædium Re-
 gium, quod Hellustadæ seu Hellirstadæ
 appellatur (versio Dan: hæc ita variat: Pro-
 xime, inquit, Einarsfiordum Hvalseyar-
 fior.

fiordus excipit, ibi templum, quod Hvals-
eyarfiords kirkia appellatur, illud totum
finum, totum quoque Rambstade fiordum
possidet, ibi magna villa Regia nomine
Thiodhyllestad. Versio, Germ: hæc non
habet). Proximus Eirikfiordus in cujus
ingressu insula nomine Hereya, quæ me-
dia sui parte ecclesiæ Episcopali, media
templo Dyranesiæ subjacet. Dyranesiæ
templum omnium primum in Gronlan-
dia fundatum est, quæ navigantibus in fi-
num ad sinistram jacet, cui omnia Mid-
fiordum usque subjecta sunt, (versio Dan:
Dyranesiæ templum omnium, quæ in Gron-
landia sunt, maximum, versio Germ: no-
bilissimum tradit, insulamque Hereyam
Herrieren perperam appellat, derivatque
ab Herrer, dominis, quasi dominorum in-
sulam dixeris; mihi notatio ab heri, le-
pus, potior est, ut leporum insula cluat,
additque, quod conspiciatur, cum primum
Eirikfiordus intratur. Midfiordus ex Ei-
riksfiordo in japygem (nordvest) recta
procedit, parumque interius in sinu Eirik-
fiordo templum Saltfiallense, Saltfiallz
kirkia (versio Danica Solefielldz kirkia,
tem-

templum montis Solarfiall dicti) jacet, quod omnia intra sinum possidet (versio Dan: omnem Midfiordum possidet; versio German: tradit Midfiordum quidem ex Eiriksfiordo protendi, propius ei adiacere sinum alium versus aqvilonem, nomine Bondefiordum (Arngrimo Breidafiordum), inque illo aqvilonis tractu complures insulas & portus existere, quæ alibi mihi non occurrunt, nec Austrbygda plura habet). Longius intra sinum est Lieders (forte Leirdals templum, ita Islandus Scriptor colligit) templum, ad illud pertinent omnia ad limitem usque, & ex alio latere montem Burafiall usque. Omnia autem à Burafialle templi cathedralis sunt, ibi etiam magnum prædium jacet, nomine Brattahlid, ubi supremus terræ iudex habitat. (Versio Danica porro dicendis hanc apostrophē præmittit. Jam ad insulas occidentales procedendum). A Langeya occidentem versus Lambeya jacet, & fretum Lambeyense, quod inter Lambeyam & Langeyam intercedit: quæ singula Eiriksfiordo competunt (versio Dan: de hac competentia nihil habet). Ja-

cet & aliud fretum nomine Fassefund
 (Islandus exscriptor colligit Fossafund, id
 quod exemplar, quod Danicus interpres
 secutus est, tuetur, qui illud paulo inter-
 rius in Eiriksfiordo collocat) quod subest
 templo cathedrali in introitu Eiriksfiordi.
 Omnes istæ insulæ finusque culti sunt
 (Nota, per sinus, adjacentes finibus ter-
 ræ intelliguntur. Versio Dan: hunc para-
 graphum hic inserit, qui aliàs nullibi mi-
 hi occurrit. Eiriksfiordo ad aqvilonem
 adjacent duo sinus, qui dicuntur Ydri-
 vich, Islandice Ytrivik, qui ex relatione
 alterius, hic amissi nomen supponit Inn-
 rivik, nam ita adjacent. Ibi proximè ad
 aqvilonem Oredfiordus, inque illo sinu
 Myenfiordus, tunc ad boream Eyrarfior-
 dus, tunc proxime Burgarfiordus, tunc
 Lodmundarfiordus, tunc proxime & ma-
 xime in occidentem ex Austrbygda Ise-
 fiordus, omnes hæ insulæ excultæ sunt),
 inter Austrbygdam & Vestrbygdam duo-
 decim milliaria maritima omnia inculta
 intercedunt, inque Vestrbygda magnum
 templum extat, ubi lacuna, inrox kirkia,
 id hic omissum, vers: Dan: Steinsnes kir-
 kia,

kia, Germ: Strobneþ corruptè, Episcopi Theodori Strömsnes kirkia restituit, quod aliquantisper cathedrale fuit, & Episcopalis sedes. Jam vero Skrælingi omnem Vestrbygdam insident. Hic tamen equorum, boum, ovium, & omne genus ferarum abunde, hominum neque ethnicorum, neque Christianorum nihil visitur. Hucusque Ivaris Bévii relatio, sequentia idem exemplar habet. Ex Vestrbygda procedit magnus vastusque mons, nomine Himinradzfiall (versio Danica ad aqvilonem Vestrbygðæ magnus mons adjacet, qui Himelrachsfiall usurpatur) nulli ultra montis istius terminum navigatio tuta, aut sine præsentissimo vitæ periculo, ob voragines, quæ toto isto pelago frequentes sunt.

Hos sinus in Vestrbygda Arngrimus recenset, Lyfufiordum, templum (ibi) Svarfiordum, Leirufiordum, Hornafiordum, Agnatafiordum, Lodinsfiordum, Straumsfiordum, Andafiordum, Ragnafiordum, Einarsfiordum. Provinciæ vero orientalis hos numerat, Tofafiordum, Ofundinfiordum, templum, Helliseyam insulam, Hafgrims-

grimsfiordum, Hrakbiarnareyam insulam,
 Lundeyam insulam, Makleiksfjordum, Ha-
 fafiordum, Austksfiordum, Thorvaldz-
 fiordum, Hornafiordum, Herjultsfjordum,
 templum, Austkarsfiordum, templum,
 Ketilsfiordum, templum, Eiriksfjordum,
 trina templa, Isafiordum, Rafusfiordum,
 Midfiordum, Dyrafiordum, Berthorsfior-
 dum, Melrackanesiam promontorium,
 Einarsfiordum, templum, Helliseyarfior-
 dum, templum, Hvalseyarfiordum, tem-
 plum, Alftafiordum, Siglufjordum, tem-
 plum, Brandafiordum, Edri Kollafiordum,
 Steinsfiordum. Interpres Gronlandiæ
 Arngrimi hos sinus paulo aliter, diverso-
 que ordine hoc modo recenset. „ Lofa-
 „ fiordr, Melrackanes, Herjolfsfiordr,
 „ Hellisey, Helliseyarfiordr, Ketilsfiordr,
 „ Hrakbiarnarey, Lundey, Alftafiordr,
 „ Siglufiordr, Einarsfiordr, Austkersfior-
 „ dr, Hafgrimsfiordr, Hvalseyarfiordr,
 „ Nordfiordr, Eiriksfiosdr, Isafiordr,
 „ Makrilsfiordr, Brandafiordr, Midfiordr,
 „ Ekrukollufiordr, Dyrafiordr, þorvalds-
 „ fiordr, Austbungsfjordr, Steinsfiordr,
 „ Bergtharsfiordr.

Magister Theodorus Thorlacius Bevil
relationem de Gronlandia à superiori pa-
rum discrepantem, quam etiam hic inter-
re non pigebit, hunc in modum nobis
reliquit.

Orientalissima, inquit, Gronlandiæ co-
lonia subjacet promontorio Herjolfsnesiæ
orientem versus, nuncupaturque Skaga-
fiordus: in ostio finus pulvinus longus in
transversum, ubi ingressus patet, protendi-
tur, ita ut nullæ majores naves ingredi
possint, nisi æstuante mare: tunc quoque
ingens vis cetorum aliorumque piscium
finum opplet, ita ut ibi communis pesca-
tura exerceatur, veniâ tamen Episcopi,
sinus enim sedi cathedrali subest. Magis
ad ortum jacet finus ollum lengri, seu o-
mnium longissimus, qui ex angusto ostio
late panditur, adeo longus, ut nemo ad-
huc finem ejus noverit. Ibi parvarum
insularum, quas holmas vocant, magnus
numerus, plana quoque utrobique latera, alto
gramine vestita. Ad occidentem Herjolfs-
nesiæ Ketilsfiordus occurrit: ubi cænobi-
um Canonicorum regularum, S. Olafo

& S. Augustino dedicatum. Ketilsfiordo proxime adjacet Rafnsfiordus. Longe in interioribus ejus Monialium monasterium Sancto Olafo sacrum situm est. Proximus illi Einarsfiordus est, quem intrantibus ad sinistram objacet parvum promontorium nomine Kliningus, ad dextram vero magna silva, ubi greges armenta-que parva magna-que ædis cathedralis pascuntur, illa autem in fine sinus sita est. Inter Einarsfiordum & Rafnsfiordum magna villa nomine Foss, quæ Regi compete-
bat, jacet: Einarsfiordo prætexitur magna insula Rinseya dicta, quæ sedi cathedrali unacum toto sinu subjacet, in illa rangiferorum frequens venatio, ibi quoque saxum scissile omnium præstantissimum, unde Gronlandi vasa decem vel duodecim ton-
narum capacia, acetabula quoque & cantharos conficiunt, est enim tam durabile firmumque, ut vim ignis respuat. Longius ad occidentem sita est Langöa, ubi octo rusticorum villæ, sedi Episcopali subjacentes, decimæ vero templo Hvalseyrensi competunt. Proximus Eiriksfiordus est, ubi villa magnifica nomine Brattahlid,

hlid, supremi judicis sedes. Midfiordus ex Eiriksiordo in Japygem recta procedit, inter Austrbygdam & Vestrbygdam duodecim milliaria maritima, omnia inculta intercedunt. In Vestrbygdā magnum templum extat vocaturque Strömsnesiæ templum, quod aliquantisper cathedrale fuit, sedesque Episcopi.

CAP. VIII.

De dissentientium descriptionum qualicunque conciliatione.

Situm locorum secundum hæc inter se in justum ordinem digerere difficile est. Membrana, quam secutus est Bior-nus de Skardza, singula distinctius accuratiusque exposuisse videtur. Bevius ut sedis Episcopalis œconomus, quæ ad ejus sustentationem deputata erant prædia, eorumque situm subjectasque ecclesias describere satis habuit. In utroque occurrunt quædam, quæ non ipsis sed librario-

rum corruptelis imputanda videntur. Deserta cultaque ecclesiæ Herjolsnesiæ sub-
 jecta primo excutiam, deinde Austrbyg-
 dæ reliqua, tandem etiam Vestrbygdam.
 In situ Herjolsnesiæ valde dissident, illa
 in austrum omnium maxime, hic in ori-
 entem protensam tradit, id quod diverso
 respectu intelligendum existimo, ut bore-
 alium incultorum australissima, & omni-
 um totius Gronlandiæ promonteriorum
 in orientem maxime projecta statui debe-
 at, videturque membrana ea, quæ circa
 eam sunt, describere, donec ad templum,
 quod in eo sinu jacet, perveniret. Id
 enim non procul inde distare ratio dicti-
 tat, itaque paræcias isti ecclesiæ subje-
 ctas, tam orientales, quam occidentales
 recenset; & primo promontorium mon-
 tis celeberrimi Hvarf, quod Hvarfsgnipa
 appellatur, eiqve subjectam planitiem.
 Nam quod hic Stiarna scribitur, Strond
 planities, vel declivitas scribendum sta-
 tuo, ita ut legi debeat, þar er Strond er
 afhvarf heitir, ɔ: ibi planities vel dever-
 gentia nomine Afhvarf; & ratio nominis
 competit, quod ex monte Hvarf vergat.
 His

His expeditis ad orientalia procedendo, quæ inter Hvítferkum & Herjólfsnesiam jacent, enumerat, incipiendo à Spalsfunda, quam Drangeya, eadem quæ Bevio Rans-eya, excipit, & illam Funkabudir eodem teste. His proximus sinus omnium longissimus, seu fiordrinn ollum lengri, Berufiordum huic adjungit Theodorus, apographum forte Danicum secutus, quod ipsi commodavi, sed cum nullibi alias extet, nec Petrus Claudii Undalinus, aut chartaceum Islandicum exemplar, versiove Germanica, nec Claudius Lyschander, aut Arngrimus habeant, nec ego admittendum existimo. Montem Bläserchum Episcopus, tum secundum Eirici Rufi cursum ex Islandia, & quod monti Islandiæ Snæfellznesiæ oppositus sit, medioque itinere uterque conspiciatur, recte collocat, Solvadalum Membrana, cultorum orientalissimum, Bevius Skagafjordum ponit, ab ortu Herjólfsnesiæ haut dissitum, ibi montem incultum nomine Barnafell, omnibus exemplaribus consentientibus, præter apographum Danicum valde alias corruptum, quod loco montis

finum Berufiordum reposuit, ut nuperri-
me diximus. Membrana post Solvada-
lum Tofafiordum memorat, mox promon-
torium Melrachanesiam, tum demum ad
templum Herjolsnesiæ pervenit, unde pa-
tet. I. quod tam culta quam inculta Ec-
clesiæ Herjolsnesensi subjecta ab ortu in
occasum recenseat. II. quod cum hæc Sal-
vadalum illa Skagafiordū ad ortum eorum,
quæ culta sunt extrema memoret, facile pa-
tet Solvadalum huic finui adjacere, Tofa-
fiordumque ex illo finu emitti, cujus forte
promontorium Melrakanesia erit, ex mon-
te Barnefiæll extensum. Herjolsnesiæ or-
tum versus portus commodissimus Sand-
vika adjacet, jamque occidentalia excuti-
enda. Ketilsfiordus Bevio corrupte Kin-
dilfiordus est, sed membrana Helliseyar-
fiordum interserit, quem ex Herjolsfior-
do emitti inde liquet; atque ita constat,
Ketilsfiordum Herjolsfiordo proximum
esse, ubi ad dextram intrantibus, tem-
plum S. crucis, forsitan id quod Codex
Flat: in sinu Vatzdal dicto Ketilsfiordi
parte collocat; interius quoque sinus Petrs-
vika, & in circuitu colonia Vandalabygd,
inte-

interius quoque monasterium S. Olafo & S. Augustino sacrum, insulis duabus Hrakbiarnareyæ & Lundeyæ situm, quem membrana monstrat, tribuimus. Inter Ketilsfiordum & Einarsfiordum Bevius Rumpeyarfiordum tantum interferit. Membrana vero præter Syllendam af Eiriksfirdi (quod ut corruptissime scriptum nullo modo assequor, ideoque omitto) complures sinus numerat, quos omnino ex illo emitti oportet, nimirum Alftaifiordum, Siglufiordum, cum templo quod ibi memorat, sed Codex Flateyensis Vogenfe appellat, Hrafnfiordum, Hafsfiordum, & emissum ex eo Slettufiordum, Hornafiordum, Ofundinfiordum, quos sinus secundarios statuo, secus hæc conciliari non possunt. Ad Einarsfiordum itaque accedimus, ubi observandum quæ de Linisfiordo habentur, in omnibus exemplaribus corrupte scripta esse. Apographum Danicum semper Einarsfiordum habet, quem ingredientibus parvus ad sinistram sinus Thorvaldzvika, primo occurrit, soli apographo chartaceo Danico notatus, tunc promontorium Kliningus, interius
ad

ad dextram sinus Grenivika; quod autem membrana tradit, sedem Episcopalem sitam esse in Ofundinfiordo, Bevius contra in Einarsfiordi sine, aliter conciliare non possum, quam ut in confinio Einarsfiordi & Ofundinfiordi, ubi hic ab illo emittitur, locus ei debeat. Templum in Austkarsfiordo Arngrimo memoratum idem certe videtur, quod Codex Flat: sub Hofdio in Austfiordo memorat. Meminit & Arngrimus templi Ofundinfiordensis, quod alibi non invenio. Apographum Danicum, cæteris omnibus ignorantibus, cum membrana concordat, quod Hvalsey-arfiordū interponat Einarsfiordo & Eiriksfiordo, id quod nos quoque sequimur, nec finis anonymos in insulas vel freta omittimus. Tandem se Eiriksfiordus offert. Ibi insula Hereya, templum Dyrnesiæ. Addit aliud templū in Brattahlid, nam uxor Eirici cum primum Christo nomen dedit, illud ædificandum curasse traditur, quod exinde Thorhildis templum appellabatur, cui celebre prædium Stokanes ex adverso objacet: ibi quoque antrum Thormodi, ubi Thormodus Kolbrunarskald S. Olafi poëta,

ta, post cædem judicis pronvincialis Thor-
grimi Tröllii pluriumqve, latebras quæ-
sivit, situm est in rupibus contra Stocka-
nesiam. Membrana quidem Eiriksfiord-
um omisit, sed tria F. posuit, unde tres
sinus intelligi colligo ex Eiriksfiordo
emissos, quorum nomina ex apographo
Danico, cum Petro Claudii collato, erui
possunt hoc modo, illud Eiriksfiordo ad
aqvilonem duos sinus adjacere tradit,
quorum alium tantum Ydrivig nominat,
id est exteriorem sinum, reliquum omit-
tit, quem tum relationis natura, quæ interi-
orem supponit, monstrat, tum etiam Clau-
dii Lyschander nominatim exprimit,
Indrevigqve appellat. Petrus Claudii Mid-
fiordum ex Eiriksfiordo emitti tradit, pa-
rumqve interius templum Saltfiallense,
(quod Solarfiallense rectius scribi ex ve-
tustis documentis planum est), Interius ad-
huc templum Leirdalense, eiqve proxime
Bondafiordum (Arngrimo Brandefior-
dum) inde planum est, Ytrivikam &
Ynnrivikam his templis exteriores esse,
cum inter templum Leirdalense & Bond-
fiordum locari nequeant. Qui Petro
Claudii

Claudii Bondafiordus est, apographo sed corrupte Bredafiordus est, cui pari librarii ignorantiae Myefiordus inseritur, his verbis. Inque illo sinu jacet Myomfiordus, pro quo Undalinus habet; inque illo sinu jacet Marestad, prædium forte id nominis. Jamque hæc conveniunt, quod Bondafiordo ad aqvilonem adjacet, qui apographo est Eyrarfiordus, Petro Claudii Einarsfiord, quod idem est, rectius tamen Eyarfiordus ab arenosis insulis ita appellatus. His Petrus Claudii Lundemarfjord adjicit, (qui aliis Lodmundarfiordus) syrtibus occidentalibus proximum, quo tamen Isafiordum ulteriorem facit, sed apographo inter Eyrarfiordum & Lodmundarfiordum Borgarfiordus inferendus erit; Sic itaque colligò, Midfiordum ex Eiriksfiordo japygem versus (nordvest) extendi paulo ultra Sollarfiallense templum, quod tamen in Eiriksfiordo jacet, eique ad aqvilonem proximum Bondafiordum, ubi villa Merestad: sequuntur ad aqvilonem Eyrarfiordus, Borgarfiordus & Lodmundarfiordus, quos puto esse tres anonymos in membrana
qui-

quidem indicatos, sed detritis formis lectores frustratos. Cum autem Bevius orientalis tractus occidentale latus extremo Isafiordo clauferit, membrana autem ulterius ad Vestrbygdam usque processerit, Isafiordum autem ad Dyrnesiam collocaverit, ex ejus auctoritate eum quoque illic referendum statuo, præsertim cum Undalinus citra relationem ad alios sinus tantum eum Austrbygdæ adscribat. Sequentes itaque sinus membrana proditos situ quem dederat, ordine ei adjungimus, Austrbygdamque Bergthorsfiordo claudimus. De Vestrbygda præter allata nihil suppetit. ¶

CAP. IX.

De ratione navigationis ex Norvagia vel Islandia in Gronlandiam dirigendæ, veterum traditiones à Petro Claudii Undalino congestæ,

*gestæ , quæ descriptione
pag: 172. continentur, col-
latæ cum chartaceo meo
exemplari.*

Probata auctoritatis & perspicacioris
ingenii viros natione Gronlandos,
qui novissime inde profecti sunt, te-
statos accepimus, quod à stadis Norvegiæ
ad Austrhorn Islandiæ navigatio directâ
in occasum septiduo absolvatur: Brevissi-
ma in Gronlandiam via ab Islandiæ pro-
montorio Snæfellznesia, proris in occi-
dentem recta versis, biduo binoctioque
pervenitur, medio cursu navigantibus,
Gunnbiarnarsker obviam fit inter Islan-
diam & Gronlandiam. Atque hæc usita-
ta veteribus fuit navigatio, nunc vero de-
fuit, postquam ex Nordbotnis tanta glaciei
moles propinqua insulæ illius infedit, ut
nemini sine evidenti vitæ periculo eam
ultra tentare tutum sit. A Langanesia
promontorio Islandiæ in boream (nord-
ost) longissime extenso, duobus diebus,
duabusque noctibus ad Svalbardium, qui
fini-

finium seu limitum maris primus est, iter conficitur. Bergis rectà in Gronlandiam navigaturis, nec ad Islandiam digressuris, cursus rectà in occidentem dirigendus est, donec Reykianesiam australissimum Islandiæ promontorium à latere, quindecim tamen miliarium Germanicorum distantia, assecuti fuerint, cæpto inde limite velificantibus apparebit celebris Gronlandiæ mons Hvarf, unà tamen die prius conspiciendum se exhibebit albicans nivibus Hvitserkus. Inter hos duos montes Hvarf & Hvitserkum intercedit promontorium nomine Herjolsnesia, cui adjacet portus Sandhofn dictus, publica Nordmannorum mercatorumque statio. Sin vero ex Islandia Gronlandia petenda est, ex Snæfellsnesia, quæ quindecim miliarium Germanicorum intervallo caurum versus à Reykianesia extenditur, profectio instituenda erit, horis viginti quatuor directè in occidentem navigandum, inde in Africum flectendum, ut evitetur marina glacies, quæ Gunnbiarnarskeri objacet, deinde in caurum vela diem unum noctemque vertenda, excipiet nautas op-

E

tatus

tatus Sandvicæ , Herjolfsnesiæ aditus portus. Ad hæc Episcopus Theodorus Thorlacius sequentia adnotavit. In discernendis, inquit, ventorum regionibus prisca minus curiosi, octo tantum principalium rationem habuerunt , nimirum cardinalium quatuor, totidemque intermediorum, collaterales reliquas ad has referre contenti : atque ita ventum, qui inter favonium vestvind & circium vestsudvest intercedit, ad favonium retulerunt, & sic de cæteris. Descriptio ex veteri membrana à Biorno de Skardza excerpta talis est.

Sapientum effatis traditur, quod stadiis Norvegiæ ad orientalis Islandiæ Horn septiduo navigetur, sed Snæfellsnesia quadriduo ad Hvarsum Gronlandiæ. Bergis in Norvegia semper in occidentem vavigandum ad Hvarsum Gronlandiæ, at tunc Hialtlandia versus septentrionem transmittenda, si tamen prospectum nebulæ non impedian. Færeya autem versus austrum, ut medietas tantum montium appareat, nec propius Islandiam, quam
aves

aves, illius longissime evolant, aut balenæ enatant. A Reykianesia australis Islandiæ promontorio, ad Jolduhlaupam Islandiæ (mihi quidem minime obviam, nisi forte urbs Colagh) triduana in austrum navigatio est. A Langanesia autem septentrionis Islandiæ, quatruidui iter est ad Svalbardium in finibus oceani versus septentrionem, diurnum vero à Kolbeins-eyya ad septentrionalia Gronlandiæ. Dies autem naturales hic intelligi monstrant antiquæ rationes hydrographicæ circa Islandiam, quam Biornus de Skardza reliquit. Totius enim Islandiæ circuitum septidui navigatione absolvi statuerunt. In singulos autem dies 24 milliaria Islandica nautica seu triginta Germ: computarunt, spatiumque universum 14 dodecadibus comprehenderunt, si per singula promontoria profectio recta institueretur. A promontorio eo0 Horn per Hiorleifshofdium, nautis Portland, inde Reykianesiam, Snæfellz-jokul, Hornstrandas, Skagam, Langanesiam, ad idem punctum Horn. Nam hæc promontoria paribus intervallis singula 24 miliaribus Island: nauticis, seu 30

Germanicis distinxerunt. Qvod si dies artificiales intellexissent, in singulos naturales 60 miliaria Germanica numerassent, qvod absurdum. Erit itaqve totius Islandiæ ambitus, miliarium Islandicorum 168. Germanicorum 210. A Snæfellznesia autem ad Hvarfum seu Herjolfnesiam Gronlandiæ mill: Island: 96. Germ: 115 $\frac{12}{8}$: Arngrimo hæc distantia visa est pugnare cum illorum traditione, qvi dimidium æqvor inter promontorium Snæfellznesiam & Herjolfnesiam emensi montes Snæfellz jokul & Hvitserkum simul conspicuos perhibent, ideoqve vocem dægr, quam alii per diem artificialem, alii naturalem intelligunt, ad priorem significationem extendit, id vero Episcopus Theodorus Thorlacius egregie explicat. Alios enim bidui interstitium, alios quadruidi exposuisse, & hos dies artificiales, illos autem naturales intellexisse, qvo concesso tota distantia 57 miliaria non excedit, quantumvis mappæ illam ultra quadraginta non extendant. Notis autem ad prologum in Landnamam à se diversus, hæc conciliari posse negat: qvod autem

autem distantiam Islandiæ ab Irlandia tri-
duana navigatione metiatur, librarii er-
rore factum existimat, cum enim secun-
dum hydrographorum calculationem 150
milliaribus Germ: distent, tantillo tem-
pore antiquitus confici non potuisse con-
jectat. Sed de veteri compendiaria via
hic non est sermo, cujus usum jam du-
dum glacies eripuit, sed ea, quam jam ne-
cessitas præscripsit. Sic enim de hac gla-
cie speculum Regale tradit, tantam nimí-
rum glaciei istius copiam, ut toto orbe
quantum cognoscimus, nullibi tanta,
pars adea plana, tanquam in ipso oceano
concreverit, quatuor aut quinque ulnas
crassa, inque tantum spatium à terra ex-
tensa, ut tribus quartuorve diebus super
eam profectio fiat, quæ tamen magis in
septentrionem, peliotemque, quam au-
strum aut africanum protenditur, ideo cur-
sus in africanum aut occidentem dirigen-
dus est, donec securitas ab ea tutò spere-
tur, deinde ad terram deflectendum. Sæ-
pius autem contigit, ut dum terra præ-
propere quæreretur, ut in hac impingere-
tur, multorum quidem exitio, tametsi

quidam evaserint. Alios enim audimus, alios vidimus, qui oriolis per superficiem, quatuorque dies, aut etiam plures tractis, tandem ad terram cum navium merciumque jactura pervenerunt.

De his uberius ex præceptis Archiepiscopi Nidarosiensis Eirici Valchendorphii.

Anno MDXII. factus est Eiricus Valchendorphius Archiepiscopus Nidarosiensis, sub Rege Johanne. Anno autem MDXXI. variis injuriis, instinctu Regis Christiani Secundi occultisque mandatis, à ministris ejus vexatus, nec de vitâ securus, dum ad eum in Daniam ad excusandas sinistras ejus de se suspiciones trajicere statuit, sæva tempestate abreptus Amstelodamum pervenit, ubi Rex quoque præsens, dedi eum sibi frustra postulavit, cum ad Pontificem Romanum provocasset; qui tandem Romam profectus, supremum diem ibi Anno 1521. teste Museo Regio, clauferat. Hic tot annos derelictam Gronlandiam repetiturus, à Rege Christiano immunitatem ad decennium expetivit

vit, nec impetravit. Dum tamen in spe erat ejus consequendæ, navem instruxit, nautasque aliquos, etiam ordinis ecclesiastici delegit eò transmittendos, quos his præceptis instruxit, ex quibus quæ ad observandum cursum extant huc inferimus, reliqua inferius exposituri. A promontorio stadis directè in occidentem navigando, pervenitur ad eminentioris Hvarfsnesiæ litora, ibi æstus, vorticosique pelagi minimum. Ad septentrionem autem undarum in montium faciem curvatarum, vorticumque se invicem contorquentium, funestum confluxum. Hac via insistens, intercedente oceani triente, ab Irlandia seu Hibernia, duobus ab Islandia dirimitur, sique hucusque in occidentem proceditur, conspicetur simul ad Borrholibicum (nordvest) mons Gronlandiæ Hvítserkus, & Borrhopeliotem (nordost) Snæfellz-Jokul Islandiæ, modo serenabit. Quod si ventus à septentrione invalescat, velis sedulo obnitendum est, ne in occidui Irlandiæ lateris periculosos fluctus navis abripiatur. Sin vero ab austro, rectus cursus, quantum fieri poterit tenendus,

obnitendum tamen, sed ne nimium defle-
ctatur, donec mons Hvitferkus in aqvi-
lonem vetgat, tunc ad terram velis con-
tendendum, excipietqve portus Eiriks-
fiordi, non procul à prædio Gardis (id quod
minus consistit, cum Gardæ in Einarstior-
do sitæ sint, idqve in ipso sinus limite)
Constituto in medio Gronlandiam inter &
Islandiam pelago, sudo cælo, simul in con-
spectum veniunt, Snæfellz-Jokull Islandiæ
& Hvitferkus Gronlandiæ: tunc pro vero
traditur, ultra triginta milliarium Islan-
dicorum nauticorum (30 vikr siofar) spa-
tium ad singulas harum terrarum non ex-
tendi, id est 37½ mill: Germ: nam duode-
cim milliaria Islandica nautica constituunt
15 mill: German: Id quod distantia inter
promontoria australis Islandiæ Reykiane-
siam, & occidentale Snæfellznesiam evin-
cit, quæ veteribus 12 mill: Island: cense-
tur, milliaria autem Islandica terrestria
etitiæ Norvegicis multo majora sunt.

Plura, de cursu ex Islandia in Gron-
landiam, ex iisdem præceptis, institu-
endo.

Ab australi finus Breidafiordi latere in occidentem navigandum erit, donec Hvítferkus appareat, deinde in libonotum, donec idem à septentrione pateat; exinde Deo duce sine periculo à glacie ad Gronlandiam convertitur, occurretque Eiriksfiordus. Ab ejusdem autem sinus latere septentrionali in Libonotum, quoad Hvítferkus in aqvilonem deflectat, tunc quoque terra ut prædictum tuto petitur, quod si glacies obveniat in austrum navigandum, non tamen usque adeo, ut nimis Islandiæ appropinquetur, nam viginti ab illa miliaribus Island: mare ingenti æstu effervesceat. Irlandia à vulturno Gronlandiam spectat (sudost) Islandia à subsolano. Hactenus Archiepiscopi de navigatione instituenda præcepta exscripsi, ingeniosive lectoris judicio cum cæteris conferenda conciliandaque reliqui.

In libro chartaceo Serenissimi Regis, qui varias historias continet, post Kroka-Refi historiam vel potius fabulam sequentia extant. Grenland var byggt af Eiriki hinum Rauda, XIV. arum adr Christnin var logtekinn a Islandi, enn þat faan

„ fyrst fa madr sem Gunnbiorn het, og
 „ vid hann er kent Gunnbiarnar sker, þat
 „ er vi vikr sioar fra Geirfuglaskeri un-
 „ dan Reykianesi, og skal figla XII. vikr
 „ sioar fyrir sunnan þat, og sva ret til Gar-
 „ da a Grenlandi, og er þat biscops stoll
 „ þar. Hoc est: Grenlandia excultra fuit
 ab Eirico Rufo annis qvatuordecim, an-
 teqvam Christiana sacra publico consensu
 in Islandia recepta sunt, illam autem pri-
 mus invenit vir nomine Gunnbiornus, a
 qvo Gunnbiarnar sker, sev Gunnbiorni sco-
 pulus, nomen accepit, distat sex milliari-
 bus nauticis à Geirfuglaskeri, e regione
 (promontorii) Reikianesiæ; inde in au-
 strum ad duodecim milliaria nautica cur-
 sus extendendus, dinde rectà Gardas
 Grenlandiæ, qvæ ibi sedes est Episco-
 palis.

CAP. X.

*Continens Episcopi Theo-
 dori Thorlacii topogra-
 phiam.*

Cre-

Crescente in Gronlandia incolarum „
 numero coloniam suam divise- „
 runt in ulteriorem & citeriorem, „
 five occidentalem & orientalem, vulgo „
 Austrbygd & Vestrbygd. In occiden- „
 tali Gronlandia hos sinus & loca nota- „
 biliora nominatim Antiquitates recen- „
 sent. Straumfiord, ad hunc finem exi- „
 stimo fuisse sedem Episcopalem Strau- „
 mnes. 2. Leirufiord cum promonto- „
 rio Esunes. 3. Svartfiord. 4. Horna- „
 fiord. 5. Lodinsfiord. 6. Kagnafiord, „
 ubi prædium Anavik, adjunctam habens „
 ædem sacram Divino cultui destinatam. „
 7. Agnafiord, ubi prædium Hof cum „
 æde sacra. 8. Andafiord. 9. Lisufiord. „
 ubi villa Saudanes paræciæ istius tem- „
 plo notabilis. Inter occidentalem & „
 orientalem Gronlandiam tesq̃vorum va- „
 sta, deserta interjecta sunt, ad quæ ma- „
 rino itinere superanda sex remigibus u- „
 nica triremi vectis, sex dierum spatio „
 opus esse tradunt; alii autem interval- „
 lum illud duodecim milliaribus Norve- „
 gicis determinant. Orientalis Gronlan- „
 dia hos habet sinus ac loca celebriora, „
 Bergt-

„ Bergthorsfiord, Steinfiord, Austbogs-
 „ fiord, Thorvaldzfiord, Dyrafiord cum
 „ isthmo ac prædio Dyranes, primæ apud
 „ Gronlandos ædis sacræ ac ecclesiæ fun-
 „ datione notabili, Eiriksfiord, qvi alias
 „ καὶ εἴκοτην sinus Gronlandiæ (Grænlandz
 „ fiordrum) appellari consuevit. In hu-
 „ jus sinus ostio duæ insulæ sitæ sunt, qua-
 „ rum exterior Heriaey, dimidia ad tem-
 „ plum Dyranesense, dimidia autem ad
 „ cathedrale pertinet. Interior autem Ei-
 „ riksey, Eirici Ruffi hibernis celebris est;
 „ ex sinistro latere ejusdem sinus tres alii,
 „ versus occasum æstivum regionem in-
 „ trant, quorum primus Kollafiordus,
 „ alter Midfiordus ubi prædium Gardanes
 „ cum templo, tertius Strandafiordus,
 „ tres isti sinus alibi communi nomine
 „ Midfirdir appellantur. Est adhuc ulte-
 „ rius in sinu Eiriksfiord celebris villa
 „ Solarfioll cum æde sacra ibidem extru-
 „ cta, cui vicina est Brattalid, villa egregia
 „ templo ornata, primum quidem Eirici
 „ Ruffi, postea autem prætoris vel Nomo-
 „ phylacis Gronlandici residentia nobilis.
 „ Ex adverso autem Brattalid à dextero
 „ sinus

sinus latere est prædium Stockanes ;
 non procul à faucibus sæpius jam repe-
 titi sinus Eiriksfiord est Ifafiordur, cum
 villa ac templo ejusdem nominis : ex
 eodem sinu alter etiam continentem in-
 greditur, cui nomen Utibliksfiordur.
 Sinui Eiriksfiord proximus est Hvalsey-
 arfiordur, ab insula ad ejusdem sinus
 ostium sita Hvalsey denominatus, ad
 hunc sinum est prædium æde sacra or-
 natum, ejusdem cum sinu nominis. In-
 ter Hvalseyarfiord & Eiriksfiord est vil-
 la Regia Holastad, & hanc contra non
 procul à continente Langey insula haut
 exigua, in octo villas rusticas distincta,
 quæ ecclesiæ cathedrali tota subest, præ-
 ter decimas, quas ecclesia Hvalseyar-
 fiordensis colligit. Sinum hunc sequi-
 tur Einarsfiordur, sinus longus & tor-
 tuosus ab utroque latere alios duos
 emittens, à sinistro nempe Hafrsfiord,
 à dextro autem Austkarfiord, ubi præ-
 dium Hofdi cum templo. Ubi termi-
 natur sinus Einarsfiord conspicua in
 primis est Episcopalis sedes Gardar, ac
 tem-

„ templum cathedrale egregiæ structuræ
 „ Divo Nicolao dedicatum. In hoc sinu
 „ hæc præter ea numerantur prædia
 „ Hardsteinaberg templo notabile, Lon-
 „ gunes vik, Dalr Hamar Förm. Integer
 „ hic sinus Ecclesiæ cathedralis Gardenfis
 „ possessio est, una cum insula Rindzey ad
 „ ejusdem sinus ostium sita, ubi saxum
 „ fossile generosissimum reperitur, cujus
 „ supra facta est mentio. In hac etiam
 „ insula est communis venatio luporum
 „ ac cervorum, sed impetrata tamen ante
 „ venia ac consensu Episcopi Einarsfiord
 „ excipit Rafnsfiordur, qui alium sinum
 „ exiguum, nempe Slettufiord ex sese
 „ emittit; ad sinum Rafnsfiord est cæno-
 „ bium S. Olalo sacrum, quod virgines
 „ religiosæ, vulgo Nonnæ inhabitant, cui
 „ totus hic sinus subest; notandum au-
 „ tem est, quod per sinum non tantum
 „ hic intelligamus illam maris partem,
 „ quæ continentem ingreditur, sed terram
 „ etiam circumjacentem, quam montes
 „ undique terminant, idque semel mo-
 „ nuisse sat esto. Inter Rafnsfiord & Ei-
 „ nars-

narsfiord, est celebre Regis Norvegiæ „
 prædium, piscina egregia in primis cla- „
 rum, Rafnsfiord sequitur Siglufiordur, „
 cum prædio ac templo Vogar, cui pro- „
 ximus est Ketilsfiordur, sinus haut exi- „
 guus, ubi duæ paræciæ, Vik & Vatzdalr, „
 præter monasterium Canoniorum Re- „
 gularium, S. Olao Regi & Divo Augu- „
 stino dicatum. Hrafnfsfiord excipit Hel- „
 liseyarfiordur ab insula adjacente Hel- „
 lis ey nomen sortitus, qvem sequitur „
 Herjolfsfiordur, ab cujus dextrum latus „
 prominet celebre illud promontorium „
 Herjolfsnes, ubi prædium ac templum „
 ejusdem nominis; hic in primis conspi- „
 cuus est famosus ille Gronlandiæ mons „
 Hvarf, qvi nautis ex Norvegia in Gron- „
 landiam navigantibus quasi meta fuisse „
 videtur. A promontorio Herjolfsnesia „
 boream versus petentibus, obviu est „
 sinus Skagafiordur, nec procul inde val- „
 lis Solvadalur, qvi Gronlandiæ cultæ „
 terminus septentrionalis fuit. Quamvis „
 autem septentrionaliora Gronlandiæ lo- „
 ca à Gronlandis olim occupata atqve „
 habitata non fuerint, habitabilia nihilo- „
 mi-

„ minus esse, quousque Norvegiæ vel sal-
 „ tem Islandiæ latitudinem non excedunt,
 „ nullus diffiteor. Hæc fuit Gronlandia
 „ habitata sive culta, cujus orientalis pars
 „ præter sedem Episcopalem & duo Mo-
 „ nasteria, paræcias habuisse duodecim
 „ cum prædiis 190. Occidentalis autem
 „ pars, paræcias quatuor & villas 110. In
 „ boreali Gronlandiæ tractu notabiles in
 „ primis sunt montes duo, admirandæ
 „ altitudinis, Blaserkur & Hvitferkur à cæ-
 „ rulea glacie, & candida nive, quibus
 „ cacumina eorum perpetuo rigent deno-
 „ minati; horum prior Blaserkur, scili-
 „ cet bidui navigatione à promontorio
 „ Islandiæ occidentalis Snæfellznes dista-
 „ re perhibetur, adeo ut nautis dimidi-
 „ um iter Gronlandicum emensis, simul
 „ cum monte Islandiæ Snæfellz jokul su-
 „ do cælo conspici possit. Inter Gron-
 „ landiæ istos montes modo memoratos
 „ sinus duo terram ingrediuntur, Beru-
 „ fiordur nimirum & fiordurinn ollum
 „ lengri, hic ob insignem longitudinem
 „ & portus commoditatem, ille ob pisca-
 „ tionem & balænarum capturam maxi-
 me

me clarus. Vastissimus iste gyrus, cu-
 jus ambitu Islandia continetur, Troll-
 botnar à gigantibus, qvi ibidem habi-
 tare existimabantur, veteribus audivit,
 glaciei istius fluitantis quasi receptacu-
 lum est, quam inde ad Gronlandiam
 meridionalem & Islandiam venti septen-
 trionales sæpenumero deferunt. Occi-
 dentale Gronlandiæ latus, veteribus in-
 cognitum, à feris qvibusdam homini-
 bus, qvos Skrælingia appellabant, coleba-
 tur, detexerunt illud annis retro aliquot
 Dani, præcipuè & Angli, qvorum iti-
 neraria in lateris istius delineatione po-
 tissimum secutus sum. De insula illa,
 quam à Gronlandia meridionali fretum
 Forbischeri discriminat, antiquitates
 nostræ nihil peculiare habent. Arngri-
 mus Jonas in sua Gronlandia Skrælingia
 land appellare videtur, ego tamen cum
 ex mappis recentioribus, non unam,
 sed duas insulas ibidem situari animad-
 vertam, eas esse existimarem insulas,
 quas Leifus, Eirici Rufi filius, ex Vin-
 landia (Americæ) rediens obvias ha-
 buit, priusquam Gronlandiam attinge-

„ ret: qva de re Arngrimi Gronlandia vi-
 „ deri poterit.

CAP. XI.

De iis, quæ in Gronlandia proveniunt.

Adjecit præceptis suis prædictus Ar-
 chiepiscopus merces, quas compara-
 ri volebat, quæ satis monstrant, quæ
 ibi animalia, vel progenerentur, vel ali-
 unde profecta capiantur, nimirum mures
 Zabellini, mastellæ alpinæ martes, sev
 mures Sarmatici, falcones albi, lince,
 lupi, vulpes, hyænæ, cetiphocæ, atque
 inter eas genus quoddam Rostungr appel-
 latum, quod Arngrimus ita describit.

„ Amphibion est, inquit, licet sæpius in
 „ profundo quam arido vivat, 12, 14 aut
 „ 15 ulnas longum vel totidem crassum,
 „ quamvis quædam etiam in hoc genere
 „ minora. Cutis pilosa est, ut vituli ma-
 „ rini, vel longo crassior, ex qua restim
 „ simplicem viri robusti 60 rumpere ne-
 „ queant, prout in scriptis relatum inve-
 nio,

nio, dentes in superiore maxilla habet „
 duos insigniores, duas quandoque ulnas „
 longos (speculum Regale non ultra se- „
 qui ulnam.) His fertur in scopulorum „
 rimas, quæ ad litus sunt, adactis, pendula „
 phoca dormire, atque etiam interdum „
 in sicco litore, aut litoris stagnantibus „
 puteolis in recessu nempe maris undis „
 recrefcentibus, aut dormiens, aut ab „
 undis destituta, piscatoribus, & incolis „
 præda fore, estque hæc bestia Gronlan- „
 diæ cum Islandis communis. Ex ipsi- „
 us cute restes olim & funes fiebant an- „
 chorarii, appellaturque lingua vernacu- „
 la, tam cutis quam funis ex cute factus, „
 Svordr. Unde Hallfredus nostras cum „
 æstu maris & tempestatis vi aliquando „
 funem anchorarium ruptum iri prævi- „
 deret „

Færum festar vorar „

ferr særok at knerri „

svord tekr heldr at herda &c. „

& svardreip inde facta, vox nota satis „
 nostris hominibus, hac Rostungeri cu- „
 te donata, nunc Islandi, Gronlandi ma- „
 gnam à Daniæ Norvægiæque Regibus „

„ gratiam inire olim soliti sunt. Hæc Arngrimus, sed notius jam animal vulgo Hollandorum, aliarumque gentium nautis præsertim Spitzbergam ad Balænarum capturam quotannis proficiscentium, quam ut descriptione egeat. De pugna ejus cum ursis niveis vetus scriptum addit, quod inter eos mira antipathia, odiumque capitale in atrox bellum utrumque concitet, non secus ac inter canes ac vulpes; pede ursus dente Rostungus rem gerit, nec congressus nisi utriusque exitio finitur. Rostungi captura periculo non caret, si à tergo invaditur, nam sentiens insidias supinum se præcipitans venatores opprimit, ipsorum exitium, mutua morte pensat, idque ob singularem dentium curam, quos sanguine aut cæno infici non patitur; notatum & bubulcum cum ligone ipsum peremisse, cum dentes luto asperferit. Hæc fide auctoris ab Arngrimo haut ut videtur persuaso omissa reticere nolui. Inter pisces, salmonem, aves, falcones albos Archiepiscopus memorat, diversarumque animalium exuvias acquiri mandat, argenti que & auri e venis terræ metal-

metallicis eruta; nec plura ex ipsius mandatis de istius modi fertilitate colligo. Speculum autem Regale, liber antea citatus præter animalia, quæ recensui, lepores quoque & capreas sylvestres addit, tanta abundantia, ut facile concludi possit, Gronlandiam terram esse continentem, neque enim tantam in insulis copiam ex paucis tantum advectis progenerari. Albos quoque ursos ibi natos, dispar à nigris genus. Illi enim per sylvas vagabundi equitium armenta quoque & pecora in remedium famis dilaniant. Isti vero glaciem amantes balenis & phocis victitant, adversus sævientis oceani minas intrepidi per undas natando, ne phocis quidem aut balenis cedunt. Sæpe oris Norvegicis, idgenus ursus, sæpius etiam Islandicis glacie advehitur, quam cum capiendis phocis scandit, sæpius evenit, ut latè in oceanum propulsus terras petere vereatur, ob grandium cetorum immanitatem, qui pariter illi atque ipse minoribus balenis infesti sunt. Tutum igitur asylum magnam illam glaciei molem reputans, non temere deserit,

abunde enim ad victum phocarum fætus enitentium multitudo, quæ supra, & piscium quæ infra, ubi fætum fundunt, à balænarum rapina securum. Cum autem glacies propius terris appropinquans eas in conspectum producit, ipse quoque eas celeri natatu petit, uti factum esse tradit Undalinus Kelvigi in Finnmarkia ante aliquot annos, cum ursus niveus illuc proVectus magnis damnis incolas affecerit, prius quam illum occiderunt. Notatur quoque quod anno MCCCXXI. id genus magnæ molis ursus Islandiæ aqvilonaria incesserit; qui octo homines occidit, omnesque minutim dilaniavit.

Manſvetorum quoque animalium, bo-um, ovium, eqvorum magnum proven-tum, Bevius in ſua deſcriptione recensuit, id quod hic liber ſuo ſuffragio probat, qui caprorum quoque greges adjicit, volatili-um inſuper magna affluentia, cignorum, anatum, varii generis falconum alborum & cineraceorum, generis optimi corvo-rum, aqvilarumque etiam coloris albi, te-ste Biorno de Skardza, qui hæc ſuo tracta-tui

tui inferuit. Nos (inquit) Islandi experimur, quod cum glacie Grolandica, huc quoque advolant falcones nivei coloris, utet corvi, tantum non ex omni parte albi, quin & nuper in universum albus conspectus est. Nidificat quoque in Strandis aquila tota alba paucos ante annos huc advecta, quam vivam quidem capere cum nequeant, occidere nolunt. Piscium balenarum phocarum ibi affatim, & harum sex genera speculum commemorat, quæ glaciem præcipue sectantur.

CAP. XII.

De generibus phocarum & cetorum ex speculo regali Islandico.

I. **G**rænselr, aliis Græselr, sex vel septem ulnas longus, albo & magno mystace, virorum senum instar.

II. Hasselr, raro terræ appropinquat, in alto degens parum minor Grænselo, albis maculis infectus, haut mansuetus.

III. Vodluselr, Fleckuselr, aut Opnuselr, qui non proni sed supini natant, vel in latera conversi, natantem glaciem sequuntur, ubi perpetua alimenti spes, in Islandiam inde deveniunt, ubi centuriatim capiuntur, eorum pulli primo albi, inde cineracei, tandem matura ætate, magnis maculis pallescunt, ad quatuor vel quinque ulnas excrescunt.

IV. Ejusdem generis aliud Blodruselr appellatur, à membrana à capite dependente, quæ telo transfixa mortem ei affert.

V. Latrselr frequens in Islandia, nam domicilium suum ubi progenerantur amant, singulisque annis colunt, quoad vivunt, variisque modis capiuntur, nimirum retibus, scopulisque aut arenis incumbentes ictibus, prudentes ut homines, & valde ad nocendum proclivi sesquiquartam aut quatuor ulnas æquant, planam glaciem habitu quando libet perforant, eamque penetrant.

VI. Ejusdem generis est Skemmingus duorum tantum cubitorum, miræ naturæ,
nam

glaciem septem ulnas crassam subire dicitur, halituque liquare, inque magnas lacunas proscindere, ubicunque libet. Latriscelr naturam ovium in multis refert peculiariter in tempore partus, ablaetatione sobolis, & mammarum similitudine. Quidam Skemmingum Sela Kong seu phocarum Regem appellant, omnium phocarum minutissimum, ulnam longum.

Cetorum genera Gronlandicum mare eadem, quæ circa Islandiam natantia piscatoribus conspicua sunt, si non etiam plura certe omnia nutrire dicitur; notata sunt id generis sequentia.

I. Hnidingar, quorum maxima copia, in ulnas viginti, cum maxime excrescunt, quidam decem tantum assequuntur, quidam plures, sine dentibus & branchiis, nec infesti, vitant piscatores, sæpe tamen capiuntur, centuriatimque litoribus appellantur.

II. Hnisa, quinque ulnas longa, & quæ septem non excedit, parvis pro corporis modo dentibus,

III. Vognuhvalir, aliis hnidingar, ulnarum duodecim, dentibus moli corporis aptis, canina forma nec rabie cedentes, nam agmine in majores balænas irruentes, eas morfibus & impetu fatigatas tandem enecant, interdum non sine magna suorum cæde & jactura.

IV. Hofrungar, octo, aut cum maxime decem cubitorum, dentati pro staturæ modo, sed perinde ut superiores, canini dentis in morem.

V. Svinhvalr, ad viginti quinque aut triginta cubitos longi, cujus pingvedinem, si ullum animal manducaverit, non tamen in succum digerit, cum singula penetret perfluatque.

VI. Andhvalr quindecim cubitorum, prioribus natura haut dissimilis, nam liquor ejus haustus, per hominis interscalmia se transfundit, Svinhvali autem singula animantia penetrat.

VII. Hrafnhvalr seu Hrafnreidr colore albo, macræ carnis, quam pingvis plus habet, branchiis etiam præditus, longitu-

tudine quatuordecim aut sedecim ulnarum, benè sapit.

VIII. Hahiringr aliis Hafhirningr & Hafhvalr sedecim vel octodecim cubitorum, tota carne lardi instar, nihil macri habet, per latera albis maculis distinctus.

IX. Hvitingar in Islandia infrequentiores inter minores balænas, decem aut paulo plus ulnarum longitudine.

X. Sildreki, aliis fiskreki, id genus liber citatus, (speculum Regale) tradit, halecum omneque genus piscium copiam ex alto ad litora propellere, cumque possit, navigiis hominibusque nocere, semper tamen magnum iis emolumentum præstat, tanquam divinitus ad id subornatus, quoad piscatores cælesti munere capiendo licitè incumbunt. Sin autem rixæ aut etiam cædes interveniant, sangvisque in mare effundatur, tanquam præscius, omne piscium agmen, quod ante ad illos adigebat, in altum abigit, oblatoque lucro, ut indigenas iterum privat. In triginta aut etiam quadraginta ulnarum longitudinem extenditur cum longissimus, pingvis est, gu-

gustuque s̄vavis, cujus tamen captura Nordmanni abstinent, intuitu commodi q̄væstusque, q̄vem iis præstat, macræ carnis. q̄vam pingvis plus habet, branchias etiam breves, q̄væ superiori palato, ut ceteris istius generis fixæ, ad sesquiulnam usque immerguntur.

XI. Burhvalr, haut majoribus dentibus, q̄vam ut ex singulis manubrium cultri, aut latrones alvei lusorii, s̄v scachidis conflari possint, navigiis ideo minus molesti, q̄vod ea fugiunt, ad q̄vadraginta & q̄vinqvaginta ulnarum lingitudinem excrescunt, ætateq̄ve matura, dentes septuaginta habent, cum Svinhvali triginta tantum polleant. Caput exterius planum, superne sinuatum, tantæ molis, ut vasa etiam ingentia immergi, iisque liq̄vor s̄v oleum exhauri, q̄veant, q̄vod q̄voq̄ve animalibus hominibusque perinde ac Svinhvali vel Nahvali gaurum noxium est & insalubre, vasto in primis narium imbre s̄v interstitio notatur.

XII. Sandlægia, q̄væ nunquam triginta ulnas excedit, nec ei nocet, q̄vod in arida

rida arena jaceat, tarde enim defatigatur, abundatqve lardo (ita liceat pingves ejus carnes appellare, quod hanc speciem potissimum referant) branchiis instructa ad manducandum quoque idonea est. Omnes, qui planum habent dorsum, macris carnibus destituuntur, longioribus quoque branchiis, quam macri isti gaudent, lingua illis magna, & saporis boni, quod omnibus branchiis præditis commune est, faciliusque pingvedo illorum, quam macrorum liquatur.

XIII. Slettbakr ulnarum viginti, nec ultra quinquaginta, tribus branchiis, interdum & quatuor gaudet.

XIV. Ejusdem generis alii, maculis multis, nævisque, ab illis distingvuntur, sexus fæmininus mammis albis conspicuus, quæ iis cum vaccis magnitudine pares.

XV. Geirhvalr quadraginta vel quinquaginta cubitorum, svavis ut Sildreki, nec macra carne destitutus, nec branchiis.

XVI. Hafrkitti miræ naturæ, nam in morem armentorum circa ventrem pingve-

gvedine, retia referente, obducitur, longissimi ad viginti ulnas producuntur, pingvès juxto ac crassi.

XVII & XVIII. Hrofsvalr & Raudkemingr, miræ feritatis aqvatilia, nam hominum cædibus non satiantur, quorum naviga per omnia maria inquirunt, ut vectores occidant, ad esum inutiles, cetera noxii, quasi creati humani generis hostes, nec tamen Hrofsvalr viginti duas, Raudkemingus quadraginta ulnas excedit, aspectu ridiculus, rubra juba ut equus. Hrofsvalr aliis stockull appellatur, quod magna levitate plerumque falsiet, supra oculos membrana, quæ interfaliendum, dum corpus per aëra librans naves destinat, decidens vero à scopo eum abripit, intestina ejus eqvinis similia, intra squamas villosus est.

XIX. Nahvalr edilis non est, nam tam hominibus quam brutis morbum, mox etiam mortem esus accelerat, viginti cubitorum prolixitate, in piscatores minime sævus, vitat eos non insectatur, pingvedo ejus in lebetes elixata disparet, dentes illi minu-

minuti, præter unum decumanum, qui ex oris superiore palato prominet, candidus erectusque, candelæ instar, totus veluti torno globatus, septem cubitos longus ita è capite directus, ut nullius ad defensionem aut conflictum usus ei sit, quin & illum tanta cura colit, attingi ne permittat. Hæc balænarum genera esui insalubria literis prodita sunt, Svinhvalr, Hrofshvalr, Raudkembangr, Andhvalr & Nahvalr.

XX. Skeliungr piscatoribus infestus, naves natatu atterit, navigantibusque se objicit, ita ut in eum navis necessario sit dirigenda, quam si potest evertit aut confringit, septuaginta aut octoginta ulnas longitudine assequitur, in usum alimentum, hominibus acceptus, quippe pingvis sine macra carne, cum branchiis ut alii planis dorso.

XXI. Nordhvalr aliis vatzhvalr, idgenus gratum hominibus pabulum, longitudinem cubitotum, octoginta, vel nonaginta crassitudine æquat, id quod funali mensura compertum est, caput trientem conficit,

pu-

purissimus piscium, cum nullis alimentis præter vapores cælestes pluviamque & caliginem victitet, nihil enim in ejus intestinis, quoties captus est, inventum est, sed alvum vacuum ostentabat, oris aperiendi exigua ei facultas, nam branchiæ per medias fauces explicantur, idque illi sæpius exitio fuit, cum occludere apertum nequiverit. Navibus haut inimicus, dentibus caret, branchiis ad tredecim ulnas, cum ad maturam ætatem pervenerit, extendit, sine macra carne sicut omnes, qui lato dorso à cæteris disparantur, quandam habet Slettbako similem, quam omne cetorum genus planam geret.

XXII. Hafreidr balæna ulnarum sexaginta aut paulo plus, parvum cornu gerit, esu gratissima, Sildreko aut Geirreido comparanda.

XXIII. Reidr, usitatissime Steipireidr, qui dulcedine omnes superat, mitis, nec navibus metuendus, qui à Nordmannis maximus captus est, centum & triginta cubitos æqvavit, valde pingvis, branchiis gaudet, sed dentibus caret, ipsius sperma
fi

si caperetur, panacæa quædam esset contra omnes morbos, oculorum capitisque dolores, tremorem artuum, lepram plurimosque alios vitiosi corporis affectus, aliorum quoque cetorum spermata, magnum in medendo usum habent, huic tamen non comparem. Jamque plurima cetorum genera in Islandia nota exposita sunt.

CAP. XIII.

De monstis marinis, & absurda speculi Regalis narratione.

Hafftrambus & Margya, ille mole ingens statura erectiore è mari emittens in humanam formam effigiat, caput, collum, oculos, nasum, mentum, singula in illam corporis similitudinem repræsentat, supra oculos veluti galea in conum acuminata, manibus quidem & humeris caret, horum tamen suprema in utroque latere refert, inde per inferiora tenuatur extrema usque, nec constat an

G

in

in caudam longam pyramidalem an obtusam breviorē definat, nec squamis an nuda cute obducatur, tantum glacialis apparet, nec unquam sine subsecuta fæda tempestate ab ea regione, cui faciem obverterat, aut se subducens immerſerat. Adverſoꝛ ad navem corpore, omnibus excidium, averſo, procelloſum quidem mare, nec tamen ineluctabile portendere ſolitus. Illa figura muliebri zonam uſque facie ingenti & formidabili, acuta fronte, rugoſis genis, magno ore, latis oculis, proluxa coma, magnas pectore mammas, quæ ſceminam arguant, gerens, longis brachiis, digitis invicem in morem avium palmipedum convinctis, circa caput collumque hominem, infra zonam piſcem, ſquamis cauda pinnisqve referens, ſæpius ſe aquis immergens piſcem maribus tenens emerſerat, raro & hæc viſa, niſi calamitoſi cœli prænuncia. Et hæc inter aquatilia monſtroſa, tritones fi-
renesqve nec alibi ignota memorantur.

Reſtat unum quod auctôr exponere horret, nec immerito, neminem enim puto illud ita obſervaffe, ut naturam ejus
aſſe-

assequi possit, & non potuisse ipsa hæc re-
 latio satis docet, ita enim describit, ut cui-
 vis pateat describi nunquam posse, mihi fas
 hæc ut cætera ejus verbis exponere. Haf-
 gusa, inquit, cetus unus, quem exponere
 extimesco, mansuetus quidem, nec terris
 propinquus, neque piscatoribus, nec id-
 genus piscium putem se in mari multi-
 plicare, nec longitudinem ejus ulnarum
 mensuram rite explicavere, nam quibus
 visus est, terræ quam pisci similior appa-
 ruit, neque unquam captus aut ad litora
 appulsus memoratur, nec videtur præter
 unam aut duos in singulis magni oceani
 pelagis existere, nec commistione propa-
 gari, cum solitudinem ament, nec reli-
 qui pisces consisterent, si in aliorum ce-
 torum morem propagarentur, propter
 corporum pastusque immanitatem. Qvi-
 dam eum Lingbak appellant, quod ericia
 muscoque velut confusus appareat. Cum
 autem esurit, ingenti ructatione suavissi-
 mum odorem spargit, quo perfusa totius
 oceani vicinia, quicquid balænarum pisci-
 umque in Neptuniano isto agro pascitur,
 ad tantas delicias agminatim allicit, ri-
 ctumque

etumque hiantis monstri in magni sinus latitudinem expansum ingreditur, donec immensæ voracitatis ventre repleto ipse satur, occluso rostro, ingestam tantæ molis saburram condit, quam toto deinde anno digerit, neque enim sæpius quam semel quotannis cibari dicitur. Literis quoque proditum est, quod Episcopus Sanctus Brandanus, supra hunc piscem sacra missæ in honorem Dei celebraverit, quibus finitis piscem se mari immerfisse, coquum autem nautarum ejus ollam coquinariam reliquisse, quam dum repetiturus adremigasset, piscem se sub undis condidisse. Atque hoc, prodigioso epilogo narrationem de cetorum generibus auctor concludit, Brandanus ille Scotus fuit, tractaque hæc fabula videtur ex insula de ejus nomine appellata, quæ opinione nautarum Lusitanorum centum miliaribus à Canariis insulis versus occidentem jacet, aliquando conspicua, sæpius tamen inconspicua, de quo videri poterit Hofmanni Lexicon voce S. Brandani insula.

Sed nec maris Gronlandici indoles minus monstri habet: nam veluti universa
pro-

procellosa oceani cælique vis, singularum-
que undarum, per aquarum comitia; late
dispersum agmen, tanquam è composito
trifariam se colligens, in tres immanes
cumulos montibus celsiores coit, gyris-
que continuis, vastissimisque mæandris
nullibi intersectis, totius spatiosissimi æ-
quoris pomeria ambit, & velut perpetuis
septis inclusa, præruptarum cautium spe-
cie cingit & obsidet, Hafgirdinga appel-
lant, paucissimaque exempla eorum,
qui inde evaserint, extant, dari tamen, qui
singulari divina clementia eluctati fuerint,
ipsa descriptio ab illis excepta fidem facit,
licet forte in majus aliquantum, ut fieri
assolet, aucta & latius exportata.

CAP. XIV.

De constitutione cæli.

Citatus auctor tradit pacatiorem mul-
to in Gronlandia quam Islandia aut
Norvegia aeris statum, constantio-
remque, nec frigus ibi pariter sævum,
solis luce eam crebrius coillustrari, inter-

dum tamen immane frigus, violentiores-
que quam ullibi tempestates grassari, sed
nec diuturnas, nec nisi post longi tempo-
ris interstitia, nec unquam tantas, ut fe-
ras exaniment aut eliminant; id quod
de cultis intelligendum, quæ tamen pro
climatum diversitate multum variare
videtur: verum Gronlandiæ vicini-
tas Islandiæ plurimum nocet, nam ex
montibus illius perpetua glacie tectis,
immodici venti vis niveæque procellæ de-
missæ eam maxime affligunt. Notat &
auctor meteoron illud, quod Nordriios
appellatur, tanquam Gronlandiæ peculi-
arē, quod tamen Islandiæ extremisque
Norvegiæ cum illa commune est. Imo
& hic in nostra Kormte sub lat: gradu 59
sæpius conspicuum; sed quod magis ibi
regiones cœli inflammare videatur, qua-
si ab illa origine alio diffusum, dum illam
depingeret, illud quoque descripsit. In
modum diffusissimæ flammæ procul ar-
dentis septentrionalia cœli corripit, in-
que editissimi longissimique aggeris for-
mam panditur, mox tanquam multæ or-
gani pnevmatici fistulæ seu calami juxta
se

se invicem ordine collocati in ictu oculi
 sursum deorsumque feruntur, se momen-
 to nunc ad superiora attollit, nunc ad
 inferiora deprimit, ut celeritatem ejus
 nemo, qvi non perspexerat, cogitatione
 assequi possit, intermenstrui tempore, &
 cum luna principiis extremisque mensi-
 um in cornua curvatur, obscuris nocti-
 bus, tanto splendore coruscat, ut foris &
 intra ædes, ubi per fenestras radios vibrat,
 non minus quam luna impleto orbe mi-
 cet; Illa autem plena languidius lucet,
 cumque fulgidissima luce tripudiantis spe-
 cie arctoi cœli climata persultat, protinus
 in tenebras fumidosque vapores dissolvi-
 tur, rursusque alia loca, ubi prius extin-
 ctum visum est, accenditur, parique sem-
 per velocitate & nitore circumagitur; die
 redeunte disparet. In eo autem Petrus
 Claudii hallucinatus est, qvod eousque
 ad superiora attolli negavit, ut ultra
 Gronlandiam Islandiam & extrema Nor-
 vegiæ conspiciatur, ut modo monstratum
 est. Hoc addam, qvod his oculis in Islan-
 dia conspexi, nimirum non semper me-
 teorôn hoc in modum choreas ducentis.

ſpectaculum præbere, ſed continuo fulgore, ſibi tamen interdum inimicum ſe invicem magno terribiliqve impetu collidere; parvulus eram, ſed memini, viros quoqve ad trucem illius aſpectum obſtupiſſe.

CAP. XV.

De Gronlandorum victu.

Quamvis opulentiores experturi, an fruges ibi provenerint, ſemina arvis immiſerint, parce tamen ſegetem produxerunt, gelu frigoreqve obſtante, plebs autem, neqve panem novit, nec fruges viderat (id quod ex hiſtoria reſellitur) paſcuis autem admodum læta fertilisqve terra traditur, profertqve corpora magna pingviaqve armentorum & pecorum, boves, vaccas, oves & capras; hinc butyri, caſei, lactariorumqve largus proventus, præter ferarum terreſtria & marina prius commemorata. Sylyas autem Gronlandiam producere ex Bevii relatione cap: VII. expoſita manifeſtum eſt, ubi
in

in Ranseya publicam in fylvis urforum
niveorum venationem commemorabat.
Meminit & venationis & saltus magni in
prædio Dalo, & in fine (quod Petrus Clau-
dii aliique habent, nos vero ibi omisimus)
celsis in montibus, & profundis vallibus
provenire glandes magnitudine pomorum
esui jucundas, id vero, quo Bevvii relationem
claudit, nimirum quod triticum par opti-
mis illic nascatur, quandam contradic-
tionem involvere videtur, quam Scriptor Ger-
manus cap. VII. quoque agnoscit & diluit,
ex diversorum climatum, quibus Gronlan-
dia subjicitur, distantia, ut sterilitas terræ
extremis boreæ fertilitas australibus com-
petat, qualis etiam diversitas in Svecia &
Norvegia observatur, ubi par cum Gron-
landia latitudo, nec ipse auctor, quæ de
gemina in Norvegia messe hic tradidit de
suo finxerat, nam assertorem habet, si
non sine dubitatione, Verelium, qui no-
tis ad historiæ Gotrici & Rolfi cap. I. pag.
17. ita scribit. Sed nunquid bis in an- „
no messem in Scandia fieri ais? non „
ajo, illud dico, quod fatum est intra duos „

„ menses in tractu borealiori matureſce-
 „ re, & in horreum convehi; itaqve cum
 „ ſeſtrem hic diem ſcirent, (agit de
 „ ſcriptoribus antiquis, Plinio, Martiano,
 „ Capello, Diodoro Siculo) & tantillum
 „ tempus inter ſationem & maturitatem
 „ deprehenderint exteri, meſſem quoque
 „ bis in anno fieri poſſe non abſurde col-
 „ ligebant, quamvis id uſu non veniret.
 „ Certe id Episcopuſ Nidarofiſis Ar-
 „ nolduſ de Fine, qui ad ſollicitatum à
 „ Verelio eundem Diodori ſiculi locum
 „ hæc commentatur. Aio, inquit, ſi ve-
 „ ra eſt veterum fama olim geminam in
 „ fertiliffimo Voſſiæ, & Sogniæ Bergen-
 „ ſis tractu floruiſſe meſſem aſſeveranti-
 „ um, & vidi ipſe aliquoties prata tribus
 „ aut ad minimum duobuſ fœniſeciis in
 „ fertili Bergarum ſolo quotannis gaviſa.
 „ His argumentis inductuſ laudatuſ Scri-
 „ ptor credit australia Gronlandiæ ſub
 „ eodem, quo Uplandæ Sveciæ, gradu,
 „ frugum quoque feracia eſſe, que ſe-
 „ ptentrionalia plane deſtituuntur.

CAP. XVI.

*De iis quæ vel Gronlandi
gesserunt, vel alii in eo-
rum terra perpetrarunt,
peculiariter autem primo
fabula de Helga Bardi
filia.*

Expositis, quæ ad originem cultæ
Gronlandiæ, situm, proventumque
pertinent, narrationis ordo nos ad
ea, quæ ibidem vel à civibus vel peregrini-
nis gesta sunt, rectâ ducit. Ea vero in
quantum literis consignata sunt, ut nu-
mero admodum pauca, ita ipsa tenuia
sunt, si religionis reformationem, & quæ
eo referuntur, utet Vinlandiæ inventio-
nem excipias, in cæteris quædam quo-
que non fabulosa, sed meræ chimæræ: in
singulis exponendis temporum ductum
sequar.

Agmen ducit Helga, Bardi, Dumbi
Regis filii, alias Snæfellzas, seu nivosi
mon-

montis Deastri, filia, quæ anno DCCC-
LXXXVII septidui spatio ex Islandiæ
promontorio Snæfellznesia glacie Gron-
landiam provecta, perhibetur; quam
narrationem Arngrimus exponit, & tan-
quam veritati litantem propugnat, nos
autem ut absonam in libro, quæ Series
Regum Daniæ inscribitur cap: III. explo-
simus. Res à limine repetita talis est.
Pater ejus Bardus, natus Dumbo, maris
Dumbici eponymo, adjacentisque distri-
ctus Rege, matre Miolle, Snæris Kvenniæ
Regis filiâ; è paterna domo rapta perhi-
betur, idque decimo tertio anno (non ut
in Serie Regum Daniæ calculum perperam
subduxi octodecimo) ante natum pri-
mum Norvegiæ Monarcham Haraldum
Pulchrichomum (quem anno DCCCLIII.
aut anno sequente in lucem editum in
Historia Norvegica ostendimus) ætæ
Christianæ DCCC XL. vel qui proxime
sequitur. Decimo ætatis ejus anno Chri-
sti DCCCL- Dofrio monticulæ (à quo
Alpes Dofrinos denominatos communi-
scuntur) à Patre educandus traditur;
triennio post, ætatis decimo tertio, fi-
liam

liam ejus Flaumgerdem, matrimonio fibi junxit anno Christi DCCCLIII.; exinde quinquennium apud socerum remansit, ibique hanc virginem, de qua nobis sermo, progenuit. Anno autem DCCCLVIII. inde in Halogiam migravit, fixitque sedem domicilii in sinu Skialftio. Ubi cum annum exegisset, uxore Flaumgerde orbatus est, anno DCCCLIX. cum tres ex ea filias suscepisset, quarum veterrima hæc ipse Helga erat, & per consequens in domo Dofrii nata ante annum DCCCLVIII. Brevis postea Haraldus Pulchrichomus puer quinquennis, patriis Penatibus pulsus, in nutritum Dofrii receptus traditur, elapsoque quinquennio patri in regnum successisse anno DCCCLXIII. vel sequenti. Duodecim deinde annis Monarchiam molitus, obfistentes vel expugnavit vel regno excedere compulit, ita ut exacto biennio Ingolfus, quam sexto regni ejus anno inipererat, Islandiam primus omnium incolere cæperit, anno secundum nostrum calculum DCCCLXXVII. vel sequenti, cuius

jus exemplum magna principum proce-
rumque regni pars secuta, cum deditio-
nem facere nollent, subjectam sibi ple-
bem, eo secum abripuerunt. In his Bardus
fuisse perhibetur, qui postquam patrem
à gigantibus cæsum, auxilio fratris ute-
rini ultus esset, eò unà cum illo pluribus-
que aliis migravit; quo vero anno id fa-
ctum sit, notatum non est. Frater ille Bar-
di uterinus, cujus memini, Thorkell di-
ctus est, cognomento Raudfeldus, patre
Raudo, qui gigantis Svadii de Dofrii fi-
lius erat, cui mater Mioll denupsit, post
cædem Dumbi, quem gigas alter nomi-
ne Hardverkus decem & septem sui simi-
libus succinctus solum securumque aca-
tio vectum oppressit (non tamen inultum,
duodecim enim eorum antequam oc-
cumberet occidit) regnumque ejus sibi
subjecit. Interim Thorkell adolevit, quo-
ad mater quoque in fata concessit. Tum
ille in Halogiam ad fratrem Bardum con-
cessit, qui tunc ex alia uxore, nomine
Herthrude, Hrolfi divitis filia, sex filias
progeneravit, ibique apud eum habitavit,
ducta

ducta uxore Eygerde Ulfi Halogenfis
filia. Inde fimul profecti, transmiſſo ma-
ri Dumbico, Hardvirkum cum triginta
gigantibus incendio peremerunt. Cum
ibi intutum eſſet, in Halogiam redierunt,
ibique permanſerunt, quoad Haraldus
Pulchricomus Norvegiam ſibi ſubegerat;
quo perfectio, cum omnes ad tributa adi-
geret, ad vim ejus evitandam in Islandi-
am migrarunt; cumque ſuum quisque
prædium, nec procul diſſita inſideret, in-
ter liberos eorum, puerilia exercitia lu-
diſque ad fluvium nomine Barna (tenello-
rum flumen) inſtituti ſunt, ubi Bardi fi-
liæ cum filiis Thorkelis colludere ſole-
bant. Accidit autem glacie litori appul-
ſa, cum contentioſius circa oram mariti-
mam luderent, nec fratres patrueles ſoro-
ribus, nec illæ iſtis cederent, ut incale-
ſcentibus animis, Raudfeldus Thorkelis
filius, Helgam, in concreti æqvoris par-
ticulam ſeu tabulam protruderet, quæ,
vento concitante, litore propulſa ſeptimo
eam die in Gronlandiam travexit, cum
Eiricus Rufus annum eam incoluiſſet,
quod certe de coloniis eò deductis intel-
ligen-

ligendum, ex iis, quæ sequuntur, apparet. Mira res visa est, sed relationem familiæ, quam professa erat, nobilitas firmavit, Eirico haut ignota, cum minoribus ejus annis Bardus in Islandiam deveniret. Hyemabat eo tempore apud Eiricum, vir inter Islandorum primates haut postremus, Skeggius de Midfiordo mercator celebris: Is eam (erat namque speciosissima) in suum contubernium accepit, hyemamque cum ea consuevit, quo tempore monstrosi gigantes (troll) maritus & uxor, & eorum filius incolas Eiriksfiordi infestabant, magnaque damna intulerunt, homines navesque luxando, ad quos amoliendos accinctus Skeggius, rem periculofam feliciter, ope tamen Helgæ, expedit, quæ eum tantum non è faucibus orci eripuit. Extat carmen, nec ab Arngrimo omiffum, quod in Gronlandia hunc in modum fecisse traditur, cum patriam animo recolligeret,

Sæl væra ek
 ef fía næði
 Burfell bala
 bada londranga

Adol-

Adalþegns hola
Oc ondvert nes
heidar kollu
og hreggnasa
Dritvikar mol
fyrir dyrum foftru

Qvæ Arngrimus ita explicat. Felicem me fi patriam videre, & domesticos Lares revifere contingat, promontorii enim lingula, ubi pater Helgæ habitabat, dicitur aundrt nes, fimul etiam vicinæ nomina propria rhythmus continet. Proxima æftate Skeggjus (nam in Norvegiæ am ut Arngrimó, ita ut huic Scriptori) in Islandiam rediit, Helgamque fecum domum revexit, ibique detinuit, non autem duxit, cum uxorem legitimam haberet, qvam pater deinde repetivit & abduxit, id qvòd ei ingentem follicitudinem incuffit: paternæque domus pertæfa, hofpitia commerciaque hominum diuturna vitavit, inculta folitudinesque pevagata. Interea unam hyemem, in celebri australis Islandiæ villa, Hiallio tranfigebat, nomine genereque diffimulato, ubi cum in extremo cubilis lecto,

H

info-

inſomnium noctium tædium citharæ pulſu plerumqve levaret, qvidam alienigena, nomine Rafnus, qvænam eſſet exploraturus, propius acceſſit, eam vero ſerica interula velatam ſedentemqve deprehendit, qvi ut formæ lenocinio captus, lectum qvoqve conſcendere nitebatur, vi repulſus, brachio coſtaqve conſracta diſceſſit, nec illa ibi exinde diutius morata, patriam, aliam ſemper perſonam mentita, late peragravit, interim ſolitudinem ſuam hujusmodi rhythmo qvandoqve deploravit.

Braut mun ec bradla leita
breſtr ei ſtrid i fleſtu
mer tyrir meniaryri
mun ec dagliga kalaz
þvi ec auðspenni unnac
alteitum ſeta heitum
ſorg ma fiſt þvi byrgia
ſit ec ein trega greinum

His addit Arngrimus. „ Skeggii ne-
„ potem ex filia Geſterum nomine, vi-
„ rum ob res geſtas perqvam celebrem,
„ ad annum ætatis ſeptimum enutrivit,
Id

Id quod de fœminâ hac paulo prolixius recitandum fuit ob circumstantias non paucas, rei veritatem asserentes. Plures tamen supersunt, quæ hanc narrationem fortius propugnare videntur, quas in gratiam eorum, qui historiam hic quam fabulam agnoscere malunt, adscribere non pigebit loco minime alieno, cum de Gronlandia, & iis, quæ ibi gesta sunt, & inter ea tam prodigioso casu, agatur; prius tamen horum cohærentiâ expendenda erit. Helgam in domo monticolæ Dofrii natam auctor indicat, annum enim tantum mater ejus vixit, postquam inde discesserat, relictis tribus filiabus, quarum hæc natu maxima. Ante igitur annum DCCCLVIII nata erat, virgo erat, & admodum adolescens, cum pueriles ludos, cum patruelibus (quorum alter undecim, alter duodecim annos nati erant) exerceret; fluvius quoque indicio est, Barnaa, quasi synepheborum amnis. Aut itaque Gronlandia ad quam translata est, prius culta erat, aut hæc falsissima; quòque pauciores annos ei damus, tantò magis epocham in-

ventæ excultæque Gronlandiæ exaltamus, quò plures, relationem de ludis puerilibus infringimus. Inspiciendum igitur, quo annorum circulo Bardus in Islandiam migrare poterat. Anno DCCC-LVIII. in Halogiam pervenit, anno sequente uxorem amisit. An pater ejus cæsus fuerit, postquam illuc pervenit, an cum in Alpibus Dofrinis vixit, non liquet; certe post annum DCCCL. cum ad Dofrium eum transtulisset, cæsus est, materque Bardi iterum nupserat, deinde filius, ex illo conjugio natus, uxorem duxerat, tandemque Bardo socius patrem ultus est, inque Halogiam iterum rediit, ibique remansit, donec simul cum Bardo in Islandiam trajecit, singula annis XXVII. perfici possint; ad annum usque seculi LXXVII. vel sequentem, cum Ingolfus eam primus incolere cepit, qui annus erit XIX ætatis Helgæ, aut etiam vicesimus. Bardum autem posterius eo concessisse necesse est. Verum quo serius id contigisse statuimus, eo magis ætas Helgæ non pueritiam sed adolescentiam transcendit, imo ultra usitatæ senectæ

etæ terminum, si Eirico Rufo juvene ut ipse confessus perhibetur. Anno enim CMLXIV. in aula Comitis Haconis de Hladis, cum Thorgilse Orrabeini privigno, amicitiam junxisse, Floanorum historia ad calculum redacta monstrat, ætatis Bardi CXXIV. Helgæ CIV. & hoc tamen ante cultam Gronlandiam: de cujus initiis si vel maxime ambigeretur, tamen omnem dubitationem unus Arius Polyhistor satis adimit, qui testimonio viri, qui Eiricum Rufum, colonias eo traducentem secutus est, relationem suam stabilit, ab avo suo communicatam. Atque his satis evincitur, quicquid de Helga traditur, meram esse fabulam, nihilque momenti habere, notas quoque locorum, quæ carmine continentur, Helgæ, dum in Gronlandia constituta esset, pariter affectas, cætera inspiciemus. Laudata historia cap: VI. ingentes animi motus Bardi ob orbitatem filiae hunc in modum describit. Bardus, inquit, cognito filiae fato, æstuans ira, ad filios fratris Raudfeldum & Solvium, quorum alter undecim annorum, alter duodecim fuerat,

rat, properans, singulis manibus singulos correptos in montem deportavit, Raudfeldumque in cavernam, quæ ex inde Raudfellzgia appellatur, præcipitem dedit, Solvium autem è præcipitio quodam, quod ab illo Solvahamar nomen in posterum obtinet. His peractis domum rediit, cæsosque à se filios fratris professus est; quod ut frater Thorkell cognovit, Bardum persecutus, cum in via offendisset, contensiosissime cum illo colluctabatur, sed viribus inferior, fracto crure succubuit. Claudicans inde domum Arnarstapam cum pervenisset, obligato crure, cognomen Bundinfotr inde contraxit, quod obligatus pes redditur. Mutatis deinde domiciliis, in australis quadrantis provinciam Rangarvallas, ad Hængum, qui totam primus occupaverat, migravit, & ex ejus consilio, tractum circa montem Thrihyrningum occupavit, interque primos cultores numeratur, ejusque progenies exponitur, cum libro originum Islandiæ Landnama & Niala consentiens. Verum de his, ut & de Bardo, altum utroque silentium.

Sed

Sed nec vindicta luctuosam filiae memoriam delivit, humani confortii pertæsus, agros possessionesque inter amicos divisit, & Sigmundo Ketilis Thistilis filio, qui Bardum in Islandiam secutus traditur, primum prædium, quod ipse occuparat, & primus insedit Laugarbreckam (quod origines pariter silent, sed Sigmundum primum occupasse tradunt, majori verisimilitudine, cum pater ejus finum Thistilfiordum in boreali quadrante prius occupaverit, quam quod Bardum ex Norvegia secutus fuerit) Thorkeli Skinnvefiæ propinquo suo, villam Oxnarkeldam. Ipse quo concesserit pro certo non definitur, tantum existimatum est, quod edita montis ascendens, vastum ibi antrum ingressus deinceps incoluerit, quod & ad vitæ genus indolemque ejus aptissimum visum sit, utpote qui id à majoribus acceperat, & consuetudine in domo foceri Dofrii sibi familiare fecerat, ipse robore Trollis haut ulla ex parte inferior. Inde invaluit, ut votis quoque ad necessitates vicinorum sublevandas invocaretur, Snæfellzas index nivei montis Deus appel-

pellatus, nec cultores suos in posterum frustratus, fidem conceptæ de se opinioni, latis in periculis auxiliis, præsensque sæpius visus conciliavit, cujus exempla quædam adducuntur, quæ huc inferre non attinet, nihil enim divinitatis habent, & si quid in iis hominum vires superat, supra tamen malorum geniorum haut attollitur. Quin & singula conficta esse, vel levi examine convincetur, itaque ut indigna prætereo, contentus memorasse. Id quod plurimi momenti ad auctoritatem narrationis stabiliendam habet, quo etiam refero locorum nomina à Bardo ejusque comitibus, cum primum insulam ascenderunt, assignata, eorumque occasiones. Sunt autem hæc. Cum primum navis ad litus appulit, eam in exiguum sinum induxerunt, ipsi cavernæ montanæ imminentem rupem subeuntes sacrificia perpetrabant: manet deinde loco nomen Trolakirkia, id est Trollorum fanum, nave deinde ad angulum sinus deducta, alvum dejecerunt, quem ab aggestis excrementis Dritvik nuncupabant; postea cum propinqua conjunctim lustrarent, serva Bar-

Bardi nomine Kneif, promontorium quoddam dono ab eo impetravit, Kneifarnes exinde dictum, ibi capax quoddam antrum ingressi confilia conferebant, quod Saunghellir, quasi canticorum antrum nominabant. Ad parvum deinde stagnum accedens Bardus corpus abluit, quod inde nomen obtinuit, Bardarlaug, quasi Bardi lavacrum, nec procul inde domum statuit, appellavitque Laugarbreckam, id lavacri crepido vertitur. Ingialdus Alfarini filius Vali nepos inter comites Bardi ipso consulente prædium Ingialdzholem sibi asseruit. Groa, uxor viri, inter nautas Bardi, nomine Skialdi, maritum fastidians, antrum eruit, & quoad ille vixit sola incoluit, de nomine illius Grouhellir postea dictum; post fata illius, disponente Bardo, nupsit agnato ejus Thorkei cognomento Skinnvefiæ, qui natus ad boreale maris Dumbici latus, panni defectu, corio phocarum involutus id cognomen contraxit. Ancilla Bardi Skinnbrok Skinnbrokarlækum inhabitavit. Inter nautas Bardi unus, nomine Svalus,

H 5

uxo-

uxorem habuit Tufam, quorum uterque in Trollorum naturam degenerantes, nemine animadvertente se subduxerunt, inque propinquo monte occuluerunt, ad furta deinde conversi, à Bardo vix ac ne vix quidem opprimuntur, Svalamol inde à Svalo, Thufubiorg à Thufa nomina consecuta, hodieque retinent. Bardus Heyangrsbiorni filius, Bardi hujus socius, altera nave una cum hoc nostro, socia navigatione Islandiam cum peteret, occidentalia insulæ prævectus, in sinum septentrionis quadrantis Skialfandafliotz os devenit vicinamque vallem universam sibi vindicavit; postea observato ex constitutione cæli australia insulæ septentrionalibus fertiliora, eo migravit, totamque Fliotzhlidam occupavit. His inqvies, si fides narrationi adstruitur, actum est de reliquorum, non Islandiæ modo, sed omnium pene gentium, ab hoc argumento deducta monumentorum auctoritate; his enim inter fundamenta præcipua historiarum Norvegicarum Islandarumque conditores usos Seriei Regum Daniæ Lib: I. cap.

cap. VI. ipse confessus sum ; fateor , nisi fide dignos Scriptores reclamaret , isti nimirum qui origines Islandiæ concinnarunt , ut dicti libri cap. III. monstratum est. De fratre Bardi Thorkele Bundinfo to dictum est. Par erit judicium de Bar do Biorni Heiangrensis filio , de quo Land nama in qvadrante septentrionali cap: XVIII. & XX. pag. 119 & 124, Sigmun do Ketilis Thistilis filio , cui Laugarbre ckam, villam, qvam incoluit, suarum præ cipuam donasse traditur. Landnama in occidentali qvadra cap. XVII. pag. 37. Ingialdo Ingialdzholi, vel potius Ingialdz hvolis eponymo, de quo Landnama ejus dem qvadræ cap. VI. pag. 36. & cap. VIII. pag. 40. ubi singulorum domicilia occu pationesqve describit, sine ulla hujus Bar di mentione, & Sigmundi qvidem pater, & Ingialdi avus Islandiam prius occupa runt, & hic qvidem destriectus describitur magnam partem, ut Bardi consilio ad se dem figendam Ingialdus minime indige ret. Cap. quoqve VII. pag. 37. aliam ori ginem innuit, de Solvahamare, qvam hic refertur, nimirum Solvium qvendam oc cupasse

cupasse Hellishraun; villamque Brenning prius incoluisse, postea mutatis sedibus ad Solvahamarem migrasse, à quo nomen quoque villam deinde sortitam esse facilius conjicitur. Hæc si viri docti & sagaces, qui Landnamam seu librum Originum Islandiæ conscripserunt, scivissent, nullo modo omittere potuissent, cum id professioni eorum repugnaret, unde facile patet. Bardi vitam, aut eorum tempore non extitisse, aut apud illos nullam fidem meruisse. De Arngrimi judicio postquam Crymogæam scripserat, specimen ejus satis testatur; ubi omnia quæ de Bardo illic tradidit, hic occupationes ex professio describendas suscepisset, omisit. Sed quid cantica cum consiliis, ut canticorum antrum à consultando dictum fuerit? *Qvis* Trollakerkiu nomen excogitavit? nec enim Græca illa vox templis tum, certe ante introductam in Islandiam Christianam fidem, applicata est, nec in paganismo ibi nota. Reliqua nomina prædiorum non sunt, ideoque in Originibus haut notata, sed nec ea quidem omnia, longum enim fuisset, & ab instituto alienum
 singu-

singula persequi, dubium tamen non est sine aliqua causa non invaluisse, id quod fabulator hic in suum usum convertere novit, nam & ex his narrationem contexit, inseruitque celebres alias viros, quorum in historiis & originibus mentio fit, indeque depromsit, quæ de iis referuntur. Quibus exceptis, reliqua omnia de suo finxit, quo imaginarium suum Bardum celebratiorem faceret: Verum proletario huic scriptori illud cum aliis ejusdem furfuris commune est, ut cum plurima comminiscatur, nihil tamen minus sciat quam mentiri, Bardi enim patrem Dumbum facit, maris Dumbici eponymum, quod Rumoldum Mercatorem in sua Evropæ mappa, Dombshaf posuisse, Arngrimus Crymogææ lib. II. m. p. 114. testatur. Verum id maris nomen his temporibus longe antiquius fuisse, inde patet, quod ejus mentio, ut triti & omnibus noti fiat, iisdem temporibus, cum Bardus vixerat, ut in Serie Regum Daniæ à nobis monstratum est. Matrem quoque Bardi Snæris antiqui Kvenia Regis filiam con-

constituit, qui cæteroquin Noris, à quo Norvegiæ nomen, avus habetur, quæ toto ut ajunt cælo distant. Quid memorem Gestum, quem Bardus, aliena persona assumpta, vicem redditurus ex Thor-dise Skeggii filia stupro suscepisse traditur, at liber originum pag: 82. in recensu filiarum ejus, nullam ejus mentionem facit, cum filios tamen progeniemque exponat. Nec Gesti in ullis fide dignis historiis memoria unquam recurrit, certo fabulæ indicio; nec quicquam quod hic de eo traditur fidem meretur, & quomodo Helga eum enutrire poterat, sine Lare & certo loco, semper vagabunda, nisi stipem cum illo ostiatim petivisset, & qualis ille tantis natalibus orti nutritus? Tota itineris ejus series in inculta Gronlandiæ, Hellulandiam usque confecta, indigna est, ut huc inferatur, itaque satis prolixè hanc fabulam refutavimus.

CAP. XVII.

*De Leifo Eirici Ruffi filio,
introducæque per eum in
Gronlandiam fide Chri-
ftiana.*

Anno æræ Chriftianæ CMXCIX.
Olafo Tryggvino rerum in Norve-
gia potente, magnisque & planè
admirandis fucceffibus Chriftianam reli-
gionem in regno fuo, fubjectisque pro-
vinciis promulgante, Leifus Eirici Ruffi
filius, eodem autumno, cum Rex per Ha-
logiam idem negotium feliciter promo-
veret, in Norvegiam pervenit. Redeun-
te autem Rege, cum fociis nauticis arces-
fitus, ad cultum idololatricum abdican-
dum, novorumque facrorum profef-
fionem invitatur, & poft cognita utriusque
partis argumenta, afflatu Divinæ gratiæ,
rationumque evidentia convictus facile
perfvaditur, folenni que ritu facra lympha
abluitur, anno decimo quarto, aut deci-
mo quinto, poftquam pater ejus Gronlan-
diam

diam incolere cæpit, teste Ario Polyhistore in descriptione Islandiæ, cui avus ejus Thorkell Gelleris filius idem retulit, ex relatione rivis Gronlandiæ illius, qvi Eiricum tunc ex Islandia secutus erat, sibi in Gronlandia facta, id qvòd omnem dubitationem eximit. Æstare autem proxime secuta, eum cum presbytero, aliisque sacri ordinis viris ad instituenda eodem in sua patria sacra remisit, qvi inter transfretandum naufragos homines tabulis adhærentes offendens, omnes navi sua receptos periculo exemit, domumque devexit. Inde ei Fortunati cognomen inditum (chronica MSS. illo reditu Vinlandiam bonam ab eo inventam tradunt, Codex tamen Flat: hanc relationem variat, nec sibi ipsi consentit, ut infra monstrabitur). Eò cum adultâ ætate pervenisset, displicuit patri, qvòd hæc duo perpetrasset, quæ paria judicavit, exemisset nimirum naufragio homines periclitantes, & noxium hominem eo advexisset, (Sacerdotem intellexit) nihilominus instante filio exorari se passus est, ut Christianus fieret sacroqve baptismo ablueretur,

retur, cujus exemplo omnes Gronlandi
quoque Christiani facti sunt. Hæc ex Co-
dice Flat: Annales autem Biorni de Skard-
za hæc paulo aliter, itaque eorum relati-
ones in actis Vinlandiæ exponam.

Tantum autem procedente tempore
profectum fecit, ut sequentia templa fun-
data sint, teste codice Flateyensi col: 850:
& hæc

IN AUSTRBYGDA.

1. In Herjolfsfiordo, idque omnium ma-
ximè in Orientem projectum.
2. In Ketilsfiordi paræcia, Vatzdalo.
3. In ejusdem Ketilsfiordi paræcia Vika.
4. In Siglufiordo, prædio Vogis.
5. In Austfiordo, (fors Austkarsfiordo)
prædio Hofdis.
6. Sedes Episcopalis in Einarsfiordo præ-
dio Gardis.
7. Ad Hardsteinabergium.
8. In Eiriksfiordo, prædio Brattahlid.
9. In eodem Eiriksfiordo, prædio Solar-
fiallis.
10. In Isafiordo.

11. In Hvalseyarfiordo.

12. In Midfiordo, prædio Gardanesia.

His addit Einaris Sockii descriptio templum in Langanesia.

IN VESTRBYGDA.

1. In Lysufiordi prædio, Saudanesia.

2. In Agnafiordo, prædio Hop.

5. In Rangnafiordo prædio Anavik.

4. Addit Arngrimus unum in Anafiordo, cujus nomen detritum, nec legi potest in tractatu ejus latino, nec poterat interpres Einar Eyolfius, qui in linguam Islandicam illud transtulit, & imprimi curavit. Episcoporum Gronlandiæ indicem ad finem libri apponam.

CAP. XVIII.

De gestis Thorgilfis Orrabenii privigni in Gronlandia.

Is pronepos fuit Atlii de Gaulis, Sogniæ Comitis, cujus avus vim Regis Haraldi

di Pulchricomi declinaturus in Islandiam concessit. In aula Comitis Haconis de Hladis anno circiter CMLXIV. Eirico Rufo, tunc quoque juveni innotuit; mox ex mutua conversatione, animorumque haut dissimilium indole, amicitia orta, utrumque arctiore nexu invicem devinxit. Igitur Eiricus, illum jam conjuge liberisque auctum, rebus etiam ad animi sententiam affluentibus, auctoritate, opibus, affinium propinqvorumque præsidiis florentem, nunciis in Gronlandiam evocat, id enim è re sua maximè futurum arbitratus, si novellam coloniam potentioribus civibus instrueret. Hic quoque conditionem ampliore auctioremque fortunam multis illecebris ostentatam animo præcipiens, haut gravatè in postulata ejus consensit. Jamque omnibus ad profectionem appropieratis, uxorem licet nihil boni ominantem in itineris societatem admisit, cum suo arbitrio permessa, suspectam quantumvis ejus fortunam sequi, quam ab eo divelli mallet. Tunc quoque Thorgils sacris Christianis recens initiatus, magnis pietatis exercitiis se devove-

voverat. Verum inde exacerbat^{us}, hu-
mani generis, Dei cælitumque hostis,
non his cessandum ratus, retibus suis eum
implicare statuens, specie Thoris Deastri
ei per quietem apparuit, magna corpo-
ris mole, rubraque barba conspicuus, his
illum verbis objurgabat. Heus male, ma-
le tu, qui, rerum tuarum vilissimis mihi
relictis, argentum vero, quod meum erat,
in putrem lacum projecisti, ego vero
istum contemptum damnumque exigam.
Id vero (respondere sibi visus est) bene,
quod societas nostra hoc modo dissoluta,
nos ab invicem separatos, me certe Divi-
næ curæ protectionique reddidit. Ut ve-
ro evigilavit, majalem suum mortuum
deprehendit. Altera nocte iterum appa-
rens, eadem facilitate se fauces ei elidere
posse professus est, quæ nuper verri: quod
cum ille se susque deque habere testa-
tus sibi videretur, postridie annoso bove
multabatur. Jam vero itineri accincto,
tertio minitabundus apparuit, prædicens,
manifestum infortunium, ni renunciata
novella persuasione se perinde ut antea
coleret. Cumq; nec minis terreretur, vi-
sus

sus est sibi derepente ab illo supra excel-
 sam rupem transferri; unde futuræ navi-
 gationis species, per concitatos undarum
 cumulos, inferiora horribili fragore con-
 cutientes conspicatior foret. Sed ille nec
 sic à suscepta semel pietate & Divini cul-
 tus constantia dimoveri. Cum autem so-
 mnium uxori exposuisset, responsum ac-
 cepit, dirum quidem illud, & certe tale,
 ut, si prius oblatum, se ab itinere retraxe-
 rit, jam vero rem amplius integram non
 esse; ideo mutari non posse. In altum
 delatos immodica tempestas excepit sine
 intermissione in autumnum usque sævi-
 ens, donec fessi nautæ etiam potulentis
 ad arctiora redactis, familiaris antea nu-
 minis opem sacrificiis exposcendam sta-
 tuerunt. Quo cognito Thorgils, gravio-
 ribus minis, metu ab idoli ira castigato,
 omnes ab infando consilio avertit. Tum
 vero iterum imago Thoris per quietem
 visa. Non sufficebat, inquit, fidem da-
 tam fregisse, nisi etiam poenitentes socios
 à devotione revocatos una tecum inelu-
 etabili calamitati involveres, respisce
 modo & intra septiduum optato potiere
 I 3 portu.

portu. Ille autem respondit, potius se
portu in æternum cariturum, quam ejus
societatem repetiturum; atqvi respondit
Thor. Esto, me præfractè ut libet aver-
sare, noli tamen ea quæ mea sunt detine-
re. His, cum excitaretur, apud animum
reputatis, cæpit exquirere num quid in
sua possessione esset, quod frivolo isti nu-
mini ethnicus consecrasset; deprehendit-
que bovem, quem ei vitulum dedicabat,
quem protinus in mare præcipitaturus ab
uxore socii ejus Josteini, Thorgerde ux-
oris suæ amita inhibetur, quæ penuria e-
dulentorum bovem ære licitabat, verum
id frustra fuit, illum igitur inter impura
& Christi cultoribus vetita in mare proje-
cit. Tandem octavo ante brumam die
desertæ Gronlandiæ alpihus allapsi navem
in sinu quodam arenoso ad scopulos im-
pingentes, vecturam vitamque & acati-
um conservarunt, maxima autem peco-
ris novi agri culturæ destinati pars mor-
tua, alimentorum inopiam acceleravit,
quam farris exigua portio phocarumque
venatus sublevabant. Casa in sinu ædifi-
cata, coassatione habitacula sequestrabat,
jam-

jamque uxor ejus Thoreya puerum enixa est, quem Thorvaldi nomine parentes insigniverunt. Ad eum in primis sustentandum idonea matri alimenta deficiebant, cum phocarum carnibus non assueverit. Jamque ad festum Salvatoris natale tempus procedebat, cum Thor-gils identidem moneret, ludis hibernis quam parcissime indulgerent, aut saltem moderatius eos exercebant, quam ad id usque tempus consueverant, temporiusque quieti recederent, quod tamen non semper obtinuit. Primo natalis festi die cum serenaret, foris apricantes, audito à Japyge magno ejulatu, quid sibi vellet, ignorabant. Sequentis autem diei vespera ipse mature, Josteinus autem cum sociis diutius immoderatiusque cum lusissent cubitum ibant. Paulo post janua pulsari audita est; mox unus eorum, bonum nuncium auguratus, exsurgens egreditur, de subitoque mente captus, postero die moritur. Proxima vespera alter questus se ab illo impeti, similiter occubuit. Exinde morbus eos invadit, sexque ex Jostei-ni sociis perimit & ipsum novissime. O-

mnes Thorgils in confragoso sinus littore
sepelivit, suosque ut moderatius se gere-
rent hortatur. Finito festo larvatae mor-
tuum umbræ oberrabant. Tunc quo-
que Josteini uxor Thorgunna eadem lue
infecta exspirabat, deinde familiæ ejus sin-
guli, ita ut mense Goæ medio omnes oc-
cubuerint. Omnibus deinde infesti, ma-
xime tamen illas ædium partes, quas vi-
vi incolebant, incessabant, Thorgils quo-
que adeo molesti, ut evadendi facultas,
dum maxime tumultuabantur, nulla sup-
peteret. Eruta igitur sepulchro cadave-
ra rogo imposita cremavit; hic præstigi-
arum finis. Transacta hyeme, obsessi im-
modica glacie, egressu pariter prohibiti,
æstatem proximam hyememque sequen-
tem inhospito domicilio detinebantur, u-
bi focii alterius nomine Koli soror, Gud-
runa in fata concessit, quam sub lecto ejus
Thorgils humavit. Sed nec tertio vere
ulla evadendi occasio affulsit, ubi dum tæ-
dioſa mora continuatur, uxor ejus ima-
ginem sibi per quietem exhibitam refert;
visas nempe clara luce fulgentes provin-
cias, hominesque prælustres; liberatio-
nem

nem ex his ærumnarum claustris portendere interpretabatur. Ipse somnium quidem iucundum respondit, quod tamen aliam vitam ei que beatam denunciet, sanctorumque intercessionem & auxilium, quos pura & inculpata vita, totque afflictiones ad commiserationem moveant. Illa vero orabat, ut de exitu prospiceret, negabat autem ille hoc statu ullam ad eum viam aperiri. Plerumque illa lecto immorata tempus ingratum terebat. Quadam vero die blandiente cœlo, proficitur se montana lustraturum experturumque, an glaciei congeries alicubi interrupta, aut vadis repulsa spem exitus ostendat; illi discessus ejus cum displiceret, brevem futurum respondit, servos enim se piscatum ablegaturum, œconômum autem suum Thorarinum apud eam relicturum. Deinde in alpes profectus, reliquis omnibus, quos placida cœli temperies una abripuit, illo tantum non invito sequentibus. Pomeridiano tempore invalescente vento, cum reditum esset, ablatam cimbam piscatoriam, occi-

15

fam-

famque uxorem, filiumque ab ubere mortuæ matris pendentem, amotas ci-
stas, & quæ ad victum necessaria, servos
vero nunquam apprehendit. Tam im-
provise super tantas calamitates fortunæ
ictu perculsus, quomodo pueri sustentan-
di rationem inveniret supra modum sol-
licitus, quo se verteret nesciebat, unicum
conservandæ vitæ medium succus uberis
videbatur, sed deficiente matre neutrius
copia restabat. Rem itaque haut in vul-
gus notam orsus, papillam sibi præciden-
do, sanguinem exprimi fecit, a quo de-
inde humore succedente tandem puerum
uberibus admotum nutricis vice lactabat.
(mibi relatio suspecta est, maxime ob æ-
tatem pueri, in annum tertium proce-
dentem, tempus nati pueri minus recte
digestum malo credere) Jam destituti sca-
pha, unico victus quærendi instrumen-
to, necessitate magistra, carinæ statumina
jungunt, costas extendunt, tabulis con-
nectunt, coriisque deinceps integunt,
quod genus navium, nescio an illis un-
quam visum, Skrælingis usitatissimum
idem

idem seculum, sed postea, ut credo, docuit. Fabulam sapit quod sequitur, nimirum edilia quædam, per rupturas glaciei, littori appulsa, duas fœminas giganteas in sarcinas digessisse. Thorgilsem vero alteri eripuisse, manuque eam insuper multasse, inde sufficienti viatico comparato, repulsa glaciè, iter Seleyras usque susceptum, ibique hiernatum. Proxima æstate Thorgils aperto mari vectus navem in subjectum rupibus litus subducit, prima autem sequentis diei luce, cum nusquam inveniretur, socii & in his filius ejus Thorleifus, priore uxore natus, quamvis commune omnibus periculum, damnumque prope lethale esset, tamen affectum miseris animum, nova semper incommodorum relatione exulcerare veriti, eoque usque tacuerunt, donec ipse præsens animadverteret. Tum vero abjecta spe, pueri ulterius sustentandi Kolo fideli socio ejus enecandi provinciam mandat, ne lenta morte excrucitatus tabesceret. Is autem ingenii ejus apprimè gnarus, nihil abnuvit, certus autem si mandatum exqueretur immanem ex pœnitentia animi

cru

cruciatum, cum ad se rediret pater, subsecuturum, & prudenter & pie impio factō abstinuit; post moram autem ingressum puero foris relicto, rogat an etiam sustulisset, quo negante, longe maiores gratias egit, quod iniquo mandato non paruisset. Eadem nocte læto somnio reffectus, meliora sibi in posterum pollicebatur, quam persuasionem filii quoque Thorleifi nocturna visio stabilivit, caeso cortice nudato vesci sibi per quietem visi; per corticem enim defectum quicquid duri dirique ad eum usque diem, quo velut septis inclusos compescuerit, fractum aut emollitum notari persuasit. Accesserunt & alia somnia ipsi quoque objecta, in longum propendentia, quæ conjectores ei feliciora tempora, novæ conjugis consortium, natosque inde & præclaram progeniem polliceri interpretabantur. Postridie vox inclamantis incerti cujusdam, ut Islandi navem reciperent, audita eos excivit, visæque duæ giganteæ fæminæ, quæ statim disparuerunt. Mox ursus in lacuna interruptæ glaciei volutatus, Thorgilis gladio enectus in prædam

dam cessit, magno penuriæ levamento, quem deinde admodum parcè inter socios divisit; jamque remis navem circa multa sinuosa litora quam enixissime ad ultimam usque defatigationem ducebant, cum ardens sitis omnium ora gutturaque exussit, nec erat aqua, quæ sedaret, itaque inter nautas convenit, ut urinam aqua marina mistam remedium ei exstingvendæ adhiberent, egestamque haustro excipientes, veniam bibendi postulabant, Thorgils nec se permissurum nec vetaturum professus, primo tamen sibi porrigi mandavit, quo formulam aliquam præcineret, acceptoque infundibulo: Ne tu, inquit, damnate dæmon, qui tantisper iter nostrum impedivisti, effeceris, ut tantam Sacrosanctæ professioni nostræ labem inferamus, ut immundum & obscænum hunc humorem hauriamus, statimque in mare effudit; mox visa avis monedulæ forma magno stridore avolare. Tum Thorgils, inquit; hæc illa, quæ hucusque permissa nobis obsistere id tandem moliebatur, ut fædi liquoris haustu nos contami-

taminaremus, eat in malam rem, nos vero incolumes Deus conservet; nec multo post littori adremigantes aqvabantur, tertia post die in tentorium suum cum æconomo inciderunt. Is cædem quidem uxoris à servis perpetratam confessus, se vero metu mortis ad eos sequendos adactum, vim eorum effugere nequivisse, illis vero alio dilapsis hic, ubi jam esset, substituisse, cujus excusatio cum se nemini probaret, ilico occisus est, deinde sepultus. Inde in autumnum usque à via pervagati, tandem in sinum quendam pervernerunt, ubi navalia vicinam villam indicarunt. Quò cum se contulissent, hospes nomine Hrolfus eos magna humanitate exceptos apud se per hyemem detinuit. Puer fæminæ nutriendus traditus ubi exhibitum lac accepit colore paterno dissimile testatus est. Initio veris hospes eos, ut æstatem quoque ibi transigerent, invitat, vel si discedere mallent, navem quæ veherentur liberaliter offert, id vero Thorgils elegit, testatus tantam ejus benignitatem compensatione dignam. Ille præ-

prævisum sibi respondit eum in magno honore futurum, posse itaqve sibi civium suorum pacem gratiamqve conciliare, quorum offensam contraxerit, quod ille se adnixurum promisit: discendensqve in austrum vela vertit, donec in sinum quendam devenit, ibi postquam tentoria fixissent, mercatoriam navem plenis velis, ad eandem stationem adnavigantem conspicit; id vero magno suo commodo fieri persuasus, filium Thorleifum & socium Kolum ad explorandum quoniam essent eò mittit. Tum vero novo & insperato gaudio repente perfunditur cognito socii sui veteris ejusdemqve intimi amici Thorsteini adventu, quo sodale in Hæbudas à Comite Hacone Hladensi missus, ad exigendum censum triennio intermissum, rem feliciter & supra votum perfecit, quem etiam raro in septentrione amicitiae nexu sibi devinxerat, concessa ei uxore sua, ex qua filium tunc præsentem Thorleifum susceperat; nec memini, aliud hujusmodi exemplum. Unum in Islandia extat, bonorum omnium agrorum, quorumque & uxorum permutatione memorabile.

qua.

quarum alia mutationis impatiens, eadem nocte gulam sibi fregit. Hic idem Thorsteinus eodem quoque tempore, quo Thorgils & Eiricus Rufus in aula Comitis Haconis vixerat, jam vero quadriennium in Islandia manserat, indeque in Gronlandiam ad invisendum Thorgilsem, quo eum migrasse fama tenuit, cætera ignarus navigavit, filiæque ejus ad temporis nuptæ statum, rerumque ejus in patria conditionem retulit. Jamque uterque Eiriksfiordum ingressus, Thorsteinus ad melioris notæ civem Thorrem, Thorgils ad Eiricum Rufum invitatus divertit: verum longe minorem benevolentiam, quam sibi ab eo pollebatur, expertus. Nam & quædam causæ suboriebantur, quæ illam subinde labefactabant, forsitan etiam fortuna Thorgilsis, tot adversis attenuata, quam florentissimam sibi sponsoverat, non satis placebat. Ad hæc ursum prægrandem, qui colludentis specie puerum Thorfinnum ex improvviso, sine tamen notabili ejus læsione rapiebat, confecit, quem Eiricus dum ethnicus esset coluisse, jamque invitus

tus carere, ejusque desiderio affici credebatur, quem tamen nihilominus in usus domesticos conversum inter alia fercula mensæ apponi fecit. Hic cum viciniam infestaret, singuli ejus necem Thorgilsi tanquam de symbolis pensabant. Emergit & alia animi alienati materia, cædes nimirum unius é domesticis Eirici, à socio Thorgilis Kolo perpetrata, ob læsam probroso dicterio domini ejus existimationem, cum Kolu eum Eirico Rufo componeret, quem cum Eiricus ad necem rapi juberet, opponensque se Thorgils, ut ipse raperet, hortaretur, nec peregrinorum auxiliis succinctum, absque manifesto damno propugnatoribus eripi posse animadverteret, multæ irrogandæ potestatem sibi Thorgilsiqve pariter delatam accepit; quod deinde cursum amicitiae eorum magnopere sufflaminabat, ita ut Thorgilsem hospitii quoque tæderet. Interea exulum scelerata colluvies triginta capitum, quorum Dux Thorsteinus quidam, insulas quasdam in Eiriksfiorde insidentes crebris vicinos excursionibus infestabant, toti deinde Gronlandiæ

diæ molesti. Horum injurias cives Eirico
 qvesti, ut eos amoliretur, exigebant, ille
 vero Thorgilsis ejusque fociorum operas
 requirebat. Is non eo fine Gronlandiam
 se accessisse, ut manifestis periculis se sce-
 leratorumque gladiis objiceret, pernicio-
 sa sibi hætenus ejus consilia fuisse. Cum
 tamen publica gentis salus id exposcat,
 paratum se ad civium necessitatem suble-
 vandam futurum, si & ille operam junxe-
 rit, prius tamen negotia sua expedienda,
 deinde per nuntium ei se certiolem faci-
 endum, caveret modo, ne exinde cessaret;
 mox exoratos cives Hrolto reconciliavit.
 Inde in Vestrbygdam concessit, divertit-
 que ad virum qvendam nonine Bialsum,
 cui ab iisdem latronibus magna formido,
 qui se filiam ejus rapturos minabantur.
 Hic exposito periculo, collectam Thor-
 gilsii ob interfectum ursum debitam, et-
 iam ab istius districtus civibus exacturum
 se promittens, præsidium ejus requirebat,
 profectusque per provinciam, cum colle-
 gisset, reddidit. Mihi quoque hæc narra-
 tio suspecta est: cum enim urforum ve-
 natio inter alia acqvisitionis genera solen-
 nis,

nis esset, nullum indigenarū huic sternendo animo viribusque idoneum fuisse, cum tamen assuetudine simul etiam necessitate istud sibi exercitium familiare fecissent, nisi forte Eirici offensam veriti isto urso omnes abstinuerunt. Scrupulum quoque movet incolas Vestrbygdæ ad pensationem operæ, ad feram ab iis tam remotam, nec forte unquam metuendam, tollendam, obligari potuisse, nisi sicut iisdem cum incolis Austrbygdæ legibus ita etiam oneribus tenebantur. Thorgils accepta collatione lætus, ne in hospitem tam benignum ingratus videretur, pollicetur se operam navaturum ad extirpandos prædones, secus ei, postquam discesserit, perpetuum ab iis periculum metuum. Itaque nunciis Eiricum ad operam jungendam cum triginta sociis evocat, se totidem secum ducturum pollicitus. Is alacriter respondit se haut serius quam illum accessurum, itaque cum suo manipulo se ad eos confert; cum autem Eiricus non compareret, consilio habito. Video inquit Eirici astum, novit, si hos latrones semel aggredi cæpisssem, me in-

K 2

cepto

cepto postea vix destitutum, itaque periculo nobis, ejusque eventu destinato, se suosque subducit; annitendum itaque, ut rem licet arduam, susceptam tamen absolvamus, ne ei postea aliisque ludibrio simus. Cumque nec numero nec viribus iis superior esset, dolo rem aggreditur. Nave in statione infida collocata, ipse acatio ad stationes hostium remigat, celebrisque fatui Anis cognomento Stulti personam assumit, cognoscitque metu sui terrorem ducem stativis non excessisse, postquam de adventu suo in Vestrbygdam certior factus est, insuper prodigio quodam victoriam sibi destinatam, quod famuli quos allocutus erat ex myoparonum, quos possidebant, duorum nupero colloquio dicerant nomina illis Stakarhofdi & Vinagautr, quod eodem mane tale exceptum est. Nostin, Vinagaute, Thorgilsem nos possesurum, imo respondit, probe quidem & magis ad votum, id quod ait famulus, procul dubio mutationem portendit. His cognitis ad navem redit, postea improvisus piratas adortus, ad deditionem facile cogit, usuram vitæ, pacemque supplices

ex-

exposcentes, ne impetrarent, flagitiorum atrocitas, numerusque obstabant; Cæsis omnibus soli duci vivendi potestas facta, quam is deinceps aspernabatur, aperte professus, se iis nunquam fidelem futurum, itaque ruinæ suorum ultimus cumulus accessit. Naves spoliaque Thorgils universa adeptus, multam tamen inde iis largitus est, quos exspoliaverant, ipse superfluo deinceps dives, partaque fama celebrior, incolisque acceptior. Jamque Hrolfus exilio redux, magnum hospitalitatis fructum perceperat. Inter Eiricum autem & Thorgilsem irritata dolo quoque simulas non remisit, nihilominus evicit, ut servorum hyperaspistes Snækollus, qui tenui ferro uxori subtus ubere adacto parricidii auctor erat, cum cæteris servis, qui honestas ibi uxores & melioris notæ acceperant, suæ potestati restitueretur, quem ex sententia veteris amici Thorsteini, qui honestius eum bonis omnibus, inque servitutem vendi, quam vita spoliari dictitabat, punivit, forte quod majori dedecore, malique in posterum sensu, acer-

bam vitam tolerando haut impunitiorem duceret, quam momentaneo vitæ supplicio. Cæteri quoque illius affecclæ bonis omnibus exuti, & simili conditione venditi. His in Gronlandia gestis, naves uterque solvunt, inque Irlandia primam hyemem exigunt, alteram in Halogia, tandem in Islandiam comite Thorsteino rediit, qui deinde una cum Thorleifo Thorgilfis filio suo privigno in Norvegiam rediit. Hanc ejus historiæ partem Arngrimus in sua Gronlandia parcissime exsecutus, reliqua vitæ ejus breviter Crymogææ lib. II. in VI. genealogia pag. m. 149 exposuit, nos quoque historiæ Orcaensis lib. I. cap. X. ejus mentionem fecimus. Has calamitates, & invictam in novella religione constantiam propitius Deus deinde longa vitâ & perpetua ad finem usque, quæ in annum LXXXV. desivit, felicitate, claraque & diuturna sobole, natorum natis, & qui nascebantur ab ipsis, benigne pensavit. Nos hic quæ ad Gronlandiam pertinent commemoravimus. Hunc in ordine temporum excipit pro-

proximè , cap. proximo memorandus,
Thormodus.

CAP. XIX.

*De gestis Thormodi Kol-
brunarskaldi in Gronlan-
dia, & primo de actis cæ-
deque socii ejus Thorgei-
ris Havardi filii.*

Is in Islandiæ occidentalis quartæ distri-
ctu Isafiordo, patre Bessio, avo Hal-
dore, proavo Gunnbiorno, Gunnbiar-
narskeri Inventore & eponymo, matre
Thorgerde, anno ut Codex Flateyensis
in conflictu Stiklastadeni monstrat
CMXCV. natus, juvenis cum juvene al-
tero societatem, mutuae fraternitatis ne-
xu unitam contraxit, quam solenni in pa-
ganismo juramenti ritu subitis tribus ce-
spitibus in fornicem erectis, fulcrisque
sustentis, immotis & indivulsis extrema-
tibus, contraxerunt. Id sanctissimum fœ-
dus

dus & omnino inviolabile habebatur, quo
 alter alterius cædem vindicare tenebatur.
 Is erat Thorgeir Havaris filius, nobilissimi
 generis matre editus Thorelse, Alfi de Da-
 lis filia, cui pater Eyfsteinus, Meinfretus,
 Alfi de Ostria (quæ pacæcia Bergis pro-
 pinqua est) filius. Mater Thorhildis Thor-
 steini Ruffi filia. Hic vir indomitæ fero-
 citatis, & profligatissimæ audaciæ, sine
 Dei, sine hominum, sine ullius periculi,
 sine denique mortis metu, eo tamen in-
 genio, ab Anglis muneribus ornatus, Da-
 nis supra fidem honoratus, ita se Sancto
 Olafo Norvegiæ Regi approbavit, ut fa-
 tellitum purpuratorum collegio inferere-
 tur, magnam deinde partem favoris ejus
 & gratiæ consecutus; interdum deinde
 patriam repetivit, iterumque ad Regem
 rediit. Novissime eo revector, cum hye-
 mem ibi exegisset, iterumque anno se-
 quente reditum in Norvegiam maturaret,
 inter eum & Gautium quendam nuper in
 itineris societatem admissum, controver-
 sia interveniens ad arma usque processit,
 cædeque Gautii constitit, cum derepen-
 te navis Gronlandica, eundem portum
 in-

ingressa, anchoris procul litore affixa est. Rectores duos habuit, Thorgrimum Einaris filium Gronlandiæ curionem (prætorem nec inepte reddidit Arngrimus) & Thorarinum Offium Thorvaldi filium quadrantis septentrionalis Islandiæ civem, præferocis animi viros, duo de quadraginta nautis succinctos. Horum ingenia cum suo parum distantia, sponte quidem ad vim injuriasque inferendas prona, hoc vero statu, viribus numeroque duplo suis nautis majore, inflatiora perpenderet, pacem cum iis faciendam statuit. Eos igitur accedens exponit, relatum sibi feroces eos haberi, nec suos nautas mitiores esse; itaque præcavendum, ne se invicem irritantes, mutuis damnis, injuriis impendiisque atterant, placere ut pacis fœdera utrinque componantur; quod cum facile convenisset, fide ab utraque parte data, securitati consultum videbatur, igitur Thogeir merces navi infert, eamque paulo longius à litore removet, singulis suorum apud se detentis, quod suspectam haberet advenarum fidem, quantumvis fœdere firmatam

tam. Interea isti de recenti cæde Gautii (quam Thorgeir dum cum iis pacisceretur reticuit) fiunt certiores, qui Thorarini amicus propinquusque fuerat. Is igitur Thorgrimo exponit, istius se ignarum, secus nunquam in pacta consensurum, ejusque auxilium ad ultionem maturandam exposcit. Is siue innata animi levitate, siue quod minus sincere factum fædus crederet, celatâ cæde, cujus ultio ad propinquum ejus pertinebat, haut siue probro omittendâ, petitis facile annuit, sed veritus suorum cladem, nec incertus haut incruentam, si tamen vinceret, victoriam de tanti nominis pugile se reportaturum, suadente Offio, hujusmodi dolum excogitat. In campo ad quem è navi Thorgeiris prospectus colliculo intercipiebatur, lintea mercesque speciosas ficcandi prætextu exponit, armatosque in insidiis collocat, cum mandatis, ut nautas Thorgeiris, quotquot in terram exspatiati, ad inspicienda, quæ exposita erant, accurrerent, protinus securos obtruncarent. Viribus adversarii hunc in modum imminutis residuos nullo negotio superari.

ri. Forte è nave Thorgeiris Kalfus Steinolfus decem suorum comitati aqvatum litus transcendunt, qvorum tres ad inspicendas merces accurrentes sine mora cæduntur. Mox Trollius & Offius Steinolfum Kalfumque invadunt, cæsisque sex eorum comitibus, septimo fuga elapso, illos in vincula compingunt, cymbamque, qvâ Kalfus Steinolfusque vecti erant, conscendunt suæque jungunt, deinde utramque navi suæ mercatoriæ præfigunt, qvam remulco tractam cominus navi Thorgeiris applicant. Is qvippe objectu colliculi prospectu prohibitus, omnium horum ignarus, ut appropinquantes insperatos hostes, & in cervicibus animadvertit, arma subito corripit, & quantumvis acriter pugnaret, ascensu tamen plures prohibere nequivit; nihilominus ensem utraqve manu vibrans multos concidit, donec plurimis suorum cæsis, in puppim se recepit, præsidium inde mutuatus, ubi & tunc omnium exspectatione longius fortiusque se adversus tantas vires tuitus est. Non convenit inter auctores, quot occiderit,

derit, antequam concideret. Codex Flat-eyensis quatuor tantum habet, liber alter vetustior quatuordecim, qui tamen carmen ex lesso, quem Thormodus ei fecerat, producit, (quod an alibi extat nescio) quod sedecim memorat. In eo certe omnes consentiunt, quod nemo unus adversus tantam multitudinem, majori cum hominum admiratione pugnaverit. Duo praesertim memorantur necis ejus auctores Mar Norvegus & Thorer, quorum iste cum manum ejus vulnerasset, lethali vicissim vulnere fauciatur; ille medium cum transfoderet ab inferenti se in gladium Thorgeire perimitur, stante adhuc immoto cum ille occumberet, donec & ipse ictibus Trollii, Offiique exanimis concideret, cui Offius deinde caput praescidit, avexit, de ephippio suspendit, illudit, deinde exertae linguae, oculorumque ostento territus sepelivit. Interriti animi admiratione placuit cordis ejus habitum rimari, exsectum pusillum apparuit. Inde auctor concludit animosiores quibus parva quam magna corda insunt; his enim

enim majorem sanguinem inde & metum, quod tamen observatione refellitur. His peractis, divisis bonis in societatem collatis, Thorarinus Offius in patria remansit, æstate proxima in jus à consobрино Thorgeiris Thorgilse Arii filio vocatus; multam arbitrio ejus irrogatam solvit; eadem deinde æstate in publico conventu in provincia Eyarfiordo cæsus. Trollius autem post peractam cædem statim Gronlandiam repetivit. Exposui causam, quæ socium ejus ad ultionem exequendam in Gronlandiam traxit, restat, ut illius quoque ordinem, nam is Gronlandiam spectat, referam.

CAP. XX.

De Thormodo ad ultionem exequendam ex Islandia in Norvegiam profecto, cædeque ibi perpetrata, in satellitium Regium assumpto,

*scito, ejus itinere in Gron-
landiam, cæde in Bratta-
blida & accessu in Stocka-
ne siam.*

His cognitis Thormodus adeo afficie-
batur, ut præ mærore & animi æ-
gritudine nullibi diuturnas moras
nectere sustineret, stimulabat ardor ultio-
nis, quam in se utpote voti reum fata
rejecisse agnoscebat. Eodem igitur æsta-
te, cum navarcho nomine Harecho pa-
tria egressus ad insulas quasdam Norve-
giæ pervenit, ibi in portu per aliquot dies,
adversô ventô detinentur, cum adnavi-
gantes naves portum quoque intrant, in-
ter quas una, quæ Regem Olafum vehe-
bat. Inde quidam mercatoriam navem
adeunt, cognitoque Islandia solvissè, quæ-
runt an & nulli ibi Islandi, qui prius Nor-
vegiam non accesserint, nam & illi teloni-
um solvere tenebantur. Nauclerus Thor-
modum indicat. Is arcæ, quæ ejus lecto
proxima, insidens, securim manu tene-
bat,

bat, cumque telonium exigeretur, nomen suum genusque confessus, vectigal autem in præsens se soluturum negabat, redditurum autem Regi, cum illum conveniret, quantum exigeret. Tum exactor, imo vero, ait, solves, & quidem prius, solvam cum placet, sed nec tibi cum se respondisset, alter volumen panni, quod in lecto jacebat, arripiens, loco vectigalis se recepturum professus abitum maturat; quem Thormodus dejecta in caput secure ilico occidit, cumque à comprehensoris impeteretur, infilivit in navem Regiam, cursuque ad puppim proVectus in genua procidens pedibus Regis advolvitur, deditionem professus, Rex quid hoc rei sit quærens, ubi de cæde certior, nomen ejus sciscitatus est; auditoque Thormodum appellari, nonne is, inquit, qui Kolbrunarskald usurpatur? Quo cognito, adoprivus utique ait Thorgeiris satellitis mei frater; confitenti, quanti eum fecerim, ostendam, nam in ejus gratiam veniam dabo, præsertim cum supplicem te mihi stiteris, eum forsitan ulcisci paras, rem

rem certe mihi gratissimam, itaque apud me manebis. Hæc mihi plausibilia videntur, quam Codicis Flat: narratio, nam telonia solvere Islandi tenebantur, cujus tributi causam Arius Frodius in succincta Islandiæ historia luculenter explicat. Nec veritati litat, quod Thormodus vindictam meditans, in Daniam ad Regem Knutum Magnum prius accesserit, cum sciret, Regem Olafum cæde Thorgeiris irritatum, se haut gravate ad eam perficiendam promoturum. Eodem autumno, navis Gronlandica eo advenit, vectore Skufo viro sapiente, navigandi perito, Regique in paucis grato, ejusque satellitio inferto. Is per hyemem à Rege hospitio acceptus, Thormodo in primis familiarem se fecit, quem initio veris domum rediturus eò se travecturum pollicitus est. Adito itaque Rege Thormodus veniam profectionis petit. Illi an& ulturus confæderatum fratrem quærenti, nescire se, quo eventu cum respondisset, non solum dimittitur, sed armilla insuper aurea gladioque donatur. Accedentes navem

vem obviam in ponte habent virum bar-
 ba promissa, statura procerá, pileo & facie,
 Gestu nomine, persona velata, qui in con-
 vectorum societatem se admitti postula-
 bat, Skufo personæ ejus rerumque igno-
 rantiam excusante, eumque ad nautarum
 arbitrium remittente, regessit, persuasum
 sibi navarchum penes, non item nautas,
 convectionis jus, sed nec iis se oneri fu-
 turum, nec vices sibi competentes aut
 munera in eos rejecturum. Admissus
 deinde in urbem regreditur, pauloque post
 rediens sarcinam, quantam vix duo por-
 tarent, advexit. Deinde cum tempestati-
 bus colluctantibus sæpius magno subsi-
 dio fuit, visusque est duos fortes viros
 viribus æquare, Thormodum quoque
 superare, cætera licet æqualem, cujus
 specimen dedit, cum in exhaurienda na-
 ve haustis gurgitibus graviore, simul oc-
 cuparentur, urceis enim & amphoris,
 antequam tubi usus invaluit, aqua egere-
 batur. Ex alvei imo, Thormodo situla
 sursum levanda, Gestoque porrigenda,
 illi vero ex superiore gradu recipienda
 erat, quam cum ille non satis, vel incre-
 L patus

petus attolleret, hic frequentiore inclinatione fatigatus, decidi permisit. Indignatio inde repente exorta, utrumque ad arma concitavit, & conflixissent statim, ni intercurrentibus nautis inhibiti, Skufique rixas intra naves mali plerumque ominis commemorantis, auctoritate substitissent. Vi deinde tempestatis antennam fractam, cum nullus Gronlandorum reficere posset, illorum rector navis operam postulat, testatus, animadversum sibi neutrum eorum fabricæ ignarum. Thormodus Gestum tanto esse virium robore monuit, ut vel trudendo coagmentaret. Gestus contra Thormodum tantum esse verborum fabrum, ut vel carmine partes utras compingeret. Mox suam quisque asciiis dolabrisque formandam fabricandamque susceperunt, apteque deinde connectabant. Eodem autumno in Eiriksflordum pervenerunt, Gestusque ad virum nomine Grimum, in ejusdem finus villa Vika habitantem divertit. Illo tempore Thorkell Leifi Fortunati filius, paternum avitumque hæredium Brattahlidem incoluit, vir in illa gente potens vulgoque

goque acceptus, & apud Regem Olafum
gratiosus. His cognito per Skufum, quod
Regis esset aulicus, ei que cnixe commen-
datus, non modo eum hospitio excepit,
sed & ultro in Regis gratiam invitavit, be-
nigneque & liberaliter habuit. Erat vir
quidam nomine Lodinus, qui rei dome-
sticæ curam dispensationemque gerebat,
solers & industrius, dominoque carus. Is
indigne ferebat, quod pellex sua seu con-
cubina Thormodo famulari iussa longio-
res apud eum per vespertas in domo segre-
ge, ubi Thorkel cum famulis ante adven-
tum ejus quietem capere solebat, moras
extrahere, minusque ei quam antea ad-
blandiri cæperat, suspensionem impudici-
tiæ mulieris quoque temeritas auxit.
Complectenti se semel amasio, egressu-
ramque sistenti, ferociter obnitendo, us-
que dum Thormodus succurrens eam
quoque ad se traheret, ipsaque certaminis
præmium prædaque fortiori accessura vi-
deretur. Tum forte interveniens domi-
nus Lodino, ut eam dimitteret, impera-
vit, vanam illam vespertinorum colloqui-
orum, quamvis aliquantos longiorum su-

spicionem testatus, quam universum cubile accensarum candelarum perpetua luce collustratum facile discuteret, sibi, quæ tunc agerentur, curæ futura, reliqua momenta ipsum observare jubebat. Paruit monitis œconomus nec ultra impedivit, quominus consuetam operam Thor modo præstaret. Jamque tempus, ad festum usque, natalibus Salvatoris Sacrum, procedebat, quod quò celebratius foret, Thorkell, quæ requirebantur, sedulo conquisivit, in primis magnam polentæ copiam lupulumque, aulæa apparatusque mensalem Stockanesiæ, quæ ex adverso Brattahlid sita erat, ubi Skufus ejusque vicinus Biarnius, vir prudens, vulgo acceptus, fabrilium artium valde gnarus habitabant. Rarò in Gronlandia potabatur, quo vero rariora convivium, eo quoque acceptiora, & imagine quadam magnificentiæ celebriora. Hoc vero convivium, in primis opiparè apparatus, accitorum celebriorum convivarum multitudine fræquens, inter complures, vicinos quoque Skufum & Biarnum in magno numero habuit, duravitque ad totius usque

que festi exitum. Tum vero discedentibus hospitibus, Lodinus singulis vestes viatorias, & alia, quæ custodiverat, Skufo quoque & Biarnio pocula, aliaque utensilia in usum convivii commodata, cum reddidisset, triclinium cum quatuor comitibus ingressus est, thoracem è pelle vituli marini amictus, alasque subligaculo intrusas astrinxit; hoc habitu Thormodum, cum Biarnio in opposito scamno jacente, colloquentem, scamno cui & ipse incumbibat, pedibus extractum per pavementum circumegit; Biarnius frigidò joco nequicquam desistere jussum, exsurgens in terram arietavit, increpatosque comites ut dimitterent adegit. Thormodus exsurgens, offensamque dissimulans, non inusitados in Islandia coriacos istos ludos respondit. Jamque Thorkell hospites digredientes ad litus deduxerat, cimbamque ponti Biarnius admoverat, Skufum cum Thorkell colloquentem, simul ac accederet excepturus, cum Thormodus, Lodinum ex improvviso adortus, lethaliter ferit. Quo conspecto Thorkell,

justa ira accensus, mandat suis, ut protinus eum occidant. Illis vero subito casu consternatis, Biarnius eum in suam navim evocat, recipitque, mox ponte (erat enim versatilis) remoto, praesenti periculo subducit. Jamque vim parantem Thorkelem, armataque manu extorturum, monet Skufus non esse praecipitandum, nihil enim in ira sanum, spatio opus esse, donec decedat, facilius tunc provisurum, quid potissimum conducat; meminerit virum illum satellitem esse Regis ordinis superioris, poetamque honoratum, ipsius curae impense commendatum, quicquid in eum boni malive contulerit in se collatum imputaturum, certe necem ejus haut inultam passurum, in quo existimationem suam haut mediocriter laesam agnoscat, reputet itaque apud animum, an brevi hoc ultionis solatio lucrari plus an detrimenti capturus sibi videatur, irae Regis & impendentis in singulas horas vindictae metu, an satisfactione cædis, ejus enim pro arbitrio exigendi potestatem se ei facturos, multamque pecunia-

cuniariam, quam indixerit, statim soluturos; hoc pacto honori ejus existimationi simul & saluti & securitati consultum, sed nec se illum dedituros, inimicisque subiectum missuros. His animadversis & multis, qui adstiterant, approbantibus mitigatus Thorkell compensationem admisit, ipseque præscripsit. Mox Thormodus cum illis Stockanesiam profectus, quod reliquum erat hyemis ibi transegit, solito tamen tristior. Id cum displiceret, si qua re indigeret edicere jussus; comitem poscebat, qui ab omnibus operibus liber, se tantum quo velit sequeretur. Facta ex omnibus vernis deligendi potestate, Egilem quendam elegit, longurionem stolidum & illepidum, qui & fatuus communiter appellatus est. Mirantibus quod talem præcipue diligeret, virum esse robustum, & ad imperata exequenda promptiorem, quam rimanda sagaciorem. Securim deinde faciendam Biarnio præscripsit, amplam acutam & tenuem.

CAP. XXI.

*De cæde Thorgrimi Trollii
à Thormodo perpetrata,
ejus effugio, latebris &
capitis damnatione.*

Proximo vere ad comitia gentis Gardis in Einarsfiordo, quotannis celebranda, civium plurimi confluxerant. In his Thorgrimus Trollius supremus judex, magna & inusitata pompa, qui navis interiora à prora puppim usque clypeis pigmentatis in contabulati operis formam invicem junctis, hastarumque magno apparatu instruxerat, in tantumque ejus fastus creverat, ut cavendum esset, ne verbis minus limatis familiares ejus offenderentur. Adnaviganti comitiatus omnis tentoriis effusus, obviam ei procedens, festa acclamatione judicem excepit. Mos erat Gronlandis, quoties navigiis iter facerent, ut instrumenta captandis balænis, phocis, & id genus aquatilibus

tilibus idonea secum veherent. Hæc dum navi exportarentur, forte Thormodus præsens, hastam amentatam contrectabat, jussusque à comitum uno ut deponeret, quod illius usum ignorare videretur, carmine significabat, se, utut hac in arte ei cederet, se tamen præferendum, si quando Rex Olafus aciem ordinaret. Jamque papilio judicis, à ministris ad id delectis, ornatu pro conditione loci magnifico, statuitur, id enim gentis erat prætorium, ante quod sub dio tribunal & judicia constituebantur. Eò cum quodam die sereno ex omnibus tentoriis concursus fieret, Skufus quoque & Biarnius cum comitatu omni accesserunt, solus Thormodus in lecto remanebat, sub stragulo utrinque villosa & bicolore, latere alio albo, alio nigro dormiens, qui ut evigilavit, miratus, omnes qui antea præsto erant excessisse, cum adveniens comes ejus Eiggill, procul eum à tentorio Thorgrimi refert jucundaque narratione, qua omnes delectatione afficiat, quam cellæ in aprico insidens, populi multitudine undique circumfusus exposuerit, quærenti

quid contineret, jucundam quidem respondit, sed memoria effluxisse. Urgenti ut nomen unius saltem vel alterius personæ, de qua ageret, recenseret, neque enim videri tam subito hæc omnia excidisse, Thorgeirem inquit insignem athletam nominabat, placere ut ipse accedat, distinctius omnia ex ore ejus hausturum. Exsurgens itaque Thormodus, stragulum sibi circumdat, nigro latere, spectantium oculis obverso; erant namque idgenus vestimenta, quæ interdiu epitogii, noctu straguli usum præstabant. Ipse Eigile comitatus, pone papilionem se conferens, vix quæ recitabantur audivit. Mane illius diei serenabat, jam vero collectus in nubem aër pluviam repente minabatur. Id prævidens Thormodus, quo illum in admirationem raptum obsequentiolem redderet, modo cælum suspicere, modo terram despicere cœpit; quærente Eigile, qui ita se gerat, talis inquit jam cœli vultus, qualis cum magni fragoris conscius esse solet: quid iste quærit Eigill portendit? semper clades & interitum respondet, itaque si forte jam intonet, sedu-

sedulò tibi cave, & cursu quam poteris
 velocissimo, tentorium nostrum repete.
 Hæc dum disserunt,repentinus omnibus-
 que inopinus imber cœlo excussus, singu-
 los ad sua quemq; tentoria festinantes dissi-
 pat, pars magna in tabernaculum Trollii
 infusa, fores opplevit. Ipse, dum diffluen-
 te multitudine paterent, tribunali insi-
 dens exspectabat. Interim Thormodus
 accedit, petitque ut cæptam narrationem
 persequatur, is paucis absolvi non posse
 respondit, quæritque ejus nomen. Vigfus
 inquit; quo patre, cum iterum quæreret,
 Otryggo respondit, (Vigfus cædis avi-
 dum, Otryggus infidum denotat, fuerunt
 tamen virorum nomina, tunc quidem in
 usu, sed & Vigfusi etiamnum hodie in Is-
 landia usitatum pariter ac celebre) jam-
 que mala suspicatus, surrecturus se erexit,
 cum tanto ictu feritur, ut calvaria toto-
 que capite & cervicibus bifariam dissectis,
 in terram examinis rueret. Mox Thor-
 modus labentis humeros subiens, clara
 voce exclamat, cæsum esse Thorgri-
 mum, vulnus inspicerent, sicariumque
 appre-

apprehendere properarent. Confluentes ad vulneris inspectionem, sed subito casu consternati, quærun ubinam cædis auctor, ille visum sibi ait, sed celeri fuga se abripiantem, nec quorsum observatum, hortaturque, ut alii corpus sustentent, dum ille inter alios eum quoque persequatur, traditaque aliis sustentandi vice, se subducens ad litus progreditur, subque promontorio à conspectu omnium remotus, stragulum seu lacernam invertit, alboque amictu incedens, aliam personam representat. Inter hæc Eigill, audito tumultu, obstupescens, concitatissimo cursu ad suum tentorium campos transvolare visus, omnes inquisitores in se convertit, quorum persecutione attonitus, acrius se concitat; tandem comprehensus cum singuli artus membraque ingenti formidine tremere, suspicionem cædis simul & exploratores à se avertit. Quidam transito promontorio, cum in Thormodum incidisset, veste alba amictum, ejusque nomen quæreret, isque Otryggum se appellaret, professus percussorem se quære-

re,

re, sine ulteriore inquisitione eum demisit. Cum vero ad tentorium non rediret, coepit Skufo & Biarnio suspectus cædis esse, tum quod circa promontorium vir albam lænam indutus visus dicebatur, tum quod Skufus in mentem revocabat, S. Olafum cordi esse, ne cædes satellitis sui inulta foret; itaque remittente inquisitione, scapham expediunt, eumque quærun, & juxta promontorium deprehendunt, quærunque an cædem perpetrasset, gratulantur de ultione in tanto hominum confluxu, magis tamen de effugio, inter tot tam potentes & præsentis hostes, admiratique quod ipsum sub humeris cadaveris non agnoverint, quot ictibus eum exanimaverit quærun, ille carmine respondit, se quidem Scævolam esse, postquam in Islandia gravi vulnere fauciatus, usu dexteræ orbatus esset, nihilominus iteratum ictum superfluum sibi visum, cumque periculum præsens effugerit, longioris id vitæ fatis decretæ argumentum videri. Quærentibus an & Falgeir Thordifis de Laungunesia filius, acer ille pugil præsto fuerit, respondit, ibi quidem fuisse, sibi que multa

multa minatum, profuisse quod se non agnoverit. Is Thorgrimi sororis filius erat, tresque ex eadem matre fratres habuit, Bodvarem, Thorkelem & Thordum. Monentibus ut hac ultione contentus esset, utpote supra spem gloriosa, cæso in totius Grønlandiæ confessu in amicorum propinqvorumque conspectu Grønlandorum potentissimo, quo majus à nemine, nedum peregrino, idque sine necessitudinum auxilio, aut ullo certiore confugio, expectari possit. Reputaret quanto in periculo esset, quantas vires in se unum auxiliis distitutum, quam potentes familias concitaverit, quam arduum eos effugere, quam supra vires humanas sit cursum fluvii detorquere, id tamen citius effecturum, quam ut incolumis è terra hac tanto tam vasti maris spatio à reliquis habitabilis orbis partibus dirempta, salvus sospesque excedat, ni singularis cæli gratiâ, cœptis ejus adspiret, ille animo præsentis, meliorum spe se idem solatus est. In sinus Eiriksfiordi rupium parte, quæ Stockane-fiæ obvertitur, antrum recondito situ consistit, supra subtusque cautes arduæ, difficulter

culter superabiles. Eò illum devehunt, necessariisque, quæ vestes & alimenta instruunt, quod inde in posterum Thormodi antrum appellatum est. His peractis in forum uterque redeunt, polliciti se eum certiores facturos de iis, quæ ibi agerentur. Cognoscunt autem, recensu populi actò, eum desideratum, mox à Bodvare & Falgeire reum factum capitisque damnatum, id quod ei postea indicant, svadentes ut istis latebris nunquam excedat, secus evadendi spem omnem præcisam, si vel minimum adversariis de eo suboluerit; tædiumque solitudinis frequenter invivendo, necessariaque subministrando, ipsos hanc gravatim levaturos.

CAP. XXII.

De conflictu Thormodi cum nepotibus Thorgrimi, eorumque cæde.

Thormodus oblitus mandati, sereno quodam die supra rupes pene inaccessibleas eluctatus, ubi parum processerat,

ferat, obvium habuit virum lacerna depexa, variis segmentis centonibusque confuta, quam pediculorum magna vis triverat, inde etiam cognomen contraxit, Lusa Oddus, seu Oddus pediculosus dictus. Cujus ut nomen accepit, ei roganti Torradum se dici retulit, gestireque vestes cum illo permutare: qui illudi sibi ratus, nec sine stomacho postulata abnuvit; verum ut abesse ludibrium cognovit, tam inopinam fortunam admiratus inque sinu gaudens facile consensit, jussus deinde Stockanesiam eodem die proficisci, Skufoque & Biarnio referre, visum sibi eodem loco virum ignotum, nomine Torradum, haut gravatè paruit, transitoque sinu iis imperata refert. Interim Thormodus hoc habitu pedes ad Einarsfiordum pervenit, inciditque in opilionem Thordis, ab eoque fit certior solum Bodvarem domi esse, reliquos piscatum abiisse. Is enim se Oddum alloqui opinabatur. Ad navalia igitur se conferens, tota ibi die reditum eorum opperiebatur; qui tandem litori adremigantes, Oddum conspicati, navem securi admovent, primus Thorkell navem exce-

navem excepturus descendit, quem Thor-
 modus securi, quam sub veste gerebat,
 lethali ictu cum stravisset, abjecta lacer-
 na, propero cursu ad antrum contendit,
 quem Thordus & Falgeir, quam velocis-
 simè poterant, insequebantur, donec su-
 pra imminentem antro rupem provectus
 in cespitem foribus præfixum ingenti sal-
 tu se demisit, mox insequentis Thordi, sed
 inter defiliendum titubantis, interscalpio
 securim tam alte impressit, ut immerfam
 vulnèri, Falgeire præcipitante, extrahere
 nequivet, à quo, accerrime invecito, ce-
 lèriqve saltu irruente, jam inermis & ipse
 inter scapulas magno vulnèri sauciatur.
 Igitur, ad præripiendum ei armorum u-
 sum, totis viribus se in eum infert. Fit
 lucta ingens, viriumqve exitiale certa-
 men, quo inferior Thormodus, quippe
 vulnèri sanguinisqve profluvio debilita-
 tus, fortunæ Regiæ (uti illis sæculis credi-
 tum erat) protectione superior evasit.
 Nam inter accerrimum conflictum, Fal-
 geiris manu delapsa securis, utrumqve
 pariter inermi luctæ commisit; tandem
 ad internecionem conflictantes, ambo si-

mul præcípites in subjectum mare delapsi, funestum & ibi certamen renovant, seqve invicem undis immergentes, haustis aquarum gurgitibus langvescunt, donec ligula, quæ femoralia Falgeiris substrinxit, rupta impeditiorem eum reddidit, ea namque Thormodus magno nisu explicans pedibus ejus obvolvit. Exinde nandi usu destitutus Falgeir, natibus humerisque in superficie maris fluitans, aquis identidem absorbendis, ad ultimum ridentis specie suffocatus est. Thormodus ad ultimam defatigationem reductus proximo scopulo adnavit, ægreque affluentis maris æstibus obluetatus, reptabundus ad superiora pervenit, speque salutis abjecta mortem expectabat. Eodem vespere Skufus & Biarnius, Oddi nuncio, agnitæque Thormodi veste, commoti, linu transmissio eum inqvirebant, non enim de nihilo ad se missum colligebant, nec alio fine, quam ut sibi magnum quid machinanti, vel integro mature, vel afflicto haut intempestive succurrerent, vel etiam mortui curam gererent. Antro advecto, animalculum quoddam vivum oculis sibi signare

gnare videntur, phocane an aliud quid, incerti; eò igitur provecti, quem quæ-
runt, agnoscunt. Mox cognitis, quæ ges-
serat, in admiratione defixi, non de nihi-
lo in publico gentis foro præsentissimo
discrimini subtractum confitentur, cum
fata eum tot summæ nobilitatis virorum,
præcipuique athletarum Falgeiris, cædi-
bus destinassent. Subjectis deinde pannis
impositum in cimbam inferunt, intima-
que sinus penetrantes ad domum viri, no-
mine Gamlii, prope montes glaciales
perveniant. Longo illa à coloniis aliis
intervallo remota, hospitibus infreqvens,
sine famulis, sine liberis, solius viri & ad-
modum pauperis, uxorisque nomine Gri-
mæ administratione substitit, quæ tamen
medendi peritia & circæarum artium, ve-
titarum licet, haut superficialia notitia
celebris erat. His Thormodum sanan-
dum commendant, verum cum ingens
periculum à Thordise sibi metuendum,
cujus non odia tantum sorbenda, sed et-
iam sibi essent concoqvenda Grima repli-
caret, si forte resciret, se homini, publi-
co gentis judicio exuli & in exilio tot cù-

mulatarum cædium reo receptum præstitisse, Skufus damni eam immunem se præstiturum, impensasque liberaliter repensurum cum promississet, facile se exorari passa, recepit ægrum, vulneraque obligavit: sed admodum lente curatio illa processit; nam cum integra hyems elapsa esset, vix inter cubile & cænaculum intermeare poterat, integros menses duodecim sanatio illa duravit: Jam quæ Thordis interim molita sit, exponam.

CAP. XXIII.

De Thordis persecutione.

Primò cum occisorum fratrum fama percrebuit, omnes rei novitate velut attoniti sunt; ubi vero corpus Falgeiris litori appulsum inventum est, creditum Thormodum unà periisse, eaque opinio diu tenuit. Proximo vere Thordis, cum forte interdium quieti se dedisset, turbulentis insomniis inquietari visa, quo minus excitaretur, filius Bodvar obstitit, neque enim idgenus officii illi acceptum, cum

cum frui quam prohiberi somniis mallet, multa enim ei, dum curis se relaxaret, per quietem sæpius obvenire retulit. Quæ sponte deinde excitata, in vivis esse Thormodum abdiqve domo Gamlii, Grimæque industria sanari perhibet, jubetque lembunculum absqve mora navalibus educi, quo improvise imparatis & ignaris superveniat, sed impetrandus Thorkelis de Brattahlide consensus, imo & itineris societas & auxilium, cum Gamlium ille, ut cæteros jurisdictioni suæ subiectos curiales, certissime protecturus videatur. Einarsfiordo quindecim vernis comitata solvens, nocte tunc diurna luce illustri, Brattahlidem pervenit, Thorkelisque auxilium implorat, eumque comitem deposcit, quo certius cognoscat Gamlium nulla à se injuria affici. Ille fidem excedere respondit, hominem sine censu, sine ministeriis, sine cognatis & prope sine lare in tantum armari, ut proscriptum publica auctoritate virum, ubiqve impune, imo nec sine præmio, occidendum, tantæ domus familiæque apertum inimi-

M. 3. cum

cum hostemque capitalem hospitio exceperit, ne tamen jure de se qveri possit, haut ei studium suum defuturum; adque prandium invitatos tantisper detinet, donec viginti suorum vicinia excitos comparasset, solerter provisorus; si forte disensus interveniret, ne viribus inferior, ejus subjiceretur arbitrio. Rectà deinde ad villam Gamlji pergunt. Sed nec horum quicquam Grimam latuit, nam & ipsa quoque per quietem eadem nocte oblati imaginibus, perturbari cæpta, nullo interpellante, tandem evigilans, prædicit Thordisem de Laungunesia, magicis artibus, de Thormodo edoctam, filiumque ejus Bodvarem cum Thorkele de Brattahlide postridie eò venturos, monet itaque, ut maritus eo die domi remaneat: ipsa se ad eos accipiendos accingens, cellam, cujus apicibus Thoris effigies insculpta erat, in medio cænaculo collocat, præcipitque, ut ei Thormodus interritus immotusque insideat, nec advenis assurgat, morituros mortem non evitare, nec victuris eam metuendam; marito focum instruendum, phocarumque carnes lebere,

te, sed segniter, elixandas tradit, quo densior fumus universam domum impleat, ipsa hospitum curam sibi deposcens, in vestibulo ad colum sedens, filaque duccens, varios ore modos incinuit, cum accedens Thorkell officiose excipitur. Mox itineris scopum exponens mandat, ut Thormodum, quem adversus tantam persequventium vim defendere nequeat, protinus dedat, illa vero mirari se ait, quod illis in mentem venerit, quod hunc hominem in tugurio suo quærant; quomodo hæc cohæreant? se enim fortunæ inopes extreme pauperes, qui operis diurnis vix ac ne vix quidem miseram vitam tolerent, tam projectâ audaciâ, ut hostem Thordifis, procerum iudicio damnatum, tectis suis recipiant, protegant, fiant, sustentent. Id vero perinde esse, ac si catulus leonem allatret, Thorkell credibilem conjecturam confessus, tamen ut ab illa hanc opinionem amoveat, se omnes domus ejus suspicionumque latebras peragraturum. Id vero respondit Grima longe minore comitatu fieri posse, neque tamen se refragari, quominus

ille

omnia lustret, reculas autem suas Finars-
fiordi accolis ostentui fore nequaquam
se permissuram. Ille se solum sola Thor-
dis comitatum exploraturum; moxque
ut dixerat ingressus uterque, per explica-
ta totis ætibus fumi volumina proceden-
tes, parum in ea examinanda profece-
runt, infestâ igitur oculis fuligine repulsi,
tactum conscendunt, amotisque singula-
rum ædium fenestris, fumo viam aperi-
unt, quo exhalante è culmine singula in-
spectant, visa autem cella cum ectypa
Thoris imagine, malleoque, Thormodo
nusquam apparente, Thordis exclamat:
Siccine etiamnum in domo tua supersunt
veteris gentilismi vestigia, incisus in se-
deculæ cacuminibus Thor? Tum Grima,
nec id sine ratione, respondit, quippe lon-
ge hinc sacra ædes, difficilis aditus, no-
bis præsertim, qui avium rus & infrequens
incolimus. Istius igitur usus defectum
piis meditationibus rependo. Dum enim
hanc effigiem inspicio, reputo simul quod
eam in potestate habeo, igne cum liber
consumendam, quanto autem potentior
ille,

ille, qui cælum & terram ex nihilo creavit, & ad nutum suum omnia gubernat? Tunc Thordis : Hæc utcunqve se habent, certe ubi Thorinodus sit, nosti, & ni Thorkell jam viribus superior adesset, tormentis veritatem exprimerem. Illa divinentes sæpe hallucinari respondit, Deo vero acceptum referendum, quod eam ad maleficia ultro ruentem sæpius sufflaminent, condonandum divinanti si erret, non item ei, qui iis, quæ oculis perspiciunt, fidem derogant. Atqve his talibus ultro citroqve jactis, cum jam operam lussisset, Thordis cum comitatu domum reducta est, Thormodo ibidem, quoad sanitati restitutus esset, remanente. Tum vero beneficiis liberaliter repensis, Stockanefiam rediit, tertiamqve ibi hyemem in separata domo sine arbitris exigit.

CAP. XXIV.

*De Lioti de Laungunesia
cæde cum tribus comitibus*

*à Thormodo & Steinare
occisis.*

Interea Skufus & Biarnius, venditis Stockanefia aliisque eorum villis armentis quoque & pecudibus, proximo vere decreverunt cum tota familia in Norvegiam migrare, atque in eum finem, navem, quanta poterant celeritate, appararunt. Interea Thormodus latebra egressus, Eigille solo comitatus Einarsfiordum repetit, quem, ne sibi esset impedimento, tali commento à se removet. In puppi sedens, se hinc inde magnis motibus agitans navigium in diversa latera impellit; quod conspicatus Eigill quærit, an intemperiiis actus, navem quoque fluctibus involvere nitatur? ille irrequietum sibi animum confessus, navem desubito evertit, urinandoque ad terram pervenit. Sed nec Eigill natandi imperitus erat; nam undas eluctatus, cimbaque restaurata, Thormodum periisse ratus Stockanefiam rediit, submersumque referens, fidem tamen non meruit. Ille ad prædium Håmar, parum

rum Laungunefia distans, ubi alia Trolli
 foror, nomine Thoruna, cum filio Lioti
 habitabat, eodem vespere pervenit, pul-
 satusque foribus intromittitur; Rogatus de
 nomine Osvifum se appellavit (etiam il-
 lud nomen viris proprium, hodieque
 apud Islandos in usu, confidentissimum
 significat.) Mater ibi familias melioris no-
 tæ nomine Sigridis, cui, filius Sigurdus, ma-
 tura ætate. Illa solere interdum nomina
 gerentium ingenia exprimere, respondit,
 eumque ad hospitium per noctem invitati;
 postridie vero accedens, quò, inquit,
 Thormode pergis? ille Osvifi nomine se
 suamque personam heri professum respon-
 dit, & illa nec se istius oblitam, quo ta-
 men Thormodus Kolbrunaskald velare-
 tur, ante quidem sibi nunquam visus, sed
 simul ac advenisset cognitus. Confesso
 Laungunefiam ad ulciscendum Liotum,
 qui famam suam calumniis inquinaverit,
 se profecturum, filium suum comitem ob-
 tulit. Ille veritus, si forte Liotus aliquo
 vulnere violaretur, ne intutum ei domi-
 cilium deinceps in Gronlandia foret, con-
 ditio-

ditionem recusavit. Illa verò se, pluresque alios toties ejus matrisque injuriis oppressam irritatamque quæsta est, ut parum referat, si vel maxime vindictam pensaret exilio. His dictis uterque Laungunensiam petunt, pulsatisque foribus Liotum evocant, qui cognitò vicinum adesse, aliumque nigro crispoque capillo, Thormodum conjectans, hastatus foras fæminis comitatus procedit, eoque agnitò, hastam in pectus destinatam sed securis objectu retortam in pedem infra genu magno ictu impegit, graveque vulnus infligit, sed dum se ad ictum inclinat à Sigurdo inter scapulas graviter fauciat. Mox validiore Thormodi incussu, femore suraque discuneatis concidens à mulierculis excipitur, clausoque ostio, ultimo periculo eripitur. Inde Thormodus Sigurdum ad matrem gestorum nuncium remittit, quibus cognitis, eum in Stockanensiam ire jubet, pacisci que cum Skufo & Biarnio, ut villas suas & immobilia vendant, seque cum bonis omnibus & rota familia secum eodem vere in Norvegiam transportent. His mandatis instructus, ad Thormodum, qui eum interim expectabat

ctabat, rediit, simulque Stockanesiam per-
veniunt, & quæ gesserunt, exponunt, &
quæ Sigridis postulabat, facile impetrant;
distractis enim quæ auferri nequibant, re-
liquam ejus suppellectilem navi inferunt.
Sed nec sic insidiis finem Thormodus im-
ponere contentus; nam vespere quodam
transmisso sinu ad Laungunesiam se con-
fert, circaque navalia tota nocte in insidiis
latet, Bodvaris, quem illo die piscatum
ivisse existimabat, reditum expectans,
verum per mercenarios inter se collo-
quentes, dum piscatum irent, fit certior,
eum Laungunesiam ad curanda Lioti vul-
nera profectum. Mansit itaque in latebris
donec redirent, & tum forte observatus
dispensatori (cui nomen Kar) domum
acceleranti, quem jactu securis sura mu-
tilabat, sed scapha eorum potitus, sinum-
que trajecturus, dum Vikam Grimi, ubi
Gestus diversabatur, domum petit, à
Thordise, per quietem jam iterum de
illo certiore factâ, & filio ejus Bodvare,
cimba quinque remigibus instructâ, per-
sequentibus, prope oppressus tali com-
mento evasit. Tranquillo profectos, nox
den-

denſaque caligo, cum mutuo proſpectu prohibuiſſet, ſed appropinquantes remorum ſtrepitus prodidiſſet, everſa cimba, ad proximam inſulam, ſed à continente remotam, exiguam quidem illam, humilem & hybernis fluctibus perviam, algofam muſciſque marini cumulis oppletam natando pervenit, acerviſque ſe profunde infodit. Cum autem perſecutores in everſam cimbam inciderunt, periſſe rati redeundum monuerunt, matrona ſtropham agnoſcens, inſulam luſtrat, haſtiſque acuminatis muſcoſa rimatur, non ſine latentis vulneribus, quæ contenta voce fortiter diſſimulavit. Iis deinde dilapſis, interjectos ſparſim ſcopulos natatu aſſecutus, ubique requieſcens proxime tantem ad continentem provectus eſt. Addunt fabulam, ad diviniorem genium Sancto Olafſo, etiam cum in vivis eſſet, conciliandum. Nam cum inſoſſus marino fūco, ſub nota probri ni reſponderet, à Thordife provocaretur, cum vocem edere vellet, ob tortis faucibus inhibitus dicitur, cum illius opem invocaret; eademque nocte Grimo de Vika, ubi Geſtus triennium extraxit, tradunt

tradunt obvenisse in somno imaginem illius, indicasseque poetam suum opis indigum in scopulo quodam non procul à continente jacentem periclitari, utque illi protinus subveniret injunxisse. Ad visionis autem confirmationem aperuisse hospitem ejus, qui se Gestum appellaverit, virum esse Islandum, patriâ ad ulciscendum quoque Thorgeirem profectum, Steinarem appellari, cognomento Helgu-Steinarem, partem tamen minimam ulationis ei, quantumvis strenuo, fatis destinatam. Mox Grimum quæ somniavit Gesto exposuisse, quo, ea, quæ ad se pertineret, vera confitente, ambos simul ad inqvirendum Thormodum profectos, repertumque domum trantulisse, sanasse, sanatum ad Skufum deduxisse. Quo vero dieis vela daturus erat, iterum Thormodum & Steinarem incio navarcho, ad Liotum denuo digressos, eum cum tribus comitibus piscationi intentos derrepente adortos, omnes occidisse. Atque hoc ultimo gestorum velut monumento Gronlandis relicto ad navem rediisse, portuque solvisse, inque Norvegiam transfretasse.

Stei-

Steinarem vero Brattahlide ad Thørkelem remansisse, Sigridemqve & filium ejus Sigurdum, comparatis in Norvegia villis ibi deinde vixisse, Biarnium Romam ad Apostolorum Petri & Pauli limina profectum, in eodem itinere decessisse; Skufum autem cum Thormodo apud Sanctum Olafum quoad vixerunt remansisse. Et Thormodi quidem gesta, & invicta in Regem fides, singularis amor & gloriosa mors, in vita Regis descripta sunt. Hæc autem cum illi fine prolixiore digressu inferi nequeant, Arngrimum imitatus, quod in Grønlandia gesta sint, ejus descriptioni adjeci. Verum fateor me plura transcribere, quàm credere, ultum fuisse Thorgeirem, hos etiam ab eo occisos non dubito, nam id carmine superstite ipsemet S. Olafus quærenti professus est. Verum an eodem ordine modoque ut hic describitur, valde ambigo, cum tamen acceperim, subducere nolui Totam Thorgeiris vitam, partem quoque Thormodi, ad calcem historiæ Sancti Olafi contexui.

CAP.

CAP. XXV.

Continens succinctam Arngrimi expositionem de Kroka-Refo, totiusque narrationis refutationem, ut & de Thrando quòdam Norvego in Grönlandiam à Magno Bono ad evitandam Haraldi Strenui persecutionem misso.

Libet hic (inquit Arngrimus) alium actum (de Thormodo prius egerat) res Gronlandicas nonnihil concernentem annectere, quamvis hæc vix digna, quæ legantur, quæ nos tamē quorundam Scriptorum, etiam magni nominis exemplo in argumentis seu materiis, non multo nobilioribus occupatorum, facile si quis urgeat, excusabimus. In Islandia occidentali vil-

N

la

„ la Kvennabrecku natus est, quem Islan-
 „ di Ref, ego Rufum non ex nominis fi-
 „ gnificatione sed literarum & soni confi-
 „ nitate appello, non procul ab anno
 „ Christi M XV. patre Stenone & matre
 „ Thorgerda. Hic in pueritia etiam ado-
 „ lescens segni otio torpere visus est, sed
 „ in hoc torpore incredibile ingenii ad
 „ omnes res gerendas acumen delituit,
 „ ac animus pariter generosus, ac con-
 „ stanti severitate & prudentia præditus,
 „ in secundis minime luxurians, in ad-
 „ versis infractus, ergo adolescentiam
 „ jam ingressus apud avunculum degens,
 „ navim onerariam, nullo monstrante
 „ magistro, affabrè fecit, quæ navi in Gron-
 „ landiam vectus apud Bernonem quen-
 „ dam habitantem in pago Hlid (fortasse
 „ Brattahlid) divertit, ejusdemque filia
 „ Helga in uxorem ducta, decedente pau-
 „ lo post socero in omnium relictorum
 „ bonorum jus & possessionem succedit.

His nati filii.

„ Steno Biorno Thormodus
 „ Jamque totum novennium in prædicto
 „ Gron-

Gronlandiæ pago quietè vixerat, cum „
 à vicinis contumeliosissima injuria ad „
 cruenta ausa lacefferetur. Injuria hæc „
 fuit. Pagum vicinum Vic incoluit qui- „
 dam Thorgefillus, cognomento Vikr- „
 scalli (calvafter Vikensis) is filios qua- „
 tuor habuit, homines fastu & malevolen- „
 tia notos, cujusmodi ipse pater Thor- „
 gefillus. Rufus enim rebus gerendis in- „
 tentus, eò etiam anno (quem in Gron- „
 landia nonum egit) navim vectoriam „
 in fabrica habebat, in vicino litore, un- „
 de sæpe bene sero vespere redire do- „
 mum solitus est. Semel igitur cum „
 medio esset itinere, vidit ursum tremen- „
 dum obviam sibi procedere, quare cum „
 inermis esset ad officinam suam secu- „
 rim petiturus arboream pedem retrò „
 convertit. Interea Thorgefilli filii pi- „
 scatu redeunt, conspectum ursum o- „
 mnes adoriuntur & crucidant. Simul „
 Rusi vestigia retro conversa in nive re- „
 centi animadvertentes, unde illum „
 tanquam effœminatum & timidiculum „
 apud omnes diffamabant, quod urso „
 congrèdi non fuisset ausus. Istud pro- „
 brum

„ brum Rufo tacite sufferente, illi cum
 „ patre insultare & maledicere pergunt,
 „ dicentes Gronlandiæ in æternam igno-
 „ miniam cessurum, quod eum recepis-
 „ set incolam, qui ob enormia flagitia &
 „ dedecus Islandia exulasset, quod tale fu-
 „ isse inhumanissime & plusquam hostili-
 „ ter commenti sunt, Rufum nempe quo-
 „ libet die nono recurrente in scœminam
 „ transmutari solitum, ac viri congres-
 „ sum expetere. Hoc inauditum pro-
 „ brum Rufus prudenti dissimulatione
 „ fusque deque tulit, quoad bonis immo-
 „ bilibus & armentis, mercibus & argen-
 „ to divenditis, de prompta fuga com-
 „ modum sibi prospexisset, monitusque
 „ interea ab amico quodam, qui cuncta-
 „ tionis consilium non intellexit, ut con-
 „ tumeliam aliqua celebri contumelia re-
 „ poneret; respondit, non tam sibi de
 „ vindicta cogitandum, quam rebus suis
 „ in futurum prospiciendum. Cum enim
 „ Thorgefillus generum haberet quen-
 „ dam Gunnerum, terræ præfectum seu
 „ prætorem, satis intellexit Rufus sibi non
 „ juridico processu expostulandum de in-
 „ juria

jura cum reis, sed armis. Omnibus „
 igitur ad properatum discessum circum- „
 spectè comparatis, solus Rufus Thor- „
 gesilli ædes accedit, lancea ferro lato & „
 acuminato prædita instructus, filiis „
 Thorgesilli quatuor piscatu operanti- „
 bus ingreditur, hospitem lixanda ferina „
 occupatum salutat, & ut pro injuriosis „
 maledictis beneficium reddat exposcit, „
 quod cum Thorgesillus non modo renu- „
 eret, sed eadem insuper maledicta in os „
 cumlaret, à Rufi lancea mox perfodi- „
 tur. Unde Rufus ad mare digressus, & „
 cum filiis quatuor Thorgesilli piscatu „
 redeuntibus injuriæ similiter maximæ „
 reis congressus, omnes solus jugulat. „
 Ergo jam metu præfecti, cui incolæ o- „
 mnes adhærebant, cum familia bene „
 numerosa navim conscendit, in desertos „
 Gronlandiæ sinus contendens, ubi to- „
 tum quadriennium æque commode ut „
 antea inter ipsos Gronlandos degebat, „
 sylvis nempe præstantissimis, ædifici- „
 orum materiam, feris autem & pisci- „
 bus, tam in mari, quam aliis piscinis „
 ad victum necessaria ubertim suppedit- „

„ tantibus; Gunnero interea illo Gronlan-
 „ diæ præfecto frustra sese cum suis quæ-
 „ rendo torquentibus & tandem periisse
 „ Rufum pro certo habentibus. Elapso
 „ quadriennio Barderus quidam Regius è
 „ Norvegia mercator, astuti ingenii ho-
 „ mo in Gronlandiam appulit, Gunne-
 „ rumque illum terræ primarium invi-
 „ sit, deque Rufi facinoribus inaudiens,
 „ nescio qua animi sagacitate persuasus
 „ non periisse Rufum, sed in abditis Gron-
 „ landiæ finibus latere, & ut gloriolam
 „ aliquam hoc pacto venaretur, Gunne-
 „ ro novæ inquisitionis auctor extitit, cu-
 „ jus & ipse Barderus cum Gunnero an-
 „ tesignanus perveniunt, investigando in
 „ finum quendam, variis terrarum flexi-
 „ bus intricatissimum, ut in deserto litore
 „ schidia quædam sive ramentorum ligno-
 „ rum cineres deprehendunt, quibus ma-
 „ teriariorum officinæ abundare solent,
 „ quæ cum Barderus accuratius inspice-
 „ ret, ea continuo superstitis Rufi indicia
 „ habuit, exiisdem de ipsa arte fabili, quæ
 „ præ cæteris Rufus pollebat, iudicium
 „ faciens, nec procul inde digressi vident
 taber-

tabernam quandam ligneam, figurâ „
 quadratâ, & tanta arte compactam sev „
 coassatam, ut tota solidi instar ligni ap- „
 pareret. Hæc Rufi domus proprio „
 Marte & arte extructa, quam hostes „
 mox congestis ex vicina silva cremiis „
 ac stolonibus, cum arborum caudicibus „
 jam arefactis, horribili incendio adori- „
 untur. Cæterum homo subtilissimi in- „
 genii canales ligneos, antea nunquam „
 certe visos, & nescio an auditos excogi- „
 tarat, per quos in terræ viscera profundè „
 defossos, aquam copiosam è propinqua „
 valle in suam machinam & molem ligne- „
 am derivarat, unde jam ex multis velu- „
 ti episthomiis affatim profusa, subjectas „
 ab hostibus flammæ facile restinxit; „
 atque igitur cum nec igne nec armis, „
 quæ Rufus ex loco altiore facile propul- „
 sabat, quicquam proficerent, hostibus „
 re infecta discedere visum, Bardero ad „
 ultimum vale minitante se secundo ad- „
 ventu fore Rufi consiliis superiorem, „
 quoad ille nunquam propriis viribus in- „
 genii affecuturum respondit, nec omnino, „
 nisi ab alio rerum magis experto in- „
 N 4 stru-

„ strueretur, ipsum Haraldum Crudelem
 „ Norvegiæ Regem innuens. Hinc Bar-
 „ derus Norvegiam revisurus, Gunnero
 „ persuasit, ut Regem Norvegiæ sibi ali-
 „ quo officio devinceret, cujus sapientia
 „ & consilio Rufi illud propugnaculum
 „ demoliendum esset. Gunnerns igitur
 „ Norvego hæc tria officii gratia mittebat
 „ 1. Ursum cicurem colore niveo. 2. Sca-
 „ chiam seu latrunculos ad ludum Sca-
 „ chiae pertinentes, ex balænarum denti-
 „ bus arte formatos. 3. Integrum caput
 „ vituli seu canis marini (ex majorum
 „ genere, quem supra descriptum Rostun-
 „ gerum appellavimus) sculptoria arte
 „ mirifice ornatum, cui adhuc dentes in-
 „ fixi erant. Rex dona lætus accepit.
 „ interim tamen suo Bardero auctor esse
 „ voluit, ne quicquam ulterius contra
 „ istum Rufum tentaret, cujus ingenium
 „ solers ac sapiens ex dictis satis Rex per-
 „ spexerat, in eo enim si pergeret Barde-
 „ rus cum summo ipsius periculo conjun-
 „ ctum fore ait. Nihil istud curans Bar-
 „ derus Regem de consilio rei felicius
 „ contra Rufum gerendæ instanter sollici-
 „ tat,

tat, tum suo tum Gunneri nomine, qui ,
 munera tam Regi digna misisset, vi- ,
 ctus hominis oportunitate, tandem Ha- ,
 raldus de canalibus Bardero suggestit, ,
 quorum ille prorsus ignarus fuerat, ,
 Haraldus vero in exteris eorundem u- ,
 sum didicerat; monet igitur fossam pro- ,
 fundam circum illam Rufi machinam ,
 seu tabernam ligneam faciant; ea enim ,
 ratione canales deprehendi & diripi ,
 oportere, ipsamque tabernam per conse- ,
 quens facile dirui. Ergo jam Barderus ,
 consilii plenus Gronlandiam repetit, a- ,
 scitoque Gunnero & lecta sociorum ma- ,
 nu Rufum invadere & aggredi parat, ve- ,
 niens igitur prout fuerat à Norvego ,
 edoctus canales effregit, aquæ ductus ,
 interceptit, admotisque ut prius rapidis- ,
 simis flammis, Rufum cum familia, ,
 moli ista lignea inclusum pessundare ,
 fategit. Cæterum ea res Rufo haut ,
 præter opinionem accidit, quocirca il- ,
 le intra sui istius propugnaculi latera ,
 scapham mediocrem fabricatus fuerat, ,
 eamque subjectis machinis arduo positu ,
 ita collocavit, ut eo molis (in extrema ,

„ maris margine politæ) latere quod un-
 „ das spectabat primum consilium aucto-
 „ ris, cum incendium interitum mina-
 „ retur, scapha ruente, quam hospes
 „ cum paucis sodalibus ascenderat, reliqua
 „ familia cum majore navigio in abditis
 „ sinus præmissa, in subiectos flu-
 „ ctus sponte defileret, quatuor ex hosti-
 „ bus molis ruina oppressis, & Rufus per
 „ scapham hoc modo servatus est. Nec
 „ mora eum Barderus è vestigio remis
 „ velisque insequitur, quod ut Rufus ani-
 „ madvertit, suam nempe fugiendo ope-
 „ ram ludi (quod hostes non paucos sese
 „ prævideret, indefesso itinere assecutu-
 „ ros) cursum scaphæ sistit, nihilominus
 „ tamen remorum motu contrario se
 „ pergere simulabat, quæ res hostibus
 „ imposuit, etenim suæ navis cursum,
 „ quam summa animo corporisque in-
 „ tentione & vehementia impellendo a-
 „ gebant, sistere tamen subito non pote-
 „ rant, quocirca illorum opinione citius
 „ navium cursu facto, Rufus Barderum
 „ in puppi confidentem hasta velitari
 trans-

transfodit , filius autem Steao hosti-
um rudentes acinace dissecuit, malum
cum velo è navi in fluctus corruit, pa-
rumque affuit , quin ipsa simul navis
everfa periisset. Injicit hic casus ma-
gnam hostibus remoram, & Rufus fu-
giendi occasionem sat commodam na-
ctus est, qvare sic elapsus suis cum ma-
jore navigio è prædictis sinuum latebris
in Norvegiam appulit, substititqve Ni-
darosiae, ubi dum Haraldum Crudelem
N. Regem residere cognovit , medita-
batur autem sedulo aliquam rationem
Rufus, qva Norvegico tyranno ægre-
faceret, ob data consilia prædatoria ho-
stibus, id qvod ex parte successit. Ut
enim Nidarosiae commoratus accidit,
ut quidam ex Regiis Granerus nomine,
Rufi conjugem ad concubitum sollici-
taret, qui ab interveniente Ruso, cum
illa casto animi & corporis robore re-
pugnaret adultero, fugiens occisus est.
Fuit is Regi intimus ideoqve & hujus-
modi Regia potentia fretus in multos
impune audebat, homo inprimis flagi-
tio

„ tiosus, fastu maximo, & alienarum vir-
 „ tutum contemptu turgidus. Porro Ru-
 „ fus, postquam Norvegiam attigit, faci-
 „ em, assumpta larvâ senili, & habitum
 „ cum nomine mutarat, Narferum se ap-
 „ pellans, ne videlicet ex nomine aut fa-
 „ cie à reversis Barderi sociis agnoscere-
 „ tur. Erat autem lex Norvegorum &
 „ hodie Islandorum, si quis homicidium
 „ committeret, ut intra duodecim hora-
 „ rum spatium, coram testibus scelus fate-
 „ retur, ita enim confessa cæde scelus erat
 „ piandum, non confessa, aut non secun-
 „ dum legem confessa, inexpiandum. Ne
 „ igitur Narferus (scilicet Rufus) sceleris in-
 „ expiandi reus foret, eodem die Regem
 „ adit, conventum frequentem celebran-
 „ tem, Regemque compellans homicidi-
 „ um fatetur clarâ voce, sed iis ambagibus
 „ ea verborum perplexitate & involucris,
 „ ut lingua vernacula loquentem, nullus
 „ omnium, qui aderant, intelligeret, nec
 „ ipse Haraldus (omnibus ut dignitate ita
 „ ingenio & sapientia superior) tam subi-
 „ to, quin interea daretur Rufo commo-
 dum

dum abeundi spatium, dum Rex ænig-
 maticum illius colloquium penitus me-
 ditaretur, qva etiam occasione usque
 ad navim, qvam in promptu habuerat
 se conferens in altum solvebat, Rufus
 igitur Norvegi manibus ad Svenonem
 Ulfonis filium Daniæ Regem se contulit,
 ei qve merces Gronlandicas raras & pre-
 tiosas, qvibus Danus jam diu, ob diu-
 turnas cum Norvego inimicitias caru-
 erat, attulit, & inter falcones 50, qvo-
 rum 15. colore erant niveo, ad hæc
 ursos Gronlandicos qvinque, ejusdem
 coloris nivei, præterea dentes balæna-
 rum & ferarum exuvias magni pretii,
 in his etiam pelles canis marini, cujus
 supra fit mentio Rostungeri nimirum,
 unde eo seculo funes anchorarii & navi-
 um rudentes fiebant, postqvam igitur
 Danum hoc pacto sibi conciliaffet, duo-
 decim fundorum usum fructum, qvo-
 ad viveret, in Jutia sitorum in Vendel-
 fyssel remuneratione accepit, filius
 duobus Stenone & Biornone in aulam,
 adscriptis. Porro Haraldus Norvegiæ
 Rex fraude tandem intellecta, cogno-
 men

„ men absenti indidit Kroka Refr, vel Kro-
 „ ka Ref, krokr enim metaphorice sophis-
 „ ma, dolum, fallaciam illis denotabat; ad
 „ hæc ob amissos Rufi gladio familiares
 „ duos Barderum nempe & Granerum,
 „ non leviter indolens. Eiricum qvendam
 „ Graneri fratrem superstitē navi bellica
 „ & sexaginta militibus instruit, eiqve in-
 „ jungit ut Rufum, si non posset vī aperta,
 „ ex insidiis opprimat, qvæ res ita succes-
 „ sit, ut Eiricus amissis qvinquaginta suorū
 „ in Norvegiā à Rufo dimitteretur, & Ru-
 „ fus deinde Romipeta factus decessit in
 „ itinere in qvodam Franciæ monasterio
 „ honorificè sepultus, filiis duobus in ma-
 „ gna æstimatione apud Danum viventi-
 „ bus, nobilibusq; porro auctis conjugiiis,
 „ qvorum etiam posterī in præcipua Da-
 „ niæ nobilitate locum obtinent. Filius
 „ tertius natu minimus, Islandiam vidit,
 „ ibidemqve etiam haut ignobilis fami-
 „ liæ parens extitit. Sed hæc justo pro-
 „ lixiora superius dicta ratione excusan-
 „ da.

Quamvis hanc narrationem in Serie
 Regum Daniæ libro primo cap. III. ex
 parte

partè examinaverimus, larvamque ei ut-
 cunque detraxerimus, tamen cum Arn-
 grimus annum nativitatis ejus à nostris
 rationibus longe diversum statuerit, etiam
 nobis monstrandum est, illum in eo quo-
 que hallucinatum esse; quod si Haconis
 Adalsteini alumni & Haraldi Imperiosi
 tempora spectamus, inter exitum illius
 & initium imperii hujus anni XCVI. in-
 tercedunt (nos enim veterem calculum
 ibi secuti excessum Haconis in annum
 CMLXI. retulimus, interstitiumque an-
 nis LXXXV. (sic enim scripsimus licet
 chalcographus LXXXI. reposuerit) di-
 mensi sumus, jam errore adinverso
 finem vitæ ejus anno CML. applicamus)
 quid autem collatio habitationis patris Ru-
 fi cum imperio Haconis huc facit? ni mon-
 strandum sit, illo regnante Refum quoque
 natum fuisse, utpote de quo narratio in-
 stituenda erit, aut tanquam rarum quid
 & naturæ infreqvens & proinde notatu di-
 gnum, quod vir, qui ætate integra sub Haco-
 ne floruit, affectus senio potuerit progene-
 rare istum filium, & tunc oportuit addi,
 quoto ætatis anno eum procreaverit, vel
 deni-

denique quod illo tempore primum in Islandiam migraverit, prædiumque Kvennabreckam occupaverit; cum autem nihil horum hic locum habeat, potius concludendum statuo, auctorem monuisse Hacone Rege imperante, Refum natum esse. Jam patris ætatem inspiciam. Admodum senex fuisse perhibetur; id an ad Haconis ætatem referendum sit, an hujus extrema non divino, id controversia caret, ætate Haconis ad viriles annos provectum cum paterfamilias, maritusque, si non etiam pater, factus sit, nec hoc forte extremis Haconis annis, illud tamen ita fuisse largiar, fuerit annorum viginti, natus erit itaque anno CMXXX. anno ergo ætatis LXXXV. Refum genuisse oportet, si is anno MXV. natus erit, jam vero Refus vivo patre adolevit, nam tertio anno postquam ille excessit, injurias matris ultus, vicinum occidit, virilesque operas præstitit. Sedecim ad minimum annorum tunc fuisse statnam, assecutus itaque est annum gratiæ MXXXI. Tunc vero apud avunculum suum Gestum Oddleifi filium Sapientem dictum per fugium habu-

buisse traditur, ibique anno posteriore navem vectoriam ex alterius fragmentis, in abdito loco solus, nemine conscio, sine ullius ministerio ædificasse, quæ is postea in Gronlandiam vectus fuerit, cum tamen tale navium genus nunquam antea viderit, tantum ad simulachrum exiguum, quod ipsi donatum erat. Quod si hunc annum cum ætate Gesti conferimus, patet eum tunc dudum mortuum esse, id quod ex historia, quæ Laxdæla inscribitur, facile demonstratur, quæ quamvis diversas hypotheses sibi invicem repugnantes proponat, utraqve tamen monstret Gestum ante hunc annum vivis excessisse, desumptæ autem sunt ex Gudrunæ Osvifi filiæ, quæ Regis Haraldî Imperiosi Stallarii Ulfi avia erat, ultimis nuptiis cum Thorkele Eyulfi filio Arii Polyhistoris proavo, nam annos qui eas præcessit Gestus naturæ debitum solvit. Decessit autem Thorkell Eyolfius quatuor annis ante excessum Sancti Olafi, id est anno MXXVI. reliquit autem ex eadem uxore Gudruna filium Gellerem Arii Polyhistoris avum tunc annos natum XIII. Anno ergo

O

MXII.

MXII. aut etiam prius nuptias cum ea celebrasse necessario concluditur; Denatus itaque erit Gestus anno MXI. aut etiam prius. Prius ergo Gestus Refi avunculus mortalitatem explevit, quam Refus in lucem editus est; quod si alteram hypothesim excutiamus, parum quoque illa Refo favet, supponit autem priorem Gudrunæ maritum Bollium anno MVI. cæsum fuisse; nupserit ergo anno MXVIII. Ergo Gestus qui anno; qui præcessit, mortuus est, bimulo Refo decessit; prior tamen hypothesis vero proprior est; neque enim Gudruna tot annos in illa viduitate transēgisse videtur. Arngrimi calculatio à tempore quo Haraldus Imperosus vixerat desumpta est. Is ad imperium Norvegiæ sublatuſ est anno MXLVI. gessitque usque ad annum MLXVI, quo intervallo Refus, jam trium filiorum pater, ætate viribusque vegetus ad eum pervenit. Annum itaque ætatis ejus trigessimum primum cum initio imperii composuit, eo quod, quæ Refo tribuuntur, illam potissimum ætatem requirunt. In Gronlandia annos tredecim vixisse dicitur, fuerat ergo septem-

ptemdecim annorum, cum navem extruxit. Sed hæc conjectura tantum est, & refellitur ex anno mortis Gestii, quem Arngrimus non observavit, quæ certe nec immatura erat; nam ex Gislii Sursonii historia constat, eum ad minimum triennio antequam natus erat Snorrius Curio Helgafellensis, ejusque pater occisus, virilem togam assumpsisse, idest circa annum Christi CMLX, ita ut prope septuagenarius mortuus sit. Jam annum ætatis Refi decimum septimum, quo ad Cestum profugit, conferimus, cum penultimo vitæ ejus anno (licet cum prioribus etiam conferri possit) is est æræ Christianæ MX. natus erit anno CMXCIII, & proinde annorum LIII. cum Haraldus strenuus ad scoptra pervenit, annisque proximis ad sexagesimum processit, quæ certe ætate larva ad senium simulandum nequaquam opus erat; & quorsum illa, cum nemo illum ex facie cognosceret? Quomodo in Thrandia Rege quoque præsentem quinqueursos niveos, & quinquaginta falcones occuluit, inque Daniam devexit? An & Rex, qui singulas illius ambages memoria

tenuit, adeo dormivit, ut nihil ab eo quæ-
reret, cum tamen cædis confessio facile eli-
ci possit. Satis ex his & iis, quæ in Serie
Regum Daniæ legi possunt, constat, hanc
Refi vitam ad genuinas historias referri
non posse. Lufisse hæc videtur vir quidam
ingeniosus, & forte prædii Kvennabreckæ
presbyter, ad celebrandam villam illam
ecclesiasticam, levandumque hyberna-
rum vesperarum tædiosas vigiliæ, mul-
ercularum laneficii labores; personasque
has mercenariis servis suis aut idgenus
aliis imposuisse. Quid sit, certe nec
hoc nihil ad fidem his derogandam facit,
quod inter liberos Oddleifi, quos liber ori-
ginum Islandiæ Landnama dictus Part:
II. cap. XXV. pag. 67. recenset. Refi ma-
ter non extat, nec patris ejus nomen, nec
ulla horum memoria uspiam occurrat.

Subnectam hic aliam ejusdem furfuris
relationem de Thrando quodam Norvego
à Magno Bono in Grolandiam ad evitan-
dam Haraldi Regis persecutionem misso.
Is in Uplandis habitans vir potens ex Kalfi
Arnini familia Regem Magnum in publico
foro,

foro, omnibus sine ullo familiarum officiorum offensusarumque respectu aut discrimine affabilem & obvium propius accedens his verbis affatus est. Haut inficior Clementissime Rex familiares meos in patrem tuum Regem Sanctissimum, teque graviter deliquisse, extra tamen culpam ego, quippe tunc extra patriam; sed præterita magis reprehendi possunt quam corrigi, clementiam tuam, qui cunctis ignovisti, grati agnoscimus exosculamurque, quæ nobis tantam in benignitate tua fiduciam ingenerat, ut nostra in te animi propensione te quoque metiamur. Omnia nostra tibi patent, quantum accipere dignaberis, in tua est potestate. Temeritatem alius, alius arrogantiam interpretabitur, quod peto, fiduciam ego, qua indulgentia tua fretus, in testimonium moderationis tuæ simul ac clementiæ, tantum ut extremam vestem mecum permutares. Annuit Rex, holosericamque accepit, sua longe præstantiorem; mutata & arma rogatu Thrandi, nec eorum minus discrimen. Mox Regem ad convivium invitat, & quam curatissime excepit.

Interjecto tempore cum se præteritum Haraldus cognovit, contumeliam interpretatus, magnam in Thrandum iram concepit. Svenum igitur Girskium (seu Russum) virum ferocem, quem secum ab exteris advexit, jamque præfectura quadam ornavit, virum ad mandata quæque exequenda habilem promptumque cum duodecim comitibus, nigra veste monachali habitu ad Thrandum mittit; qui mane quodam ad villam ejus delati, discretas per agros hominum stationes deprehendunt, sciscitatique, dominé dominus esset, idem ab omnibus responsum, domo nimirum abesse, accipiunt, donec uni eorum flagellis cæso veritatis confessionem exprimunt. Sigurdus erat Thrandi alumnus, qui ut vernas flagellari cognovit, protinus Thrando significat, habitu monachali peregrinos quosdam vernas in agro flagris cedere. Thrandus videri eos sancta loca petituos respondit. Exploratoribus an percussoribus propiores contendenti, experimentum se facturum affirmat, ingressurum separatam domum, hospitibus excipien-
dis

dis adhibitam, eo protinus accessuros, & si sint Monachi pecuniam petitu-
ros, se ve-
ro invitaturum, ut ingrediantur, mane-
antque per horas aliquot, sin autem per-
cussiores, effractis claustris intraturos; es-
se subtus triclinium hipogeum, cujus fo-
res aliæ pavimento tegantur, aliæ alio du-
cant, ibi se permanfurum dum ingredi-
untur, credere autem impetu simul se
omnes infusuros. Jubet itaque pone ja-
nuam latitari, exinde ut ocus se per fores
efferens januam protinus claudat, obdito
repagulo se armatum armato comitatu
protinus adfuturum, redacturumque in
potestatem hospites contumaces. His
ita dispositis Monachi domunculam acce-
dunt, pecuniam postulant, tardius aperi-
entibus effracturos se minantur, Thran-
dus feroces Monachos istos videri ait, ju-
betque aperiri, quod satius esset, quam
ut fores effrangerent; interim Thrandus
cryptam subit. Subito irrumpentes Sve-
nus clausa janua repaguli objectu, omnes
velut in nassa tenet. Adest Thrandus,
singulosque comprehendit, flagris, ex-

emplo ab ipsis accepto, singuli comites
 cæsi, domumque remissi, Svenus deten-
 tus beneque habitus; verum, quod non
 liber, injuriam interpretatus. His cogni-
 tis Haraldus cumulata offensa commoti-
 or. Magnus, evitato dolo, ludibrioque
 ad vindictam adhibito lætior ad eum
 cum comitatu profectus, quid consilii, si
 Haraldus adesset, caperet exploraturus,
 ad proximam villæ silvam cum omni sti-
 patorum grege substitit. Ut vero rela-
 tum Thrando, imminere villæ Haraldum
 cum magno satellitio, excitis sine mora
 vicinæ viribus subito tanta auxilia con-
 gessit, quæ Haraldo tuto opponi posse vi-
 debantur. Postquam paratum ad resi-
 stendum Magnus accepit, indicio facto,
 domum, Thrando cum comitatu, abje-
 ctis armis, obviam procedente, invitatur,
 proque re nata lautè excipitur, Thrandoque certiore facto, quantum ab Haral-
 do periculum instet, in aulam eum suam
 recipit, custodesque ad securitatem ejus
 subornat. Verum cum nec sic quidem
 securum præstare posse videretur, navem
 in-

instrui curat, svadens ut proximo vere in Gronlandiam transfretet, se interea constituturum, qvi villarum ejus rei qve domesticæ curam gerant. Vere primo abeuntem ipse ad litus deduxit, ne Haraldi insidiis obnoxius foret. Extra litus evectum Haraldus nave adortus fertur: verum Magnus aliâ eò transectus, eum vel deterruit, vel pudore potius indecôræ pugnæ à proposito avertit. Thrandus in Gronlandiam delatus, aliquot ibi annos remansit. Fidem excedit, Haraldum Regem generosum & potentem insidias agricolæ fruire dignatum. Magnum quoqve à vi ejus & dolis aliter vindicare neqvivisse, quam relegatione in Gronlandiam, tanquam orbis penes Haraldum imperium esset.

CAP. XXVI.

De institutione Episcopatus in Gronlandia.

Quamvis Adamus Bremensis Historiæ Ecclesiasticæ lib. III, cap. XXVI.

tradat inter alios aqvilonares populos Gronlandos quoque legatos ad Archiepiscopum Bremensem Adalbertum misisse, de prædicatoribus ad se dirigendis, idemque obtinuisse, nobis tamen de iis nihil constat. Itaque quæ annales nostri habent, nobis proposuimus explicanda. Anno MCXXII. vel qui proxime sequitur, incoluit Brattahlidem vir gentis facile princeps Sockius Thoreris filius (Eirico Russo prognatus videtur.) Hic Christianæ religionis, an gloriæ gentis, forte etiam utriusque promovendæ studiosus, cum cæteras nationes eisdem sacris addictas, disciplinæ ecclesiasticæ stabiliendæ gratia Sacrorum Antistitem constituisse animadverteret, nec gentem suam tanti decoris exsortem passus, ad publicum conventum omnes evocavit; ibique copiose disseruit, quam esset necessarium, ut, cum Divino beneficio veri Dei notitiam, ejusque colendi præcepta, pluresque informatores cultusque sacri ministros acceperint, unus moderator iis quoque omnibus imponeretur, qui majore auctoritate & numinis metu gentem coërceret, ad cujus susten-

sustentationem, aliarum gentium exemplo, singuli de suo symbolum liberaliter contribuerent. In id cum omnium consensum impetrasset, placuit legationem in Norvegiam ad Sigurdum Hierosolymipetam dirigi, pro impetrando idoneo ad tantum officium sustinendum viro. Legationi itaque præfecit filium suum nomine Einarem, impigrum virum, & auctoritate verendum. Is voluntati patris morem gerens, magna balænarum dentium, coriiqve Rostungini copia, proceribus muneri destinata, iter instruxit. Horum deinde commendatione, tum etiam causæ pietate Regi insinuat, facile assensum ejus, mox etiam auxilium impetravit. Erat inter alios presbyter nomine Arnaldus, moribus & doctrina tanto muneri idoneus. Hunc Rex precibus sollicitabat, ut in Dei suiqve gratiam illud onus in se reciperet, pollicitus se commendatitias literas ad Archiepiscopum Lundensem Ascherem super ordinatione ejus scripturum, eumqve una missurum. Is onus humeris suis gravius multis deprecatus, præcipue tamen obtendisse fertur,

eruditionis modulum tanti fastigii minime capacem, gentis à politiorum hominum commercio diffitæ ferociam, nudis præceptis monitis aut minis vix ægre domabilem, & tandem perpetuum à patria velut exilium, & cum consanguineis amicisque divortium, quæ tamen sibi minime recusanda, si certus esset labores suos & ærumnas, in usum vineæ Dei profecturas. Cumque suæ in peregrina terra imbecillitatis conscius, parum aut nihil sibi polliceri possit, Einarem jurejurando obligandum esse, ut potentia sua & auctoritate jura ecclesiastica protegat, promoveat, bona mobilia immobiliæque Deo consecrata donataque conservet, vindicet, æque iis vim omnem arceat, violatoresque puniat, totiusque cathedræ episcopatus procurationem in se suscipiat. Rex advocato Einare, postulata exponit, facileque impetrat. His peractis Arnaldus ad Archiepiscopum profectus, productis Regiis literis, benigne excipitur, & initiatur; qui deinde rediens in Norvegiam magna Regis gratulatione honoratus, eadem cum Einare nave Norvegia solvit.

Et

Et ille quoque honoribus, nescio quibus, à Rege, quem urso Gronlandico donaverat, ornatus, votique compos, omnia ex animi sententia expedit. Eodem quoque portu altera nave simul egressus, vir Norvegus, nomine Arnbiornus, in oceano ab illis distractus ad deserta Gronlandiæ naufragus pervenit, diu quidem desideratus, sed tandem, cum nautis omnibus mortuis & ipse mortuus inventus est, de quo postea. Episcopus autem & Einar sævientibus austris ad Islandiæ litora compulsi, finem Holtavads os territorii Eyafiallensis intrarunt, quo tempore Sæmundus Frodius seu Polyhistor prædium Odium incoluit. Is cognito Episcopi adventu ad eum profectus ad hospitium hybernium invitabat. Parum refert, quod inter proficiscendum, ad villam quandam divertens vetulæ se per errorem compellantis instrumentum, quo lana carminatur, refecerit, id quod, ut moderationis exemplum notatum est. Proxima æstate cum Einare, qui sub Eyafiallis hyemem transiit, in Gronlandiæ Eiriksfiordum delatus.

tus. Gardis in Einarsfiordo Episcopalem sedem fundavit, Einarisqve & patris ejus auxiliis & auctoritate plurimum profecit, qui & illos præ omnibus aliis vicissim honoravit & coluit.

CAP. XXVII.

De naufragis inventis, eorumque nave, sedi Episcopali delegata, bonorumque divisione.

Sigurdus Nialis filius, natione Gronlandus, nauta intrepidus, deserta Gronlandiæ venatu piscatuque peragrarè solitus, quatuordecim collegis æstate quâdam, quæ circa montem Hvitserkum explorans forte in focum quendam & venatoria instrumenta incidit; cumque æstate vergente longius proficisci periculosum videretur, nec tamen operæ pretium fecissent, consuluit socios, domumne reversoriam facere, an ulterius tendendo pluribus se periculis objectare placeret; qui per-

perspectam sibi ejus solertiam testati, quamvis animi ad reditum inclinarent, tamen ejus voluntati se obsecuturos profitebantur. Is hætenus parta quidem exigua, quæ vero restent, eorum defectum expletura se animo prælagire respondit. Erat inter nautas quidam nomine Steinthor, vir impetu quam prudentia validior. Is somnium præcedentis noctis expositurus, narrabat, cum hunc finem ingrederentur, quod visus fuerit sibi inter rupes quasdam constitutus, auxilium implorare. Sigurdus haut satis favorem visionem conjectans, ad ambiguitatem vocis allusit; rupes enim patria lingua Biarg in plurali Biorg dicitur, denotat quoque auxilium & vitæ sustentationem, quæ posteriora intelligens: hæc tu inquit ne calcaveris, nec eousque ut vocem continere nequeas. Jam ad interiora sinus navigantes, navem vectoriam magnam conspiciunt, in ostium amnis deductam, aliam quoque affabre factam capitatam coloribusque infectam non procul distantem, egressique in terram tabernam & tentorium offendunt. His visis

vifis ad navem regressi per noctem quiescunt; postridie in trabem incidunt, cui securis, hominisque cadaver adjacebat, ministrum eum cædendis ad usum foci lignis adhibitum ibidem defecisse collegerunt; accedentibusque tabernam aliud quoque corpus non procul à foribus una cum secure inventum famulitii conjecturam præbuit. Tabernam janua occlusam aperire Sigurdus vetuit, ne forte erumpens simul, quæ intus se collegerat, immanis funesti factoris vis ingredientium nares oraque obstrueret. Culmen recludi placuit, ut per fenestram prius rancida corpora, factorem virusque exhalarent; id cum Steinthor ut nimis operosum & superfluum improbaret, in januam irruens, primo Sigurdo repente mutatus observabatur; mox animi impos, magno ejulatu in cursum se concitans, sociis ne quicquam, quantumvis contentiosissime insequentibus, in rimam quandam rupium inaccessam enixus ibidem exspiravit, atque ita somnio celeri exitio defunctus est. Deruto deinde tecto sine ulla noxa, quæ intus erant, lustrantes, præter mortuorum cor-

corpora, multas quoque merces inveniunt. Placuit itaque ossa, per æstuantem lebetibus aquam carne nudata ad ædem sacram transportari, navem vectoriam, quod confracto alveo omnino inutilis esset, detractis ferramentis comburi, reliquam domum devehî. Domum deinde rediit Sigurdus Episcopum adit, ei que hæc omnia exponit, simul & quod sibi rerum inventarum dispositione iustissimum videatur, nimirum ut terra, quæ ossa eorum condenda recipiat, nec bonorum exsors sit; navem igitur sedi cathedrali addicendam, reliqua ex legum Gronlandicarum præscripto inter inventores dividenda, id quod Episcopus iustum æquumque censuit. Jamque omnibus constabat Arnbiornum, qui una cum Episcopo Norvegia solvit, eadem nave vectum in desertis Gronlandiæ periisse, tandem partem reliquiarum illius Gardas delatam in piorum sepulchretis reservari. His in Norvegiam relatis, hæredes minime contenti, jus suum persecuturi in Gronlandiam transfretarunt, (quorum præcipuus Arnbiorni, sororis filius Aulsur, navem illuc

mercatoriam cum pluribus defunctorum
 hæredibus direxit, inque Eiriksfiordum
 devenientes, distractis mercibus, per vici-
 niam hospitii excepti. Ipse Gardis apud
 Episcopum diversabatur. Cumque jus
 suum Episcopo exponeret, negabat ille id
 honeste postulari, quod pro defunctorum
 reqvie animarumque salute semel tem-
 plo addictum fuerit, nec se solum istius
 sententiæ auctorem fuisse, gentis leges
 secutos omnes in id consensisse, nec exti-
 tisse ullum, qui controversiam moverit,
 nec ullum digniorem, qui relicta defun-
 ctorum asservet, quam eos, qui ultimum
 officium iis impenderint, eorumque corpo-
 ra ut irrevocabile depositum custodirent.
 Exinde Auffur hospitium resignans ad nau-
 tas suos concessit, qui hyeme simul transa-
 cta primo vere litem de his in publico
 Gronlandorum judicio, quod Gardis cele-
 brabatur, movit. Ibi Episcopus Einarque
 magno comitatu stipati præsentibus se stite-
 runt, & Einar quidem violentius agens
 ostentui gentem suam Norvegis futuram
 dictitabat, si domi jus sibi lege definitum
 præripi sinerent, nec sperandum illos id
 apud

apud exteros persequi posse, quod domi
tueri nequirent, Gronlandis legibus in
Gronlandia vivendum, secundumque eas,
non exteras, causas aut controversias de-
cidendas, prævaluitque ejus potentia in-
tantum, ut dissoluto judicio Auffur disce-
deret, animo inqvies, quod supra æris hæ-
reditarii jacturam in ora hominum pro-
ludibrio abierit. Verum quò animum ul-
tionis avidum aliquo monumento decla-
raret, duos in singulis navis lateribus
versus carinam asseres excidit. Inde in
Vestfbygdam profectus à mercatoribus
Norvegis, qui unà cum illo eo appulerunt,
recipitur, quorum duæ naves; alteri præ-
fuit Kolbeinus Thorlioti filius & Ketill
Kalfius: alteri Hermundus Kodranus Is-
landus, quem Annales anno MCXCVII.
decessisse memorant, cum fratre suo
Thorgilse, utrique frequens nautarum
collegium. Inter mercatores unus quo-
que nominatur Isagrimus. Hi eum in-
vitarunt, ut apud se maneret, alias ipsum
non satis tutum à machinis Episcopi &
strenuitate Einaris; verum ille ad villam

ubi diversabatur rediit, quæ Kidaberga
appellabatur.

CAP. XXVIII.

De cæde Aulfuris.

Ut vero Episcopus laceratam navem
cognovit, ira magnopere succen-
sus, Einarem arcēssit, expostulat-
que cum eo, quod jurejurando injurias
sibi ecclesiæque allatas vindicandas, re-
fractarios persequendos puniendosque se
obstrinxerit. Manifestum hic apparere
flagitium, contemptum Dei, Ecclesiæ suæ
damnum præfens, vim & jujuriam capi-
talem commissam, injecta bonis ecclesiæ
manu, nō vindicet se eum pro periuro ha-
biturum. Ad ea Einar respondit. Factum
quidem domine turpe agnosco, sunt ta-
men, qui nec sine causa perpetratum exi-
stimant, irritatos erepta hæreditate ani-
mos etiam ad indigna abripi, nec sibi con-
stare, quid ad hæc postulata jure responde-
at. His ab invicem discessum, Episcopo
iram vultu facile prodente; cumque ad
Lan-

Langaniesiæ templum sacris per Episcopum celebrandis cum frequenti auditorio uterque iterum convenirent, eo quoque Aussur profectus, ad australem templi parietem cum domestico Episcopi, nomine Brando Thordi filio, colloquebatur, monitusque à Brando, si Episcopo cederet, omnia melius processura: negabat se post tantas injurias ad id induci posse. Hæc colloquentibus, Episcopus & Einar finitis sacris domum ad prandium à templo procedunt, cum subito digressus Einar in cæmeterium redit, ereptamque parochorum uni securim in Aussuris caput dejicit, lethaleque vulnus infligit; atque ita ad prandium rediens se ex adversum Episcopo tacitus collocat. Deinde Brandus, qui cum Aussure collocutus fuerat, triclinium ingressus quærit ab Episcopo, num quid novi perceperit? Is autem negans, si quid adferret, edicere jubet. Ille stratum jam foris unum respondit. Interroganti deinde quinam is fuerit, & quo auctore, regessit, haut procul abesse, qui perpetraverit, eum id quam planissime explicare posse. Tum

P 3

Epi-

Episcopus quærit ab Einare, an Auffurem occiderit, quo confitente, respondit, factum certe nec bonum, nec tamen inexcusabile. Brando deinde postulanti, ut corpus ablueretur, solennique cantu efferretur, Episcopus, haut properandum, respondit. Einari autem contendenti, ut funus ei honorificum ritu Christiano fieret, reposuit, videri sibi indignum, qui in Ecclesiæ conditorio sepeliatur, se vero id Einari gratificaturum, & quidem ad illud idem templum, cum nullus ibi Ecclesiæ minister resideat, nec prius quam apparatu funebri elato, ullus per Sacerdotes canticorum ritus adhibitus est. His peractis, Einar haut exiguas turbas animo præfagiens, magnam culpæ partem in Episcopum conjecit, potentes namque propinquos cædem persecuturos prædixit. Episcopus autem facile conspirationem eorum discuti posse arbitrabatur, honestæ satisfactionis oblatione, modo ipsi sibi moderari scirent.

CAP.

CAP. XXIX.

De cæde Einaris & compositione pacis.

Cædem Auffuris, quamvis haut in-
 speratam, cum mercatores cogno-
 verunt, ad ultionem expectati quo-
 modo eam exequerentur, inter se delibe-
 rabant, nec viribus Gronlandis adeo im-
 pares sibi videbantur, utpote tribus navi-
 bus numeroque nautarum & virtute in-
 structi, modo qui in Vestrbygda hye-
 marent, cum reliquis unirentur. Simo-
 nem Krakum virum statura roboreque
 egregium, Auffuris propinquum, utpote
 quem hæc causa præ cæteris tangeret,
 ad jus persequendum deligunt, sed actio-
 nem Ketilli Kalso, quod juris Gronlandici
 gnarus esset, demandant, Kolbeinus quo-
 que cum suo sodalicio excitur, qui & ipse
 animo viribusque alacris, admodum æ-
 grè tulit civis sui cædem, non factò tan-
 tum sed exemplo quoque ignominiosam;
 quæ neglecta, animos gentis ad injurias
 in Norvegos tanquam viles animos, &

quicquid liberet audendum propediem
accensura videretur. Itaque magno co-
mitatu ad forum, sed minore tamen quam
constituerant, procedunt, adversa tempe-
state transitum duarum navium è Vestr-
bygda impediēte. Sockius tunc admo-
dum senex, sed auctoritate inter omnes
præcipue pollens, componendis litibus
adhiberi solebat, quippe prudentia & æ-
quitate celebris. Is Ketillem & Kolbei-
num accedens, arbitrium pacificandi po-
poscit, pollicitus, quantumvis sanguinis
ductu in filium pronior videretur, se ta-
men ex sapientiorum consilio cuncta ad
æquitatis normam demensurum. Ketill
jure sibi experiendum respondit, sed ita
ut reconciliationem non respuat, quam-
vis insuetam sibi vim injuriamque ad-
eum usque diem experti sint. Sockius
ne tunc quidem eos, si viribus agendum
esset, pares futuros, inque incerto esse an
publico hoc iudicio plus lucrarentur,
quam suo privato. Jamque ad causæ di-
sceptionem coram iudice processum est,
cum Einar, atteri apud peregrinos gentis
famam testatus, si alienigenæ civibus ju-
dicio

dicio superiores evadant, armata vi ruptis
 vinculis, quibus circulus judicialis con-
 nectebatur, judicium dissolvit. Hac ra-
 tione præclusa juris via, Sockius eos ite-
 rum accessit, oblatamque prius conditio-
 nem adhuc patere affirmabat. Ketill au-
 tem, post cumulas novis veteres Ei-
 naris injurias, nullum compositioni lo-
 cum futurum asseverans, cum suis foro
 excessit. Jamque ver ad æstatem pro-
 cesserat, cum compositioni locus, Eid di-
 ctus, isthmum denotans, media æstate
 delectus est. Ad quem mercatores Nor-
 vegici omnes, & cum iis tota nautarum
 turba Austrbygda Vestrbygdaqve profe-
 cta convenire destinavit. Qua inspecta,
 Kolbeinus negabat tam propere in con-
 ciliationem consensum fuisse, si præcõ-
 gnitum esset, tantas vires coituras: svasit
 itaque in abdito sinu prope Gardas naves
 occulerent; quo facto cum templo ap-
 propinquarent, contigit, ut Einar cum
 campana sonaret simul accederet, id vero
 indignati mercatores, in honorem ejus
 fieri, & quidem præter rationem inter-
 pretabantur, Ketill autem vetabat ei hæc

invideri, posse enim istum æris tinnitum ei ante vesperam in funebrem verti. Jamque ad pretium pro compensatione Ausuris recipiendum, in crepidine quadam confidebant, Sockio & Hermundo Kodrani filio ad æstimandum singula constitutis. Interea Simon, ægri animi signa vultu præferens, in circuitu spatiabatur, usque lorica vetus taxanda depromeretur. Tum vero haut ultra indignationem premens, projecta in campum lorica, ad ignominiam traxit, quod res quoque despiciatissimæ in tanti viri pensationem offerrentur, nitentique ad superiora, Gronlandi qui ibi sedebant consurgentes oculos obvertebant; dum Kolbeinus solus, nemine observante, inter eos ad tergum Einaris evadens, eodem momento, quo ille Simonem lethali ictu in capite percussit, ab eo inter scapulas mortifero vulnere sauciatur; quo accepto concidens, nec id citra spem, respondit. Mox exortus alumnus ejus Thordus, dum Kolbeinum secure petit, ab Einaris acrius se commoventis secure inguttore vulneratus exanimis concidit. Jamque pugna inter partes

tes accensa, tanto ardore geritur, ut Steingrimus quidam, dum se interponens, eos conciliare niteretur, pugione transfossus, suo quoque sanguine locum praelii exanimis imbueret. Inter hæc Episcopus totius mali incentor, nunc quoque inutilis cladis tragædiæque spectator, Einarem moribundum gremio quoad exspiraret fovit, id contigit supra crepidinem, juxta Gronlandorum tabernas. Tribus suorum occisis, multisque ab utraque parte vulneratis, Kólbeinus ad navem cum cæteris Norvegis evasit, transmissio Einarsfiordo ad Skialgsbudas pervenit; jamque naves in apparatu erant. Metus autem à Gronlandis ultionem molientibus coëgit, ut in illis noctes exigerentur, ne improvisi forte opprimerentur, nam Sockius ad ultionem omnes indigenas concitabat, eosque in navibus persequi destinavit. Erat rusticus prudens magna in re, nomine Hallus, qui villam Solarhall incoluit. Is novissime Sockio cum suo manipulo succursurus sub finem praelii advenit, improbabatque consilium ejus,

ejus, quod parvis navigiis magnas naves, omnibus ad defensionem conquisitis instructas, aggredi statuerit, incertus de suorum viribus, & quamvis de fortibus viris non esset desperandum, tamen parem virtutem ab omnibus minime expectandam, futurum enim, ut pusillanimis quibusdam dilabentibus, ductores quoque deficiant, resque eorum ad interitum spectet, singulos igitur juramento adstringendos ad vincendum aut moriendum. His auditis multi animos desponderunt. Tum Sockio, sine tamen compositione causam turpiter deferi, questus, se conciliatorem obtulit, moxque ad naves accedens, turonem eos adire liceret, quaerit: Illi admissum benigne excipiant, mox de reconciliatione agens, quantum damnum cladesque accepta sit, monet, hortaturque ad pacem. Illi se in utrumque paratos respondent, nec sua, sed indigenarum culpa, huc malorum processum; ejus tamen bonitati se tantum tributuros, ut totius litis decisionem ejus solius arbitrio committant. His ad Sockium,

um remissus, pariter quoque ab illo arbitratu constituitur, diesque & locus pacificationi destinatus est, ita tamen, ut interea ad iter dies noctesque omnia appropinquarent, factaque compositione quam ocissimè naves solvant, ne longiore mora senariorem augeant, secus si quem eorum intercipi contingeret, supplicio eundem quoque sine satisfactione afficiendum. His consensu partium approbatis, Ketill de comineatu anxius cum ejus defectu perfectionem tardari, sed nec tuto suscipi prospiceret, jussit ut triginta simul armati in terram ascenderent, esse ibi rusticum nomine Thorarinum, cui cibariorum affatim; ad quem cum de nocte pervenissent, vacua tantum domo reperta sine viatico abierunt. Inter virgulta vadebant, cum somnus Ketilli obrepere cepit; ei cum paulisper indulisset, exitus, multas sibi imagines oblatas, retulit, nihil referre si virgultorum unum evellat; quo facto subterraneam cryptam deprehendit cibariis plenam, ibi enim rusticus sexaginta animalium corpora, duodecim butyri talenta minora (vætt vocant) piscium siccatorum

rum magnam copiam absconderat; quibus ablatis abunde sibi provifum existimabant. Ad locum deinde pacificationi delectum utrique convenerunt, cui Hal-lus has leges præfcripfit, ut cædes Eina-ris & Auffuris inter fe compensarentur, dignitatisque difcrimen exilio mercato-rum, quibus ftatim excedendum efferet fine reditus aut moræ venia; reliquorum etiam cædes compensatæ: Sed unius Gronlandorum, qui fuper numerum Norvego-rum cæfus erat nomine Thorarinus, ære repenfa. His Sockius fe fupra fpem gra-vatum exiftimans, pactis tamen ftegit. Dein glacies, finus omnes obfidens, abi-tu eos prohibebat; gratum id Gronlan-dis fperantibus hac occasione Norvegos capi poffe, redituque excludi, quæ tamen, in menfium confinio repulfa, fpem illo-rum omnino elufit. Kolus in Norvegi-am devectus, urfum Gronlandicum Regi Haraldo Gillio, qui fratri Sigurdo succes-serat, donabat, Gronlandosque apud illum calumniatus effer, quod cum pofterea com-pertum effer fecus fe habere, atque ille re-tulerat, donativo Regio excidit; pofterea Sigur-

Sigurdi Slembidiaconi in auspiciatissima
 auspicia secutus, inter interfectores Regis
 & ipse eum vulneravit; postremò, cum è
 Daniâ navigarent, ipse Scaphæ à tergo al-
 ligatæ insidens, cum tempestate abripere-
 tur, sub undis periit. Hermundus autem
 Kodrani filius cum fratre Thorgilse in pa-
 triam suam Islandiam redierunt. Ipse ve-
 ro præsul in Norvegiam redux, cum
 Gronlandiam repetere nollet, novum præ-
 sulatum Hamarensem à Cardinale Nicolao
 Breckesparrio Albanensi Episcopo, id tem-
 poris summi Pontificis Evgenii Tertii in
 Norvegiam legato institutum eodem an-
 no Salutis nempe MCLII. obtinuit, ita
 ut Gronlandorum, diæcesisque Hamaren-
 sis primus Episcopus idem Arnoldus ha-
 beatur. Nam Eiricus, qui primus Gron-
 landorum Episcopus habetur, iis annu-
 merandus videtur, qui nullam certam se-
 dem aut redditus obtinuerunt, sed à popu-
 lō proceribusque assumpti circumeuntes
 regiones ecclesias ædificabant, forsan et-
 iam in Straumsnesia resedit, qui postea
 Vinlandiam exquisivit. Arngrimi senten-
 tiam adscribam, quæ talis: Commémto-
 ran,

„ Annales nostri quendam Eiricum Gron-
 „ landiæ Episcopum, Arnoldo priorem
 „ anno MCXXI, sed (quantum conjici-
 „ cio) superior ille Gronlandiam non at-
 „ tingerat, aut si attigit cathedram tamen
 „ non adiit, eodem tamen destinatus.
 „ Nam anno MCXXI. scribitur insulam
 „ Vinland infra commemorandam quæ-
 „ situm ivisse, in qua navigatione forsi-
 „ tan periit. De Arnoldo autem Antiqui-
 „ tates consentiunt, quod is omnium
 „ primus cathedralem Ecclesiam in Gôr-
 „ dum fundatam adierit. In nomine Ei-
 „ rici mirum quam Claudius Lyscander re-
 „ lationes variat aut personas, nam ad an-
 „ num MXXIV. unius Eirici inter presby-
 „ teros Gronlandiæ meminit, alterius ad an-
 „ num MCXXI. qui idem est cum hoc no-
 „ stro, quem fidem Christianam in Vinlan-
 „ dia plantasse, quæ adhuc vigeat, tradit.
 „ Meminit & ad annum MLII. unius ejus-
 „ dem nominis instituti à Nicolao Cardina-
 „ le, quem in Gronlandia ejusque posteros
 „ remansisse tradit. Interfuisse deinde anno
 „ MCLVIII. in Islandia foundationi monaste-
 „ rii Helgasellensis, quod tamen anno
 „ MCLXXXIV.

MCLXXXIV. fundatum Annales nostri tradunt: Postremo obitum ejus in annum MCXLVI. refert, eiqve Arildum, qui nobis Arnoldus, successisse, anno autem MCCIX. discessisse, perhibet.

CAP. XXX.

Continens catalogum Episcoporum Gronlandiæ, cum quibusdam aliis notatu dignis, ex Annalibus, quos ad manus habeo.

Æra Chr:	Reges Norvegiæ.	Archiepiscopi.	Gronlandiæ Episcopi.	Res memorabiles.
982	Hacon Comes			Eiricus Rufus Gronlandiæ primus incolæ & eponymus Gronlandiam invenit.
985				Rediit in Islandiam Eiricus.
986				Colonia ex Islandia in Gronlandiam 25 navibus traducta est, duce Eirico Rufo.

Æra Chr.	Reges Nor- vegiæ.	Archiepi- scopi.	Gronlandiæ Episcopi.	Res memorabiles.
1000	Olafus Tryggvi- nus			Gronlandia â Leifo Eirici Rufi filio ad Christianam fidem conversa est.
1023	S. Olafus			Gronlandi S. Olaf & Norvegiæ regno tri- butarii facti sunt, sed postea defecerunt, ut tradit Episcopus The- odorus Thorlacius secutus forte codic: Flat: in limine Fær- eyinga patz in Hi- storia S. Olafi, ubi ta- men de defectione nihil habetur, neque in historia S. Olafi quicquam de his in- venio. Arngrimus Specim: Islandiæ Part: II. Memb: II. pag. 149 idem habet. De illo cap: superiore dictum.
1121	Sigurdus Hieroso- lymipeta.		Eiricus	

Æra Chr:	Reges Nor- vegiæ.	Archiepi- scopi.	Gronlandiæ Episcopi.	Res memorabiles.
1124			Arnaldus	In Episcopum Gron- landiæ Lundæ Scano- rum ordinatus est.
1126				Tres Episcopi in co- mitiis Islandicis con- venerunt, Thorlacus Skalholtensis, Ketill Holensis, & Arnoldus Gronlandus.
1150	Eysteinus Sigurdus & Ingius Haraldi Gillii filii		Jon Knu- tus, aliis Kutus	Ordinatus Episcopus Gronlandiæ consen- su omnium Annali- um; inter hunc Co- dex Flat: col: 850. (quem Kauttum o: catum seu felem co- gnominat) & Jonem Secundum, Henri- cum & Haraldum in- ferit, sine ulla tempo- ris determinatione, quod nullatenus con- sistit ob successoris Jonis Secundi initia- tionis annum.

Arnol-

Æra Chr.	Reges Nor- vegiz.	Archiepi- scopi.	Gronlandiz Episcopi.	Res memorabiles.
1152		Jon de Sta- fangria.		Arnoldus Gronlandiz Episcopus Episcopa- tum Hamarensem in Norvegia obtinuit.
1185	Sverir Ma- gnus.			Periit Navis Gronlan- dica.
1187		Eiricus.		Obiit Jon Gronlandiz Episcopus.
1188			Jon. II.	Ordinatur Gronlando- rum Episcopus, Co- dici Flat: Col: 850. Smyrill cognomina- tur 3: accipiter, Ar- nii filius, sine anni certi applicatione.
1189				Asmundus Kastanra- zius cum duodecim nautis, nave clavis ligneis & nervis ani- malium compacta, Gronlandia Krossley- as & inde finum Brei- dafiordum devenit, cum etiam in Fin- marchia fuisset.

Æra Chr:	Reges Nor- vegiæ.	Archiepi- scopi.	Gronlandiæ Episcopi.	Res memorabiles.
1190				Cum Islandia idem solvisset, nihil de eo postea cognitum.
1202	Hacon			Jon Gronland: Episco- pus iterum in Islan- diam venit.
1212	Ingius Bardi fili- us	Thorer	Helgius Augmun- di Hrap- pakolli fi- lius, teste Starfjungo- rū hilt: Part: 3. cap: 3.	Gronlandiam venit; hunc inter eos, qui in Islandia fuerunt, Appendix ad Land- namam recenset.
1230	Hacon Se- nior			Obiit Helgius Gron- landiæ Episcopus.
1234		Sigurdus	Nicolaus	Episcopus Gronlan- diæ ordinatur.
1239				Episcopus Nicolaus transiit in Gronlandi- am.
1240				Obiit ille.
1246			Olafus	Episcopus Gronlan- diæ ordinatur; non ut Lyscander ab Einare

Æra Chr.	Reges Nor- vegiæ.	Archiepi- scopi.	Gronlandiæ Episcopi.	Res memorabiles.
				ad annum 1263. tra- dit.
1247				Olafus Gronlandiam petivit.
1261				Hoc autumnno Oddus de Sioltis & Paulus Magni filius, & Lei- fus à nave Knarrar- leifus dictus, post in Gronlandia quatuor exactas hyemes re- dierunt, nunciantes Gronlandos in cen- sum Regi Norvegiæ in posterum dandum concessisse, fancivis- se præterea, ut o- mnes multæ pro cæ- dibus perpetratis si- ve à Norvegis sive Gronlandis, quibus- cunque in locis, cultis pariter ac incultis, et-

Æra Chr:	Reges Nor- vegiæ.	Archiepi- scopi.	Gronlandiæ Episcopi.	Res memorabiles.
				etiam si sub ipso po- lo committerentur; Regi penderentur, prout id graphice & enucleate superstitite versu Sturla depingit.
1262		Einar		Olafus Gronlandiæ E- piscopus in Islandi- am venit & ad Her- disarvikam navem appulit.
1264	Magnus			Olafus idem videtur eousque in Islandia mansisse, & tunc in- de solvisse, five ite- rum in Gronlandiam redux inde Norvegi- am profectus; hæc namque ambigua sunt.
1265				Periit navis Gronlan- dica cum quadragin- ta vectoribus.

Navis

Æra Chr:	Reges Nor- vegiz.	Archiepi- scopi.	Gronlandiæ Episcopi.	Res memorabiles.
1266				Navis Gronland: ad Hvitarnesiam in Is- landia cum duode- cim nautis periit.
1267		Hacon		Olafus Gronlandiæ E- piscopus cum aliis Episcopis circumde- dit Archiepiscopo Haconi pallium.
1271				Olafus secunda vice Gronlandiam petivit.
1280	Eiricus.			Obiit Olafus Gr: Episc: Nota: Claudius Ly- scander inter hunc & Theodorum inserit Bartholum Gregori- um & Andream ad annum 1308. Qvod vero tradit, Gronlan- diam quoque sub ipsa obsequii initia obse- qium exuisse, Ma- gno parum de ea re folicito, unde habue-

rit

Æra Chr:	Reges Nor- vegiæ.	Archiepi- ſcopi.	Gronlandiæ Epiſcopi.	Res memorabiles.
				<p>rit, nescio : Adjicit- que permiſſum Eirico Glippingo Daniæ Re- gi ſuis impenſis, ſi pla- ceret, ad obedientiam redigere. Viſum au- tem Eirico Regis Ma- gni Affini (ſororem enim patruelem ejus Engelbiorgem Ma- gnus duxerat) ad de- decus Daniæ & Nor- vegiæ, detrimentum- que filiorum Magni propinqvorum ſpecta- re, ſi nuper imperio Norico acquiſita pro- vincia, ut temere defi- ciens, ita importune derelinqueretur ; ita- que claſſem copiasque magnas eò miſiſſe, qui- bus territi Gronlandi obſeqvium Daniæ, Ei- ricoque Regi fidelitatē</p>

Æra Chr.	Reges Nor- vegiæ.	Archiepi- scopi.	Gronlandiæ Episcopi.	Res memorabiles.
				<p>in posterum jurave- rint, censumque & tributa, quæ Magno negaverint, nave va- cua remissa, quæ ad ea avehenda ablegata e- rat, Danis reddiderint, idque ad annum sæculi ejus sexagesimum ter- tium refert, vultque contigisse sub Episco- po eorum Olafo, qui obijt eodem anno, quo Rex Magnus, defectio- nemque illam vel in odium Episcopi, vel occulto ejus instinctu factum existimat. His ab Eirico gestis, resti- tutam Magno ejusque posteris Gronlandiæ possessionem. Verum quam hæc non consi- stant, ex præcedenti- bus patet.</p>

Æra Chr.	Reges Nor- vegiæ.	Archiepi- scopi.	Gronlandiæ Episcopi.	Res memorabiles.
1288		Jorundus	Theodo- rus	Gronlandiæ Episco- pus factus. Electum 1308. & anno sequen- te ordinatum Hvit- feldius tradit.
1289				Trajecit in Gronlan- diam.
1309	Hacon	Eylifus		In Norvegiam trans- fretavit : Annales chartacei hoc ad an- num sequentem re- ferunt.
1314			Arnus	Episcopus Gronlandiæ ordinatur. Theodo- rus obiit.
1315				In Gronlandiam trans- ivit Arnus.
1343	Magnus Smeck	Paulus	Jon Cal- vus.	Ordinatur, vivo adhuc Arnio, eo quod Ar- chiepiscopus eum in vivi esse nesciret. Arildus Hvitfeldius inter Jonem (quem 1351. or-

Æra Chr.	Reges Nor- vegiæ.	Archiepi- scopi.	Gronlandiæ Episcopi.	Res memorabiles.
1347		Arnius Vadius		<p>1351 ordinatum tradi- dit) & Arnium inse- rit Alfum, 1325 con- secratum, Barthol- dum Gregorium & Arndium.</p> <p>Appulit navis Gron- landica in Islandiæ o- stium Straumsfiord, quæ prius Marklan- diam accesserat.</p>
1352		Olafus		<p>Dum Gyrdir Ivaris fi- lius Skalholto, Gil- bertus Bergis, Salo- mon Osloæ solenni inauguratione Epi- scopi constitueren- tur, soli Ormus & Jon Calvus Episcopi in Norvegia superstites præsentes fuerunt, reliquos pestis ab- sumserat.</p>

Al-

Æra Chr.	Reges Nor- vegiz.	Archiepi- scopi.	Gronlandiæ Episcopi.	Res memorabiles.
1378				Alfus Gronlandiæ E- piscopus obiit.
1379	Hacon Magni fil.	Thrandus		Skralingi Gronlandos oppugnarunt, ex iis octodecim occide- runt, duos pueros ceperunt, & in servi- tutem redegerunt.
1382	Olafus	Nicolaus		Navis cathedræ Skal- holtenfis Thorlaks- fud dicta, in Gron- dia tempestate orta, mari absorpta est, nautæ acatio in ter- ram enixi evaserunt, multi quoque perie- runt.
1383				Superiore ætate alia quoque navis Olafs- fud dicta eò quoque compulsa ibi tunc hyernabat; quæ in Norvegiam navi- gans

Æra Chr:	Reges Nor- vegiæ.	Archiepi- scopi.	Gronlandiæ Episcopi.	Res memorabiles,
				gans eos excepit, & avexit, cognitum tunc Episcop: Alfum ante sexennium mor- tuum.
1385				Quatuor naves Islan- dicæ in Gronlandi- am ventis detrusæ biennium ibi sine ul- lo damno permanse- runt.
1387		Vinaldus		Inter vectores nomi- nantur Biarnius Ei- naris filius & Sigur- dus Hvítakollus in Is- landiam redierunt.
1389	Margare- ta.		Henricus	Gronland; Episcopus creatur. Hvilfeldus tamen & Pontanns anno 1386. in comi- tiis Neoburgensibus, cum Olafus Daniæ Norvegiæque Rex sub

Æra Chr.	Reges Nor- vegiz.	Archiepi- scopi.	Gronlandiz Episcopi.	Res memorabiles.
				<p>sub festum Divi Jo- hannis Gerhardo Henrici Ferrei Co- mitis Holsatiæ filio Ducatum Holsatiæ contulit, inter alios regnorum Antistites Henricum Gronlan- diæ præfulem me- morant, qui unà cum cæteris Episco- pis pluribus ecclesiis cœnobiisque venia- les largitiones im- pertiverint. Ex quo evincitur ante hunc annum eum ordina- tum fuisse.</p>

Mis-

Æra Chr:	Reges Nor- vegiæ.	Archiepi- scopi.	Gronlandiæ Episcopi.	Res memorabiles.
1406		Askell	Andreas	Missus est ex Norvegia Episcopali dignitate instructus, ut Henri- co succederet, si is mortuus esset; nec postea ullus Episco- pus fuisse memora- tur. Diverfus hic An- dreas fuisse videtur ab illo, qui anno 1461 in Islandia fuit, & Gardorum in Gron- landia Episcopum Ecclesiæque Schal- holtinæ vice Episco- pum seu Vicarium se proffessus est; qui constituto ibidem du- odecim sacerdotum judicio presbyterum Ecclesiæ Hrunensis Jonem Jonis filium accusavit, quod sine Archiepiscopi, & Capituli Nidarosien-

sis permissu, ipso cathedræ Episcopo (pro-
 cul dubio Marcello) invito & contradi-
 cente, vicariatum ejusdem ecclesiæ inva-
 ferit, eumque officio & ecclesiæ suæ ad-
 ministratione multat, bonaque ejus eccle-
 siæ cathedrali & Episcopo adjudicat, do-
 nec ad obsequium redierit, ecclesiæque
 idoneis rationibus satisfecerit. Eodem-
 que anno ejusdem ecclesiæ redditus, ejus-
 demque presbyteri bona nobili viro
 Thorleifo Biorni filio donavit. Ho-
 rum duorum instrumentorum apo-
 grapha penes me sunt. Arngrimus au-
 tem utraque se his verbis vidisse testatur,
 in suæ Gronlandiæ cap. IVti fine, post-
 quam Episcoporum Gronlandiæ recen-
 sum egisset, quorum ultimum Hen-
 ricum circa annum 1389. posuit. Eo-
 rundem porro, inquit, qui hoc secuti
 sunt, nomina, non reperio usque ad
 annum 1461, quo Andreas quidam
 præfuit. Is hoc anno in Islandia fuit,
 gessitque præter Episcopatum Gron-
 landiæ etiam Vice-Episcopatum Schal-
 holtensem in Islandia; cujus rei testes
 habeo tabellas quasdam judiciales in

„ membrana descriptas, & in Consistorio
 „ Ecclesiastico ab hoc Andrea eodem an-
 „ no confectas. Alteras quidem in Sab-
 „ batho, ante festum D. Bartholomei
 „ proximo. Alteras die Veneris festum
 „ nativitatis Divæ Virginis antecedente;
 „ nec nostri Annales plures Gronlandiæ
 „ Episcopos numerant.

CAP. XXXI.

*Præcepta Archiepiscopi Erici Valchendorphii nau-
 tis in Gronlandiam desti-
 natis data.*

Postquam Archiepiscopus species mer-
 cium, quæ in Gronlandia proveni-
 rent, indicem redegisset, hæc man-
 data subjungit.

I. Ne negligerent lapides, quos supe-
 riori anno per literas sibi e Germania mit-
 ti postulavit, & primo vere Bergas expe-
 ctaret, secum sumere ad aquas, si opus
 esset, in itinere reficiendas.

II. Nec

II. Nec omitterent, assumere duo dolia atra terra repleta, per quam deinde Vasculis ingestam aqua marina ita percolletur, ut usui esse possit.

III. Cum ad Gronlandiam pervenerint, caveant, ne plures quam duos in terram exponant, seduloque observent, quomodo excipiantur, an & sine periculo repeti possint.

IV. Severe quoque prohibet, ne ullis invitamentis allecti, plures nave egrediantur, quam ut residui eam cum ipso gubernatore dirigere & domum reducere possint, accurateque notare jubet viam & cursum ad Gronlandiam, locumque, ubi emissi, si forte intercepti fuerint, nam intra annum tanta auxilia expectaturos pollicetur, ut non solum sibi ipsis defendendis, sed etiam captivis liberandis abunde sufficiant.

V. Quod si, ait, mei Clerici cognoverint, quod sive rector gentis, sive populus ministeriis suis indigeat, illa offerunto, sive scribarum sive capellanorum, sive etiam mercenariorum requiruntur. Admissi deinde se, prout res exigat, gerunto.

VI. Ne negligent duos aut tres hexeres & octeres cum remis aut armamentis huc deferre, suspendendos supra foros, ubi spatii minimum occupent, & à tempestate tutissimum.

VII. Terram conscendentes in desertis securibus silvas exscindant, deinde urant, focosque magnos excitent, magnasque & multas speculas, pluraque monumenta relinquant, cruces arboribus & faxis incendant, & idgenus alia.

CAP. XXXII.

De Biorno Hierosolymipeta, & indiciis de Gronlandis posterioribus temporibus exceptis.

Anno MCCCXCI. Biornus Hierosolymipeta Islandiæ præfectus, de quo Gronlandiæ cap. II. dictum, qui ter Romam profectus, illo quoque anno Hierosolymam usque piam peregrinationem susceperat; in reditu multa incommoda pas-

sus tandem etiam adversis ventis actus in Gronlandiæ deserta, victualibus indigebat, primo in ursum niveum cum Rostungo ferali bello concertantem (de quorum pugna supra cap: XI.) incidit, utriusque deinde potitus, id quod fami compescendæ profuit: appulsus deinde conspicuæ magnitudinis cetus Steipireidr (de quo in fine cap: XII) affatim alimentorum, tum ipsi tum nautis ejus præbuit; hic jaculum Olafsi Islandi de Isafiordo, quo trajectus erat, corpore circumtulera. Ei Gronlandi, prætes alia humanitatis officia, etiam præfecturam Eiriksfiordensem gubernandam commiserunt, ad suam suorumque sustentationem, unde centum triginta ovium annos, cum parte laterum, quæ appendi solet, tributi, quod donativum appellant, nomine comparavit. Nuper tunc Episcopus Gronlandiæ obiisse perhibetur. Is certe Henricus fuit, ante biennium Antistes factus, cujus vicem sacerdos quidam senex obiit, omniaque Episcopalia munia expedit. Traditur etiam quod Episcopus Skalholtensis Augmundus, qui anno MDXXII. initiatus erat, sed MDXL. officio

ficio se abdicavit; aliquando in reditu in Islandiam tempestate in occidentalem oceanum ad Gronlandiam pulsus, cum aliquantisper juxta litora in aqvilonem navigasset, circiter vesperam promontorium Herjolsnesiam agnoverit, tamque prope terram vela fecerit, ut homines, oves & agnos in septa compellentes, perspicue viderit. Inde ferentem ventum nactus, postridie in sinu Patreksfiordensi Occidentalis Islandiæ, navim ad anchoras alligaverit, idque mane cum pecora mulgerentur, id est circiter horam nonam ante meridianam, id quod minime consistit, vix etiam si nonam vespertinam intellexisset, ut ex Gronlandiæ cap: IX. apparet.


Nostri memoria, inquit laudatus Biornus de Skardza, Jon Gronlandus dictus, mercatoribus Hamburgensibus diu ministrabat. Contigit autem quodam tempore, ut navis, quâ vehebatur, celsis Gronlandiæ rupibus tempestate adacta naufragium omnibus & interitum minaretur, cum derepente angustæ fauces ex improvviso patefactæ velut effuso sinu eam exciperent, quas prætervecta, in ingen-

gentem latitudinem expansū pelagus tūl-
tas interspersas insulas complectens appa-
ruit, tanta longitudine, ut terminos oculis
signare nequirent, nec ventis nec æstibus
infestum. Projectis ad incultam quādam
insulam anchoris, continentem passim,
multasq; insulas cultu frequentatas obser-
vabant, quas incolarum metu evitabant;
nihilominus expedita scapha proximam
stationi eamque parvam accedunt, ibi na-
valia, piscatorum casas, saxeaqve gurgustia
siccandis condendisqve piscibus perinde
ut in Islandia exstructa deprehendunt; hu-
manum quoque cadaver in terra primum
jacens, gestans capite cucullum bene con-
sutum, reliqua vestis ē sago, pars ē corio
Phocarum, penes eum jacuit culter curvus &
frequentis attritu extenuatus, quem secum in Is-
landiam ostendendum detulerunt. Hic Jon ter in
Gronlandiam cum nautis appulsus, inde Gron-
landi cognomen sortitus est. His relationibus per-
suasi multi sapientes viri, veterem Gronlando-
rum coloniam, quantumvis à Skrælingis infesta-
tam, non tamen adeo excisam, quin reliquæ ad-
huc multæ supersint, opinantur, idque multis in-
diciis confirmant, præcipue pineis navium frag-
mentis, phocarum pice illitis, quæ ad litora Is-
lan.

landiæ appellunt, palmi latitudine, ubi asseres
 connectuntur, cum tamen constet idgenus picem
 nullibi quam in Gronlandia in usu esse. Tale
 anno MDCXXV. in promontorium Reykiastran-
 das expulsum viminibus multifariam & artifici-
 osè contextum, cuneisque firmatum, in modum
 istius navigii, quod nervis consutum Asmannum
 Kastanrazium in Islandiam anno MCLXXXIX.
 devexit. Hæc ex iis, quæ Biornus de Skardza com-
 pilavit, desumpta sunt. His etiam addit, quod
 non ita pridem presbyteri cujusdam Einaris Snor-
 rii filii Ecclesiæ Staðarstads sub Olduhriggo præ-
 fecti, lembus onerarius, indurato pisce repletus,
 in emporium missus subita tempestate late in ma-
 re abreptus eousque quò Gunnbiornus olim per-
 venerit, unde Snæfellzjocull Islandiæ & Blaser-
 kur Gronlandiæ simul conspicerentur. Inde con-
 cluditur, cursum, quem Eiricus Rufus primus præ-
 ivit, eum quoque assecutum. His addit Episco-
 pus Theodorus, prope finem operis sui cap. V.
 quod de novitiis Gronlandiæ indiciis inscripsit,
 ante aliquot annos, in orientalis Islandiæ qua-
 drantem, acatii ramum appulsum, runicis literis
 notatum his verbis, *Oft var ek dasadur*

*ek dro þik ɔ: sæpe lassus fui
 cum te duxi.*

Tantum de Gronlandia.



ADDENDA.

Pag. 9. ad finem Capit: adde, Arngri-
mus in Specimine Islandiæ Sect. 35.
p. m. 34. semper quantum sciret de-
sertam tradit.

Pag. 18. lin. 13. post vocem Reikiane-
siam, usque ad lin. 16. ita corrige: De Her-
jolfsnesia Biörnus de Skardsä ita: Herjolfs-
nesia omnium Gronlandiæ cultorum se-
peliendi locus aqviloni proximus esse vi-
detur, eò quod ad sacram &c.

Pag. 33. lin. 29. ad vocem Furufrand-
as. Nota ex Annalibus Biorni de Skards-
ä sequentia: þeir Kölludu Strandirnar
Furdustrandir, því langt þotti firir ad
figla.

Pag. 36. ad illa: Gronlandia parum in au-
strum deflectit promontorium Herjolfs-
nesia &c. conjectat hic Episcopus Thor-
lacius in observationibus in suam Gron-
landiam legendum esse: Gronlandia pa-
rum in austrum deflectit, promontorium
Herjolfsnesia omnium maxime evro pro-
xima: & ita pag. 38. lin. 4. secundum ejus
mentem legendum erit: austaz er Her-
jolfsnes &c.

Pag. 84. lin. 23. post verbum nolui, adde: amphibion illud | Hugo Grotius Historiæ Belgicæ lib. IV. p. m. 236. Morsam appellat & aliquatenus describit.

Pag. 104. initio Cap. XV. præponē. Victitant Grönlandi carnibus ferinis, bubulis, ovillis, caprinis, balenarum phocarumque; lactariis piscibusq; variis.

Pag. 124. lin. 16. post verbum omisit, adde. nec inter alios auctores unde Gronlandicam Historiam collegit, hujus unquam meminit: vid. partis 2dæ memb. secundum à pag. 150. ad p. 155.

Pag. 239. lin. ult. post verbum ascribam; adde. ex Gronlandiæ ejus Capite quinto.

Pag. 241. ad finem Capit. adde sequentia, cædem Einaris Arngrimus suæ Grönlandiæ fin. Cap. VIII. inter annos 1131 & 1136. haud inepte conjectat; tempore scil. Haraldi Gillii.

Pag. 243. lin. 5. ad illa verba: Lundæ Scanorum ordinatus est; adde sequentia. Ecclesiæque cathedralis in prædio Gardis fundata, divoqve Nicolao dicata teste Arngrimo.

Ibid.

Ibid. ad lin. 11. adde: Plura de Arnolfo
ex Arngrimi specimine Islandiæ p. 155.

Ibid. ad lin. ult. hæc adde: Arngrimus
tam in sua Gronlandia quam Specimine
annum ordinationis ejus 1156. ponit.
Annales Gronlandiæ Biorni de Skards-
a 1149. Arngrimus sequendus est, non
enim poterat ordinari quamdiu Arnolfus
præfuit.

Pag. 244. ad annum 1189. adde: Eo-
dem anno tres Episcopi in Islandia fue-
runt, Thorlacus Schalholtenfis, Brandus
Holenfis & Jon Gardenfis ex Gronlan-
dia.

Pag. 245. ad lin. 8. post vocem venit;
hæc adde: docuitque incolas vinum ex
baccis nigris lendis magnitudine confice-
re, succo referente colorem ejus vini
quod Canariis adscribitur, testibus Arn-
grimo Jona & Theodoro Thorlacio.

ibid. ad annum 1212. Ketill Balbus ve-
nit in Islandiam ex Gronlandia.

ibid. ad. annum circiter 1200. hæc legi
possunt: Hic Claudius Christophorus Ly-
scander in sua Gronlandia metrica inter
annum 1183. & 1218. tradit Baggos

(sic Norvegos appellat) in ejus, scil. Eirici, locum elegisse, Afferum qvendam, ei-
que supremum Ecclesiæ jus in Episcopos,
Presbyteros & Ecclesias contulisse : ab
eoque Jonein ejus nominis secundum
Gronlandiæ Episcopum circa Annum
1205. ordinatum perhibet, qua vero au-
thoritate hæc scripserit, nescio. Meminit
quidem Arildus Hvitfeldius in Catalogo
Archiepiscoporum Nidarosienfium Ad-
zeri alias Eirici, qvem anno 1184. ele-
ctum testatur; verum manifestum est Ey-
steinum tunc in vivis fuisse; ut taceam
diversa hæc nomina sibi invicem repu-
gnare.

Pag. 247. ad annum 1263 adde : tres
Episcopi in Foro Generali Islandiæ con-
venerunt, Sigurdus Schalholtinus, Bran-
dus Holanus, & Olafus Gronlandus, ut
Biornus de Skardsa in Annalibus Gron-
landicis ad hunc annum testatur.

Ibid. ad annum 1264. post illa; hæc nam-
que ambigua sunt, adde : Annales Biorni
eum tunc Islandia excessisse perhibent.

Ibid. ad lin. ult. Nota, Hunc errorem er-
rant

rant Annales Flateyenses ; sed ad sequentem annum hæc pertinent.

Pag. 251. ad annum 1309. lin. 14. adde : Arngrimus in specimine Islandiæ ad annum 1299.

Pag. 252. ad annum 1376. lege hæc : Alfus Gronlandiæ Episcopus ordinatus.

Ibid. ad annum 1357. Episcopus Jon Calvus Romam proficiscitur ad impetrandum Præfulatum Holensem : venit Holar 1359. indulgentiâ Papali se munitum gloriabatur, populo eum acceptare recusante, quod eam proferre aut nollet aut non posset, unde, postea se forsan cathedræ Gronlandicæ insinuaverit. Arngrim. Specim. Isl. p. 249.

Pag. 255. lin. ult. adde seqq: Hic Vigfusum Flosii filium in Islandia anno 1384. excommunicatum adque curiam Romanam ad absolutionem criminum calumniæ impetrandam, ablegatum, isto onere & omnibus insuper criminibus absolvit : quo is deinde tutus è Norvegia Islandiam repetivit. vid. Annal. Flat. ad annum 1391.

Anno vero 1394. eadem absolutio irrita facta est. vid. ibid. eund. annum.

INDEX.

Rerum memorabilium,
quæ in hac Historiâ occurrunt.

A.

Adamus Bremensis unde Grönlandiam
denominet. pag. 4.

Amicitiae rarum exemplum. p. 143.

Andreas ultimus Grönlandiæ Episcopus,
p. 256

S. Ansgarii Archi-Episcopi privilegium
& jus Ecclesiasticum in Islandiam quæ-
le, & quanti ponderis, vid. Præfat pag.
44. seqq.

Aquila alba in Islandiâ visa. p. 87.

Arena aurea ex Freto Davis advecta.
Præfat. pag. 35.

Arii Polyhistoris de Grönlandiæ inventi-
one testimonium. 15 & 16.

Arngrimus Jonas de incultis Grönlandiæ.
pag. 32. & seqq.

Arnoldus primus Grönlandiæ Episco-
pus constitutus. p. 220 seqq. Aus-
surem Norvegum interfici curat, &
tur-

turbas excitat 228. in Norvegiam
redit & Hamarensem Episcopatum ob-
tinet. 239.

Augmundus, Schalholtenfis Episcopus in
Grönlandiam seculo XVI. delatus. 261.

Axelius (Ottho) ad explorandam Grön-
landiam missus vid. Præf. 37.

B.

Bardus Dumbi filius 108. quando in Is-
landiam migraverit, 116. Ejus in orbi-
tate filiae insignis mœror 117. Snæ-
fellsäs dictus, & qvarè 119.

Berius (Ivar) quis. vid. Præf. pag. 22.
Ejus descriptio Grönlandiæ. 41. seqq.

Biörnus de Skardsä de Gunnbiarnarskeri
inventoribus, 6. seqq. de Grönlandiæ
incultis ex Hauko Legifero, 27. seqq.
de Jone dicto Grönlando, 262.

Biörnus Hierosolymipeta, 260.

Blaferkus mons Grönlandiæ altissimus,
pag. 14. & 80.

Brattahlid, suprema in Grönlandiâ sedes
pag. 19.

C.

Cakiunge, princeps gentis Grönlandis vicinæ. vid Præf. pag. 31.

Catalogus rerum memorabilium Grönlandicarum incipit, p. 241.

Cetorum in mari Grönlandico 23 genera, eorum natura, forma & magnitudo, p. 89. seqq.

Cœli in Grönlandiâ constitutio, 101.

Christiana religio in Grönlandia propagata, 129.

Christiani Tertii in Grönlandiam irrita legatio, Præfat. p. 28.

Christiani Qvarti in Grönlandiam legationes, Præfat. p. 32. seqq.

Conciliatio eorum quæ de Chorographiâ Grönlandiæ scripserunt, p. 55. seqq.

Corvi albi in Islandiâ visi, 87.

D.

Diei navigatio antiquis quanta, 67.

Dofrini montes, 108.

Dumbicum mare à quo dictum, ibid.

E.

Einar Socki filius in Norvegiam proficiscitur, 219 Auflurem jussu Episcopi occi-

occidit, 229. à Kolbeino in illius vindictam interficitur, 234.

Eiolfus Saur interfectus ab Eirico Rufo, pag. 11.

Eiricus an primus Grönlandiæ Episcopus 239.

Eirici Rufi genus, 9. & seqq. educatio 11. cum patre in Islandiam fugit, 11. uxorem ducit, ibid. Eiolfum Saur interficit ibid. proscribitur 12. ejus cum Thorgesto conflictus, ibid. Islandiâ exul cedit, 13. Grönlandiam invenit, 14. ibi sedem figit, 15.

Episcoporum Grönlandicorum catalogus, p. 241 & seqq.

Errores in Grönlandiâ repetendâ hætenus admissi. Præf. p. 38.

Exulum in Grönlandiam excursiones, p. 145.

F.

Fœminæ tres ex Grönlandiâ Hafniam advectæ, Præfat. pag. 36.

Forbissærus (Martinus) ad Grönlandiam explorandam missus. Præfat. 29.

Fra-

Fraternitatis jurandæ modus apud veteres, pag. 151.

Friderici Tertii legatio in Grönlandiam, Præf. 36.

Fridericus Episcopus. 16.

G.

Gardæ Episcopalis sedes in Grönlandia, pag. 74. & 77.

Gardarsholma, pag. 4.

Gestus larvatus, 161. ejus vires ibidem.

Glacies Grönlandica, 69.

Grinæ cujusdam artes, 192. seq.

Grönlandiæ nomen 1. homonymia ibid.

Etymologia, 2. 3. quo tempore inventa, 17. Grönlandiæ primi cultores 19. ejus situs, 21. deserta, 22. & seqq. an ex parte culta, 23. qvanta, 24. Grönlandiæ divisio, 36. chorographia, ibid. usque ad pag. 41. in Grönlandiam navigatio qvomodo instituenta, 64. 71. Grönlandorum victus, 104. Grönlandiæ repetendæ consilia, vide Præfat. à pag 38. seqq.

Gunn-

Gunnbiörnus Gunnbiarnarskeri eponymus, 4 & 5.

H.

Haconis Adalsteini alumni & Haraldi Imperiosi Chronologia pag. 207.

Hafgyrdingur in mari Grönlandico, 101.

Hafstrambur monstrum, 97.

Hallbiörnus & Styrbiörnus in Gardarsholmam trajiciunt 5, inter eos confictus, 6.

Halli Geit stupendum iter 25. seqq.

Haraldus Grænskius unde sic dictus, 1.

Haukus Legifer de incultis Grönlandiæ, p. 27.

Heinssonius (Magnus) in Grönlandiam missus, Præfat. 29.

De Helga Bardi filia fabulosa relatio, incipit, p. 107.

Herjolfus de Drepstockio, 17.

Herjolsnesiæ situs, 18.

Hvitserkus mons Grönlandiæ, 84.

I. Jon

I.

Jon Grönlandus, pag. 262.

Jötunheimi Theodoro Torlacio Nova Zembla, 24. eorum situs vid. Tabb.

Islandis Grönlandia notissima, Præfation. p. 17.

Islandiæ circuitus, 67. 68.

Ivar Bérius, vid. Berius.

Juramentum fraternitatis quale apud veteres, 151.

K.

Kalfus pag. 155.

Koli cujusdam prudentia, 139. Cædes ab eo commissa, pag. 145.

Krokarefus, vid. Refus.

KolbrunarSkald, vid. Thormodus KolbrunarSkald.

L.

Langanefia, maximum Islandiæ promontorium, pag. 64.

Leifus Eirici Rufi filius, ad Christianam fidem convertitur 127. eandem in Grönlandia propagat, 129.

Lindenovius (Götschius) in Grönlandiam

am à Christiano Quarto missus, Præf.
p. 32.

Lika-Lodinn, 18.

de Lingbako Speculi Regalis monstrosa
narratio, 99.

Lodinus Brattahlide œconomus 163. ejus
cum Thormodo Kolbrunarskallde ri-
xæ, ibid. & 165. à Thormodo occidi-
tur, ibid.

Lyschander (Claud.) notatur, 17. & 240.

M.

Margya, monstrum, pag. 97.

Merces in Grönlandiâ provenientes,
p. 82.

Monstra in mari Grönlandico 97. & seqq.

Montes Dofrini, 108.

Morbus prodigiosus, 135.

Munchius (Joh.) ad explorandam Grön-
landiam missus, Præf. 34. seqq.

N.

Navigatio diei veteribus qvanta, pag. 67.

Navigatio in Grönlandiam qvomodo in-
stituenda, 64. 71. seq. ejus intermissæ
causæ Præf. 23.

de

de Nelle (David) in Grönlandiam missus, Præf. 36.

Nordurliös, meteoron, 102.

Norvegi ab Islandis Aufmanni dicti, 6.

O.

Olafus Tryggvinus, 127.

S. Olafi in Thormodum Kolbrunarskalld clementia, 159. & liberalitas 160. de eô fabula, 191.

P.

Parœciarum in Grönlandiâ numerus & situs, pag. 80. seq.

Phocarum Grönlandicarum varia genera, 87. seq.

Pontani de omiffâ in Grönlandiam navigatione testimonium, Præfat. 24.

Prodigia 135. seq. 224.

R.

Refi (alias Krokarefi, item Rufi) natales & ingenium, 194. probra in illum conjecta, 196. Thorgefillum, seu Thorgilsem, & ejus filios occidit, 197. ejus in machina ligneâ formandâ mirum ar-

artificium 199. à Gunnero inde expellitur 202. Bardum persequentem solertè eludit, & occidit, ib. Grane-rum occidit, 203. & ejus cædem perplexis verbis fatetur, 204. Regem Daniæ donis sibi conciliat, 205. de Re-fi historiâ & anno natali judicium, pag. 207. seq.

Richardus (Christian.) in Grönlandiam missus, Præf. 34.

Rostungi descriptio 82. seq: ejus cum urfis pugna, 84.

S.

Saxum in Grönlandia scissile, pag. 54.

Sigvardi Niali filii profectio, 222.

Sinuum Grönlandiæ numerus & situs 39 seq. 51. seq.

Snæfellsäs, vid. Bardus.

Snækollus parricida, 49. ejus pœna ibid.

Skrælingi & Skrælingialandia, 81.

Skufus, Regis Olafi fatelles 160. ejus prudens consilium, 166. in Thormodum Kolbrunarskalld insignis fides, 174. seq.

Ströms-

Strömsnefiæ templum celebre, pag.
55.

T.

Templorum in Grönlandiâ numerus &
ordo, 50. seq.

Testimonia Islandorum, unde hic liber
concinnatus, Præf. 20.

Thorkelis Farferki stupendæ vires, 20.

Thorlacii (Theodori) descriptio Grön-
landiæ, 53. seq.

Thorgils Orrabeinii alumnus, 130. ejus
prodigiosa somnia, ibid. constantia in
fide 131. in Grönlandiâ detinetur, 136.
ejus calamitates, 138. in educandô fi-
lio mira solertia, ibid. Hrolfi in eum
benignitas, 142. ab Eirico Rufo minus
benignè excipitur, 144. ejusdem ad-
versus latrones dolus, 148. eos cædit,
149. senex moritur, 150.

Thorgeir Havaris filius 152. ejus ingeni-
um & vita ibid. & seqq. admirabilis
fortitudo & mors, 156.

Thor-

Thorarinus Offius, 153. ejus contra Thorgeirem strategema, 854. in mortuum ludibria, pag. 156.

Thorgrimi Trollii fastus, 168. Ejus cædes à Thormodo Kolbrunarskalde perpetrata, 171.

Thordifis de Laungunefiâ contra Thormodum Kolbrunarskalld persecutio, 181. seqq.

Thormodus Kolbrunarskalld nascitur. Ulturus socium ex Islandiâ in Norvegiâ proficiscitur, 158. eadem ibi patrat, 159. à Rege vitâ donatur, ibid. cum Lodine conflictatur, 164. 165. 171. Torgrimum Trollium interficit, ibid. callidè evadit, 172. ejus cum Skufo & Biarnio colloquium, 173. seq. illorum beneficio occultatur, 175. cum nepotibus Trollii conflictatur eosq; superat, 177. seq. Grimæ artibus tegitur, 184. cum Lioto conflictatur, 188. eum cum comitibus occidit, 191.

De Trando Norvago relatio fabulosa, p. 212. seq.

Tröllbotnar, 81.

V.

Valchendorphius (Eiricus) ad explorandam Grönlandiam missus, Præfat. 27. ejus historia, 70. præcepta, Grönlandiam petituris data, 258. seqq.

Vasa Grönlandica qvalia, 54.

Ventorum quot & quos antiqui septentrionales observarint, 66.

Verelii (Olai) de Hallo Geit relatio, 25. seqq.

Vinoldus Episcopus in Grönlandiam missus, Præfat. 25.

Urfi Grönlandici, 85. seqq.

Y

Yxna-Thorer, 19. ejus liberalitas, ibid.

EMENDANDA.

Prafat. pag. 42. lin. ult. lege velim. P. 2. lin. ult. pro dipthongo substituatursimplex e. P. 3. l. 2. lege pronunciante. ibid. l. 14. lege græn. ib. l. 16 & 17. deleantur hæc verba & supinum grant. P. 4. ad l. 10. & 11. deleant. notæ citationis cum verba illa itane ex fama tantum &c. auctoris sint non vero Adami Bremensis. Pag. 8. liu. 11. lege maritimo monte nomine Ritur sinus Ifafjordenfis. ib. lin. antepenult lege Haldoris. Pag. 11. lin. 6. lege Thorhillde, aliis Thiodhillde. ibid. l. 9. lege quadrantem. P. 12. l. 20. lege tracti. P. 13. l. 10. lege Styr. P. 17. initio Capitis IV. lege Bardi. P. 19. l. 17. lege inhabitavit. P. 20. l. 5 & 6. lege exciperet. ibid. sub finem Capit. lege Vinlandiam. P. 21. l. ult. & pag. 22. l. 1. lege habitabile. P. 22. l. 1. & 2. lege Forbifferi. P. 23. l. antepenult. lege alia. P. 26. l. 17 & 18. lege undiqve. ib. l. penult. lege Hedinseyamqve. P. 28. l. 5. lege presbyter. P. 29. l. 18. lege garo. P. 30. l. antepenult. lege Dldin. ib. l. penult. lege Falgeirs. P. 33. l. 19. lege Furustrandas. ibid. l. ult. lege nivosis. P. 35. l. 4 & 5. lege tractus. ib. l. 5 & 6. lege interpedinem. ib. l. 11. & 12. lege topographia. P. 37. l. 5. & 6. lege Hrakbiarnarey. ib. l. 6 & 7. lege Alftafjordus. P. 38. l. 3. lege horfir. ib. l. 7. lege Eyreksfiardar. ib. l. 20. lege Auftkarsfiordur. ibid. lin. penult. lege Steinsfiordr. ib. l. eadem & ult. lege Bergþorsfiordr. P. 39. l. 6. lege firjr. P. 39. l. 19. lege Melracknesiæ. P. 40. l. 6. deleantur

hæc duo verba tunc Strandafjordus utpote quæ
 bis posita sunt. P. 41. ita inscriptionem cap. lege
 Continens Ivaris Beru descriptionem. ibid. l. 16.
 lege Biarneyas. P. 44. l. 7. lege sylva. P. 47. l. 1.
 deleatur vocula: magna. ib. l. ult. & penult. lege
 proxime. P. 51. l. 7. & 8. ita legatur: hominum
 sive ethnicorum sive Christianorum nulli visun-
 tur. P. 52. l. 3 lege Aufkongsfjordum. ib. lin.
 ult. lege Bergthorsfiordr. P. 58. l. 8. & 9. lege
 Solvadalum. P. 62. l. 11. lege Eyrarfiordus. P. 64.
 l. 5. lege perspicacioris. P. 66. l. 19 & 20. lege na-
 vigandum. P. 67. l. 14. lege septidui. P. 69. l. 14.
 lege adeo. ibid. l. penult. lege propere quærere-
 tur in hanc impingeretur. P. 71. l. 3. lege ali-
 quot. ib. l. 18. lege conspicitur. ib. l. 14. & seqq.
 lege Hac viâ insistent, intercedente Oceani tri-
 ente ab Islandia, duobus ab Irlandia sive Hiber-
 nia dirimitur, sive huc usque in occidentem pro-
 ceditur &c. P. 72. l. 22. lege etiam. P. 73. l. 13.
 pro Islandiæ lege Irlandiæ. P. 74. sub finem Cap.
 lege deinde. P. 76. l. 6 & 7. lege Grænlandsfior-
 drinn. P. 78. l. 1. lege egregiæ. ib. l. 17. lege O-
 lafo. P. 79. l. 12. pro ab lege ad. P. 83. l. 3 &
 4 lege seqviulnam. ibid. l. penult. inter voces Is-
 landi & Gronlandi interferatur particula nunc.
 P. 87. l. 2. lege Gronlandica. P. 88. l. 22. lege har-
 litu. P. 91. l. 3. lege Hahirningr. P. 92. l. 21. lege
 garum. P. 94. l. 3. lege iuxta. ib. l. 7. lege navigia.
 ibid. l. 17. lege naves submergere destinat. P. 96.
 l. 14. lege caudam. ibid. l. 19. lege aut. P. 98. l. 20.
 lege

lege manibus. P. 99. l. 9. lege ejus ad ulnarum.
P. 101. l. 7. lege nullibi. P. 103. l. 2. lege ferren-
tur: P. 104. l. 6. lege obstupuisse. P. 105. l. 11 & 12.
pro Germanus lege Gallus. P. 108. l. 14. 15. 16.
deleantur verba parenthesi inclusa; nam in Serie
Regum Daniæ correctæ sunt. P. 110. l. 12. lege
Dofris. P. 111. l. 13. lege Barnaza. P. 113. l. 6. lege
fostra. ibid. l. 11. lege aundvert. ib. l. 23. lege
pervagata. P. 114. l. penult. lege pauciores quo-
que. P. 118. l. 4. lege Raudfeldsgia. P. 119. l. 2.
lege delevit. ib. l. ult. pro index lege inde, id est
P. 120. l. 17. lege navem. P. 121. l. 15. lege Skioldi.
P. 123. l. 2. lege digniores. ib. l. ead. lege reda-
marent. ibid. l. 13. lege qvadrante. ib. l. 16. lege
qvadrantis. ibid. l. 21. lege districtus. P. 124. l. 15.
lege hic cum occupationes &c. ibid. l. 19. lege
Trollakyrkiu. P. 128. l. 4. pro rivis lege civis
Gronlandiæ, illius qvi &c. P. 132. l. 3. pro his
lege hic. P. 138. l. 16. lege mihi. P. 140. l. 5. le-
ge eos. P. 143. l. 5. lege discendensqve. P. 144.
l. 10. pro ad lege id. P. 146. l. 16. lege nomine.
P. 149. l. 8. lege multa. P. 151. ab initio Capit. le-
ge societatem. P. 152. l. 6. lege paræcia. p. 153.
l. 9. lege ingenin à suo parum &c. ib. l. 22. lege
Thorgeir. P. 155. l. 1. lege Kalfus & Steinolfus.
P. 158. l. 10. lege eadem. P. 159. l. 8. del. vocula se.
P. 161. l. 2 & 3. ita corrige: staturâ procerâ, perso-
na Gestî nomine pileo & facie velata &c. P. 162.
l. 17. pro utras lege utraqve. P. 163. l. 2. pro his
lege hic. ib. l. 13. lege Thorkel. ib. l. ult. lege ali.
qvan.

quanto. P. 165. l. 18. lege coriaceos. ib. l. 22. lege
 Thorkele. P. 173. l. 1. lege dimisit. P. 178. l. pen-
 ult. lege adveſti. P. 182. l. 20. pro cellam lege ſel-
 lam. P. 183. l. 11. pro qvod lege qvid. P. 184.
 l. 9. lege tectum. ibid. l. 12. pro cella lege ſella.
 P. 185. l. 6. & 7. lege divinantes. P. 182. l. 1. le-
 ge parum à Launguneſia. P. 190. l. 17. lege tan-
 dem. P. 205. l. 23. lege filiis. P. 207. l. 15. lege
 animadverſo. P. 209. l. 14. lege monſtrat. ib. l. 25.
 deleatur ultima linear ſyllaba. P. 210. l. 13. lege
 propior. ib. l. 16. lege imperioſus. P. 212. l. penult.
 lege is in Uplandis. ib. l. ult. lege Arnini. P. 215.
 l. 6. lege hypogeum. P. 216. l. 7. lege adhibito.
 P. 221. l. 4. lege expedivit. P. 224. l. penult. lege
 diruto. P. 227. l. 17. lege Kalius. P. 228. l. 5.
 ab initio Capit. lege illatas. ibid. l. 9. ab initio
 Capit. lege injuriam. P. 231. l. ult. lege animas.
 P. 236. l. 4. lege qvamvis. P. 237. l. 20. lege ex-
 citus. P. 239. l. 1. lege inauſpicatiſſima. P. 243.
 expunge qvatuor ultimas paginae lineas. P. 244.
 l. 7 & 8. lege periit navis Gronlandica in Islandia.
 P. 248. l. 4. lege Hitanefiam. ib. l. 5 & 6. pro duo-
 decim lege qvadraginta. P. 253. l. 13 & 14. lege
 Gronlandia. P. 254. l. 15. lege Biornus. P. 257.
 l. 19. pro hoc lege hos. P. 258. l. 3. ab initio Cap.
 lege in indicem redeſſet. P. 261. l. 13. lege præ-
 ter. ib. l. 16. & 17. ita corrige: centum & triginta
 ovium armorum paria 3. ducentos & ſexaginta
 armos cum parte laterum &c. P. 264. l. 7. lege
 Asmundum. ib. l. 23. pro ramum
 lege remum.

NOTA.

Scripseram in Præfatione pag. 41. invifuros Grönlandiam loricis muniendos effe. Intelligo autem Loricæ lineas qualibus veteres ufi funt, teste Svet. in Galb. cap. 19. & Causaub. in notis ad eundem L. quæ quomodo conficiebantur vid. Hofmanni Lex. univerf. voce *Loricæ* & loca ibi citata, conf. Nicetam Coniat hift. Ifaaci Aug. lib. I. cap. 8. & Pont. pag. 347.

LECTORI BENEVOLO
S. D. AUTHOR.

Facere hic non possum, quin uno verbo
orbi literato indicem metamorphosin
illam, quam me absente & inscio passa est
mea Series Regum Daniae, nunc *Universa*
Septentrionis Antiquitates vocata; ne quis
nesciat eundem esse librum qui à me sub
titulo *Seriei Regum Daniae* passim citatur;
neve putet vitium hoc meum esse, quod
iste titulus plura promittat quam praestet.
cæterum *Analecta* ad eandem seriem
nonnihil forte lucis affusura & indi-
cum locupletissimum ad prælum paravi-
mus, propediem si Deus & dextera fors
faveat expectanda. Vale L. B.
& nostris fruire.

FINIS.



